

সৈয়দ মুজতবা আলীর উপন্যাস

নরুল রহমান খান

০৯. বাঙলা কথাসাহিত্য তথা উপন্যাস ও ছোটগল্পের উদ্ভব ঊনবিংশ শতাব্দীতে এবং দিনক্ষণের হিসেবে ছোটগল্প উপন্যাসের অনুজ। বাঙলা গদ্যের কাঙ্ক্ষিত ও সুসমা কথাসাহিত্যের গৌরবময় বিকাশের অবিসংবাদী সোপান। বঙ্কিম-রবীন্দ্রনাথ-শরৎচন্দ্রের সরণি শরণে বহু সহযাত্রীর পদসঞ্চারণ-অনুশীলনের মধ্য দিয়ে বিভূতি-তারাক্ষর-মানিক—বন্দ্যোপাধ্যায়ের নিরলস সাধনায় বাঙলা কথাসাহিত্যের দিগন্ত স্বর্ণোজ্জ্বল। অতিরথ-মহারথীদের অনুচর সহগামী সার্থক মনস্বদারদের সংখ্যাও নগণ্য নয়। সাধনশক্তির সম্মিলিত সার্থক প্রচেষ্টায় বাঙলা উপন্যাস-ছোটগল্পের উত্তরণ সুবর্ণযুগে। বিশ্বব্যাপী জনতন্ত্রের জয়-জয়কারের কালে একক দিগ্বিজয়ীরা অনেকটা অন্তরালে, গণের সাম্প্রতিক শক্তি স্বমহিমায় সুপ্রতিষ্ঠিত। সাহিত্যজ্ঞানও ব্যত্যয়হীন। তবু এরই মধ্যে কোন কোন সৈনিকের তীক্ষ্ণ হাতিয়ারের দীপ্ত ঔজ্জ্বল্য চমক হানে।

কালজয়ী সাহিত্যমাত্রই জীবন-সন্তুত, জীবনচেতনারই উদ্ভাস। এবং সার্থক শিল্পী জীবনরসের রসিক বলেই জীবনশিল্পী। তাঁর পর্যবেক্ষণ দৃষ্টি, অনুসন্ধিৎসু মানস ও বিশ্লেষণ সামর্থ্যে জীবননাট্যের অনাবিস্কৃত অঙ্গনও আলোকিত হয়ে ওঠে। এবং জীবনের বিচিত্র চিত্রে আমরা কখনো বিস্মিত, কখনো বা স্তম্ভিত। বৈচিত্র্যপূর্ণ সংঘাত-সঙ্কুল প্রতিবেশে বিসপিল জীবন-সম্মানী ঔপন্যাসিক সুবিস্তৃত পরিবেশে তাঁর অলেখ্য সৃষ্টি করেন। অভিজ্ঞতা, অন্তর্দৃষ্টি এবং শৈল্পিক চেতনার সুসমন্বয়ে ঔপন্যাসিক তাঁর অভীপ্সিত লক্ষ্যে পৌঁছতে সদাসচেষ্ট। দিক্দিগন্তপ্রসারিত পটভূমিকায় অনন্ত জীবনের অতলান্তিক জিজ্ঞাসায় তিনি উন্মুখ ও মুগ্ধ। অথচ জীবন রূপায়ণই তাঁর কাম্য। ঔপন্যাসিকের দৃষ্টি তাই আদিগন্ত বিস্তৃত, বৈচিত্র্যে বর্ণাঢ্য। আর ছোটগল্প-কারের লক্ষ্য খণ্ডজীবনের কোন এক দুর্লভ মুহূর্ত—যার ব্যঞ্জনায়

অনির্বচনীয় অনন্তও বাঁধা পড়ে। 'উপন্যাস একটি আদ্যন্ত জীবনের মধ্যে অনন্ত অতীত জীবনকে প্রতিফলিত করেছে ; —ছোটগল্প একটি মানবজীবনের যে-কোনো একটিমাত্র মুহূর্তের অভিব্যক্তির অতলে সম্পূর্ণ অখণ্ড জীবনকে করে থাকে বিস্তৃত।'১ বক্তব্য আরো স্বচ্ছ পর-বর্তী ব্যাখ্যায়, 'একটি জীবনকে অনন্ত জটিলতার মধ্যে পরিকরণ করে শাস্ত্র জীবনের মূর্তি রচনা করে উপন্যাস। আর অনন্ত প্রসূত জীবনের রূপকে একটি মুহূর্তের অতলে একান্ত করে বিস্তৃত,—সীমা-ব্যঞ্জিত করে ছোটগল্প। সকল সার্থক গল্পের মতই উপন্যাস ও ছোটগল্পও বস্তুময় জীবন-রূপকে প্রতিফলিত করে থাকে নিজ নিজ শিল্পরূপের মুকুরে।'২ উপন্যাসিকের স্বাধীনতা ছোটগল্পকারের নেই এবং তাঁর সীমা-সরহদ্ যথেষ্ট সীমিত বলেই 'ছোটগল্পে ভাবের একমুখিতা, বস্তুবো-র অদ্বিতীয়তা, প্রসঙ্গমুখিতা, স্পষ্টতা ও ঋজুতাই আরাধ্য। উন্মুক্ত বাতায়নে এক বালকের দেখাই ছোটগল্পের দেখা এবং তাঁর মধ্য দিয়ে ভিতরের প্রাণস্পন্দনটুকুর নিপুণ উন্মোচনই গল্পকারের সাধনা।'৩

কথাসাহিত্যের আঙ্গিক-শৈলী-উপজীব্য ইত্যাকার বিষয়ে সংখ্যাহীন সম্ভর্ষ পুস্তক প্রণয়নাশুও যেন চরম বক্তব্য এখনো অব্যক্ত। তাঁরই সম্মানে সত্যানুেষীরাও নিরলস। সুতরাং আমরা তত্ত্ব-সূত্রের গহীন বিপিনাভিসারী না হয়ে সরাসরি বাঙলা কথাসাহিত্যের সমুদ্রসগমে সম্মিলিত অন্যতম কলকর্ষ সৈয়দ মুজতবা আলীর মূল্যায়নে অভিলষী। সম্ভর্ষ, উপন্যাসিক হিসেবে সংখ্যা কিংবা মানে তিনি আদৌ উল্লেখ্য নন এবং উপন্যাস অভিধায় চিহ্নিত গ্রন্থ চতুষ্টয়ের সব ক'টি উপন্যাস পদবাচ্য কি না তা-ও বিতর্কীর্ষন। খ্যাতির তুলনায় গল্পের সংখ্যাও আশানুরূপ নয়। তবে তাঁর সৃষ্ট কয়েকটি গল্প বাঙলা সাহিত্যে শুধুমাত্র 'বিশিষ্ট আসন' নয়—অমরতার দাবীদার। সৈয়দ মুজতবা আলীর উপন্যাস :

- ক. অবিশ্বাস্য
- খ. শব্দম্
- গ. শহর-ইয়ার
- ঘ. তুলনাহীনা।

আলী সাহেবের গল্প-উপন্যাসের বেশ কয়েকটি যেন তাঁরই আত্মকথা এবং কোন কোন লেখা স্মৃতিচারণায় শ্রুত মস্তুর। দুটো উপন্যাসের

নায়ক লেখক নিজেই এবং প্রত্যক্ষ অভিজ্ঞতা-জন্ম অনুভূতি ও চরিত্র সৃষ্টিতে তাঁর প্রতিভা যথামত সফলভাবে প্রকাশ করেছে। স্বভাবচারণার জন্যেই রহস্যর পটভূমিতে স্বল্প চরিত্রচিত্রণ অপেক্ষা ক্ষুদ্রতর পরিসরে প্রত্যক্ষদৃষ্ট বহুতর জীবনের খণ্ডরূপায়ণেই তাঁর সৃষ্টি-প্রবণতা ও পারদর্শিতা। ফলে মুজতবা আলীর ছোটগল্পের শিল্পনৈপুণ্য ও পরিপূর্ণতা তাঁর উপন্যাসে অনুপস্থিত। এমন কি উপন্যাসে বহুপ্রত্যাশিত চরিত্রের ধারাবাহিক বহুমুখিকারের স্বাক্ষরও নিশ্চিহ্ন। আবেগ এবং কাব্যোচিত ভাসাই তাঁর উপন্যাসের প্রাণ ও মূল উপাদান—ব্যত্যয় ‘অবিশ্বাস্য’ ॥

০২. উপন্যাস হিসেবে সৈয়দ মুজতবা আলীর প্রথম প্রচেষ্টা—‘অবিশ্বাস্য’—সফল রচনা। ‘এর নায়কের জীবনের সুগভীর ট্র্যাজেডি, তীব্র বেদনাময় অন্তর্দ্বন্দ্ব, ভাগ্যের হাতে মার খাওয়ার অসহায়তা—একটা পরিপূর্ণ রূপ নিতে পেরেছে।’^৪

মধুগঞ্জ মহকুমা শহরে নবনিযুক্ত এসিস্টেন্ট সুপারিন্টেন্ডেন্ট অব পুলিশ একুশ-বাইশ বছরের আইরিশ যুবক ডেভিড ও’-রেলি সেখানকার প্রকৃতি ও স্থানীয় আধিবাসীদের প্রেমে হলো আকর্ষ লীন। প্রচলিত প্রথা উল্লঙ্ঘন ও শ্বেত আভিজাত্যের অসার অহমিকার নির্মোক উন্মোচন করে ‘ইয়োরেসিয়ান’ তথা দেশজ অন্ত্যজ রূপে চির-চিহ্নিত শ্রেণীর সঙ্গেও একাত্ম হয়ে ওঠে। স্বভাবতই ও’-রেলির ভূমিকা স্থানীয় নির্ভে-জাল ইংরেজদের চক্ষুসহন কিংবা মনোমোহন হয়নি। তারা বিমর্ষ, হেতু, ‘ও’-রেলি ইজ গন্ কমপ্লীটলী নেটিভ!’ বছরখানের মধ্যেই বিলেত থেকে ও’-রেলি তার নব-পরিণীতা মেব্লুকে নিয়ে এলো মধুগঞ্জে। এবং দিন পনেরো কোলকাতায় কাটিয়ে ফেরে কর্মস্থলে। ইতিমধ্যে একটা পরিবর্তন প্রকট হয়ে ওঠে তার মধ্যে। কিছুটা গভীর। ক্লাব এবং বন্ধু-স্বজনদের সান্নিধ্য প্রায় পরিত্যাগ করে নিজের মধ্যেই আপনাকে সংহরণ করে নেয় অনেকখানি। শান্তিশিষ্টা ‘উত্তম রুচি’ সম্পন্ন কলেজে পড়ুয়া ‘ডিসেন্ট গার্ল’ মেব্লুও সমালোচনার পাত্রী হয়ে ওঠে। জোর গুজব ‘মেব্লু ন্যাকি নেটিভ বাটলারটার প্রতি অনুরক্ত!’ লাকারউডা চা-বাগানের খুন এবং ঐ বাগিচারই ছোট সাহেবের আত্ম-হত্যার সংবাদে ও’-রেলি-মেব্লু সমাচার কিছুদিনের জন্যে আত্মগোপনের অবকাশ পায়। ইতিমধ্যে মেব্লু প্রথম পুত্রের জননী হলো। সাড়ম্বরে নবজাতকের বাপিত্বস্মরণ ব্যবস্থা করলে ও’-রেলি। শিশু প্যাট্রিকের

গড়-ফাদার বা ‘ধর্মপিতা’ নির্বাচনে কিছুটা অস্বস্তির সৃষ্টি হয়েছিলো। ও’-রেলিরা ক্যাথলিক। প্যাট্রিকের ধর্মপিতাকেও তাই হতে হবে ক্যাথলিক। অবশ্য ব্যতিক্রমে এমন কিছু মহাতারত অশুদ্ধ হয়ে যেতো না। কিন্তু দেখা গেলো এক্ষেত্রে ও’-রেলি ধর্মাক্ত। তাই শেষ পর্যন্ত—ও’-রেলিদের বাদ দিয়ে—মধুগঞ্জের একমাত্র ক্যাথলিক বাটলার জয়সূর্যকেই হতে হলো প্যাট্রিকের ধর্মপিতা, তাবৎ শ্বেতাঙ্গদের ড্রাকুটি সত্ত্বেও। চার বৎসর পর স্থির হলো মেব্ল বাচ্চাকে নিয়ে বিলেত চলে যাবে এবং সেখানেই তার লেখাপড়ার ব্যবস্থা হবে। ব্যবস্থানুযায়ী ও’-রেলি গাড়ীতে কুড়ি মাইল দূরবর্তী স্টেশনে তাদের পৌঁছে দেবে এবং সেখান থেকে জয়সূর্য মেব্লদের জাহাজে তুলে দিয়ে দেশে যাবে। আরো এক বৎসর নিঃসঙ্গ কাটলো। তখনো ও’-রেলি শ্বেতাঙ্গ ক্লাবের সংস্পর্শ এড়িয়ে চলেছে।

কানাঘুমোয় মধুগঞ্জে ঙনগুনিয়ে উঠলো অতি মৃদু কস্পনে, ‘মেব্ল’রা নাকি আদপেই ইংলণ্ড পৌঁছয়নি।’ এদিকে ও’-রেলি বদলী হলো রাধাপুরে এবং তার শূন্যস্থানে এলো ‘স্কটল্যান্ড ইয়ার্ড’ থেকে ‘খাস্ তালিম’ প্রাপ্ত সদ্য ভারতগত সামারসেট ডীন। পূর্বসূরীর বাঙলোও উত্তরাধিকারসূত্রে হলো তার আবাসস্থল। দিনকয়েকের মধ্যেই নৈশভোজ সমাপনান্তে বাঙলোর বারান্দায় বসে এক অভাবিত দৃশ্যে ডীন চঞ্চল হয়ে উঠলো। একই দৃশ্যের পুনরাবৃত্তি দ্বিতীয় রাত্রিতেও। “তিনটি প্রাণী.. বেড-রুম থেকে বেরিয়ে সিঁড়ি দিয়ে নিচের তলায় নেমে গেল।” দ্বিতীয় রাত্রে ডীন সাহেব পিস্তল হাতে ছুটেও গিয়েছিলো। কিন্তু সামান্য বিলম্বের সুযোগে ততক্ষণে ‘ত্রিমূর্তি বাগানের বড় ডামগাছটার কাছে হাওয়া হয়ে গিয়েছে।’

পুলিশের আই. জি. ডাড্‌নি সাহেব সরকারী কর্মোপলক্ষে মধুগঞ্জে এসে কথাপ্রসঙ্গে ও’-রেলি দম্পতি সংকুল নানা গুজব শুনে এর প্রতিকারার্থে তথা মিথ্যা অপবাদ ও অপমানের পঙ্ককুণ্ড থেকে ও’-রেলিকে উদ্ধারের মহদুদ্দেশ্য প্রণোদিত হয়ে সম্ভাব্য সর্বত্র মেব্লদের সন্ধান করে ব্যর্থকাম হলো। এমনকি বাটলার জয়সিংহের সিংহলের গ্রামের বাড়ীতেও সন্ধান প্রাপ্ত তথ্য—‘সাত বৎসর ধরে সে গ্রামে ফেরেনি।’ তাই বড় সাহেব এ’ ব্যাপারে সংগোপনে মধুগঞ্জে তল্লাসীর জন্যে ডীনকে লিখলো। অতঃপর অলৌকিকতায় পরিপূর্ণ আস্থা রেখে—প্রত্যয়ী ডীন আপন দর্শনোন্নিয়কে অবিধ্বাস করতে পারেনি—বাঙলোর বাগানের

মাটি খুঁড়ে আবিষ্কার করলো ‘তিনটি কঙ্কাল। একটা বড়, একটা মাঝারি, আরেকটি ছোট শিশুর। এরই সূত্রে বড় সাহেবের প্রশ্নে ম্লান হেসে ও’-রেলি সোমের উদ্দেশে লেখা পত্র তুলে দেয় তার হাতে। পত্র নয়—মৃত্যু-পরোয়ানা—আপন অভিশপ্ত জীবনের রক্তলেখ্য। গ্রন্থটির কিঞ্চিৎ ন্যূন অর্ধাংশ জুড়ে দীর্ঘ স্বীকারোক্তির মধ্য দিয়ে ও’-রেলির প্যাথোটিক কাহিনী যেন নিয়তির ক্বীড়নক মানবভাগ্যের অমোঘতার প্রতিই দৃষ্টি আকর্ষণের চেষ্টা করেছে। এবং সম্ভবত নিয়তিই ত্রিমূর্তির বেশে সত্যের সন্ধান দিয়েছে, উদ্ঘাটন করেছে পাপের বীভৎস রূপ। ‘পাপ’ তাকে ট্রাজেডির তোরণ অবধি নিয়ে গেছে। চিত্তির ছত্রে-ছত্রে পাম্বানে প্রতিহত নিপীড়িত অসহায় মানবজ্বার আর্তকন্দনধ্বনি বারংবার পাঠকের বক্ষে আশ্রয়সন্ধানী।

পিতৃমাতৃহীন ও’-রেলির ‘জীবনের সবচেয়ে স্মরণীয় ঘটনা, মেব্লুকে দেখা।’ গ্রীষ্মের দ্বিপ্রহরে হাইডপার্কের সেই দুর্লভ মুহূর্ত :

‘আমার সঙ্গে সমুদ্রের চারি চক্কর মিলন হল নিদাম মধ্যাহ্নে—
নীলাম্বুজ আর নীলাকাশ সেদিন বর্ষণ শেষে আতপতকিশোর
রৌদ্রে দেহখানি প্রসারিত করে দিয়েছেন।

সে সমুদ্র মেব্লু।^৫

প্রথম দর্শনেই প্রণয়, অতঃপর পরিণয়। বহু প্রতীক্ষিত গুণবল্লভেই প্রকৃতির রৌদ্র প্রকাশে ভয়ঙ্কর ভবিষ্যতের আভাসিত ইঙ্গিতে ‘ধর্মভীরু’ মেব্লুর চিত্ত-চাঞ্চল্যের সৃষ্টি হয়েছিলো এবং সে নির্ভরতা চেয়েছে ও’-রেলির মধ্যে। দাম্পত্যজীবনে চরমতম অবমাননায় উদ্ঘাটিত হলো কর্মজীবনে সার্থক ও’-রেলির মর্মান্তিক দুর্দৈব—সে ‘নিবীর্ঘ—ইম্পটেন্ট’। চিকিৎসকদের দেয়া ক্ষীণতম প্রত্যাশা প্রতি রাত্রে তার ভাগ্যকে বিক্রপ করে ফিরে গেছে। দু’ বছর স্ত্রীর নিকট থেকে নিজেকে সরিয়ে রেখেছিলো। তারপর এক দুর্বল মুহূর্তের উদগ্র কামনায় পশুদন্ত ও’-রেলির যৌন-সন্তোঃগেছার নিষ্ফল প্রচেষ্টা এবং ‘সেই রাত্রে ভোরের দিকে মেব্লু জয়সূর্যের ঘরে যায়।’ অতঃপর ঘটনার দ্রুত পরিণতি। প্যাট্রিকের জন্ম, বাপ্তিস্ম এবং ধর্মপিতা হিসেবে বাট্‌লার জয়সূর্য ইত্যাদি। গভীর নৈরাশ্যে ও’-রেলির স্বগতোক্তি—‘শুধু মেব্লু দূর হতে আরো দূরে চলে গেল।’ স্বস্তি কোথায়? অভিশপ্ত জীবন থেকে কি মুক্তি নেই?

অবশেষে সহজ সমাধান—আর্সেনিক প্রয়োগে তিনটি প্রাণ সংহার। পাশবিক সিদ্ধান্তটি অতি সুচারুভাবেই নিষ্পন্ন হয়েছিলো। ও'-রেলির সুসঙ্গত দৃষ্টি বিশ্বাস ছিলো কেউ তাদের খোঁজ করবে না। কিন্তু 'অযাচিতভাবে' 'মিত্র'রূপেই যেন অলঙ্ঘ্য নিয়তি তাকে আন্টেপৃষ্ঠে জড়িয়ে ধরে। কিংবা হিতৈষীর ছন্দাবরণে কৃত পাপ-ই তাকে কাঠ-গড়ায় দাঁড় করিয়ে দেয় প্রায়শ্চিত্তের জন্যে। পত্রটিতে উপন্যাসের প্রায় সব ক'টি চরিত্র পূর্ণতা পেয়েছে এবং ও'-রেলি-মেব্লে'র মধ্য দিয়ে লেখক অসহায় মানবভাগ্যকেই বিশেষভাবে চিত্রিত করেছেন।

মনস্তত্ত্ব আধুনিক উপন্যাসের অন্যতম উপাদান। এবং ফ্রয়েডের গবেষণার ফসল কথাসাহিত্যে প্রয়োগ করতে গিয়ে কল্লোল-গোষ্ঠী এক সময়ে সমাজে নিন্দিত হয়েছিলো। অতি-আধুনিক উপন্যাসে যৌন-জীবন প্রসঙ্গে শ্রী শ্রীকুমার বন্দ্যোপাধ্যায় :

...ফ্রয়েডের মতে মানুষের অনেক প্রচেষ্টাই মগ্নচৈতন্য-নিরুদ্ধ কাম-প্ররুত্তির অজ্ঞাত প্রেরণাবশেই অনুষ্ঠিত হয়। সুতরাং মনুষ্য-জীবনে যৌন-আকর্ষণকে প্রাধান্য দেওয়া বা কাম-প্ররুত্তির দুর্বীর সঙ্কেত স্ফুটতর করিয়া তোলা বৈজ্ঞানিক সত্যের অনুসরণ ছাড়া কিছুই নয়।^৬

এ-সত্যের খাতিরেই অত্যন্ত সতর্কতার সঙ্গে আলী সাহেবকে অগ্রসর হতে হয়েছে এবং তার স্বীকৃতি : 'Sex নিয়ে লেখা যে কত শক্ত তা আমার কল্পনাতীত ছিল। শেষ কটা অধ্যায় লিখতে গিয়ে আমার জিভ বেরিয়ে গিয়েছে। ...ফাঁড়াটা কিন্তু কেটে গিয়েছে। এর পর আর Sex নেই। এখন শুধু খুনীর Psychology. কাজেই লিখতে অত বেগ পেতে হবে না।'^৭ বিদগ্ধ লেখকের সদাজাগ্রত শিল্পচৈতন্য উপন্যাসটিকে সাধারণ যৌনাচারে পর্যবসিত করেনি। গ্রন্থে বিধৃত 'অসং-যমের' যে চিত্র, তা আদৌ 'ব্যভিচারের' পর্যায়ভুক্ত কি না সে-বিষয়েও দীর্ঘ তর্ক চলতে পারে। 'বস্তুত স্বামী-স্ত্রীর যৌনমিলন বা তার অভাব, অভাবের ফলে ব্যভিচার—সমস্ত কাহিনীটার মূলে এ কথাই—... দুটি নিরপরাধ জীবন কী ভাবে ভাগ্যের হাতে অকারণ অকরণ মার খেল—সেই বেদনাতেই পাঠকের মন ভারাক্রান্ত হয়ে থাকে, যৌন-জীবনের প্রম্ন প্রধান হয়ে ওঠে না।'^৮ এখানেই আলী সাহেবের সাহি-

ত্যাৰ্শ্বের শুচিতা, তাঁর সাহিত্যদৰ্শনও বলা যেতে পারে। আধুনিকতার নামে সাহিত্যে বীভৎসতার আমদানী কখনো তাঁর অনুমোদন পায়নি। এবং সাহিত্যে শ্লীল-অশ্লীলতার প্রশ্নও তিনি কখনো দোদুল্যমান ছিলেন না। তাঁর দৃঢ় প্রত্যয়, পরিবেশনার কারণে যে-কোন বিষয় অশ্লীল হতে পারে, আবার আপাতঃদৃষ্টিতে অশ্লীল বস্তুও সৃজনী প্রতিভার স্পর্শে অনির্বচনীয় রসভুবন সৃষ্টির সামর্থ্য রাখে। এবং সাহিত্যিক জীবনে আলী সাহেব ছিলেন এই রসলোকেরই সন্ধানী। এবং ও'-রেলির কণ্ঠে যেন লেখকেরই কণ্ঠস্বর প্রতিধ্বনিত—‘যৌন সম্পর্ক’ জীবনের অন্যতম গভীর সত্য। তাকে স্বীকার করে আমাদের কবিরা সত্যকে স্বীকার করেছেন মাত্র।’ [অবিস্বাস্য, (১ম প্রকাশ), পৃ. ১৩৪]।

উপন্যাস প্রকাশের পূর্বেই মুজতবা আলী সুপ্রতিষ্ঠিত এবং খ্যাতিমান রসশ্রুতা। রচনাশৈলীর অনন্যতা ও ভাষার চমক ও ঠমকে পাঠককুল বিস্ময়াভিভূত। সুতরাং নবরূপে তাঁর আবির্ভাবকে কৌতূহলী পাঠক সাগ্রহে জানালেন স্বাগত। অনভ্যাসের ফলে ও চর্চার অভাবে বাঙলা ভাষার যে-ধারাটি প্রায় অবলুপ্ত হতে চলেছিলো মুজতবা তাতে প্রাণ-বারিসিঞ্চন করে সতেজ সবুজ করে তুললেন এবং তা’ প্রায় রাত-রাত। ফলে ঔজ্জ্বল্যের অত্যধিক দীপ্তি কারো কারো দৃষ্টিপীড়ার কারণও হয়েছিলো—বিশেষ করে অতিমাত্রায় ঐতিহ্যপ্রেমীদের নিকট। ফলে বৈরী কণ্ঠধ্বনিও অশ্রুত ছিলো না। প্রথম উপন্যাসটির জন্যে অভিনন্দনের প্রত্যুত্তরে আলী সাহেব তাঁর এক গুণমুগ্ধ বন্ধুর দৃষ্টি আকর্ষণ করেন,—“আপনি আমার লেখার যে প্রশংসা করেছেন তার দাওয়াই হিসেবে আপনাকে ‘উষা’ কাগজের আষাঢ় ১৩৬১র... শেষ পাতা পড়তে অনুরোধ করি। ...আপনি বলেন, আমার লেখা আসমানের তারা, উনি বলেন, পিঠের পাঁচড়া...।” আলোচ্য উপন্যাসটির ব্যাখ্যা-বিশ্লেষণের পূর্বে মুজতবা-উল্লিখিত ‘দাওয়াই’-এর স্বাদ কিছুটা গ্রহণ করা যেতে পারে—যদিও এতোটা অক্ষম আলোচনা সমালোচনারও অযোগ্য তবু শুধুমাত্র শ্রেণীবিশেষ পাঠকের গ্রহণ-ক্ষমতা ও অনুভূতির ধারা অনুসরণের নিমিত্তই এর উল্লেখের প্রয়োজনীয়তা স্বীকার্য। শুচিতার প্রশ্নে সমালোচকের প্রথম উদ্গীর্ণণ, “একই সঙ্গে হিন্দী ছবির প্রতি কটুক্তি বর্ষণ আর মুজতবা আলী সাহেবের ‘কিতাব’কে সপ্রশংস স্বাগত জানান অসম্ভব।”^{১০} মুজতবার শব্দ

প্রয়োগের বলিষ্ঠ প্রয়াস তাঁর বিবেচনায়, “আলি সাহেব যেন... নৈরাশ্যের মেঘ নিয়ে এসেছেন বঙ্গ-সাহিত্য ভূমিতে অসুন্দর বারি-বর্ষণের নিমিত্ত।... অসংযত, অসঙ্গত শব্দ প্রয়োগে যে তিনি অধিকতর সিদ্ধহস্ত, তাঁর এই নবতম রচনাতে এর স্বাক্ষর মিলে পাতায় পাতায়।”^{১০}ক অবশ্য পুস্তকটির দ্বিতীয়ার্ধের ‘সাবলীলতা’ সন্দর্শনে ও মুজতবার শক্তির যৎসামান্য পরিচয় পেয়ে তাঁর শোকহত চিত্তের জিজ্ঞাসা: ‘...যেখানে সুন্দরভাবে তাঁর পক্ষে কিছু লেখা একেবারে অসম্ভব নয়, সেখানে এই বাচাল-বিলাসের আশ্রয় নেওয়া কেন?’ বহু মূল্য-বান উপদেশ-নসিহতের অমৃত বর্ষণান্তে সমালোচক মহাশয়ের অতি প্রাক্ত উপসংহার: “মোটকথা মুজতবা আলী যে ভঙ্গীতে নিজেকে ‘রূপত’ করেছেন তাতে সার্থক কিছু সৃষ্টি করা সম্ভব নয়—... তাঁর হাতে পূর্ণ চন্দ্র যেন খণ্ডে খণ্ডে ক্ষয় হয়ে অমানিশায় লীন হচ্ছে। নির্ঝরকে গণ্ডীবদ্ধ করলে কিছুদিনের মধ্যেই তা পচা-পুকুরে পরিণত হয়। সে পুকুরে পদ্ম ফোটে না, কচুরীর সংখ্যা বৃদ্ধি হয় মাত্র তার অন্যান্য অবদান সহযোগে! আর তিনি সেই কচুরীপানার চাষই করছেন;...^{১০খ}

সৈয়দ মুজতবা আলীর গল্প-উপন্যাসে নারী চরিত্রেরই প্রাধান্য। পুরুষের উপস্থিতি অনেকটা ক্ষীণ—প্রায় নেপথ্যে। যাদের সাক্ষাৎ মেলে তাদের অধিকাংশই ব্যক্তিত্বহীন, নিষ্প্রাণ ‘রোবট’ বিশেষ—যেন নারী চরিত্র পরিস্ফুটনের নিমিত্তেই তাদের আমদানী। নায়কের বদলে এসেছে খিদিমৎগার! এবং এ-সব চরিত্রের যেটুকু বিকাশ তা’ নিতান্তই নায়িকাদের অনুগ্রহের ফল—আপন বলিষ্ঠতা বা নায়কোচিত পৌরুষ-গুণে নয়। ব্যতিক্রম হিসেবে ‘অবিশ্বাস্য’-র নায়ক ডেভিড ও’-রেলির সঙ্গে ও-হারা (টুনি মেম), কর্নেল ওবেস্ট ডুটেনহফার (কর্নেল), খালাসী সমীরুদ্দী (নোনাজল) এবং আরো দু’-চারটি নাম সংযুক্ত হতে পারে।

সুদর্শন সুদেহী প্রাণবন্ত ও’-রেলির কবি হৃদয়, সুকুমার প্রবৃত্তি ও মানবিক অনুভূতি সহজেই পাঠকচিত্তে গভীর রেখাপাত করে। তার ধর্মনিতে যুরোপীয় রক্তধারা, কিন্তু হৃদয়টি যেন দেশজ প্রতিবেশে পূর্ণতাপ্রাপ্ত। সে যুরোপীয় বটে, কিন্তু ইংরেজ নয়, আইরিশ। এবং ইংরেজের বিরুদ্ধে তার দেশবাসীর স্বাধীনতা সংগ্রামের প্রতি ও’-রেলির রয়েছে সর্বাঙ্গক সমর্থন। একই কারণে ভারতীয় স্বদেশী

আন্দোলনের প্রতিও সংগোপনে তার সহানুভূতি। তার অভিজ্ঞতা ও অনুভূতিলব্ধ সত্য—‘এ সব আন্দোলন নিমূল করা পুলিশের কর্ম নয়, বিলেতে পার্লামেন্ট যদি সমন্বয়যোগী ব্যবস্থা অবলম্বন না করেন, তবে সম্ভাব্যবাদ বাড়বে বই কমবে না।’ [অবিশ্বাস্য, (১ম প্রকাশ), পৃ. ৬৬]। আবার ইংরেজের চাকুরে হিসেবে দায়-দায়িত্ব সম্বন্ধেও সে সম্পূর্ণ সচেতন। ইংরেজের এ’দেশীয় চাকুরে এবং ও’-রেলির অন্তর্ভ্রম্বে কোন পার্থক্য নেই। একদিকে কর্তব্যবোধ অন্যদিকে বিবেক ও মনুষ্যত্ব। শ্বেতাঙ্গটির প্রাধান্য-হেতুই সে জনগণের আপনজনে পরিগণিত হয়েছিলো। এমনকি ইংরেজের ঔরসে কুলি-কামীনদের গর্ভজাত পাদ্রী-টিলার মেয়েগুলোর প্রতিও তার স্নেহ অপরিসীম। সহকর্মী সোমের কাছে অকপটে ব্যক্ত করেছে—‘আমার বিয়ে ঠিক না থাকলে আমি ওদেরই একজনকে বিয়ে করতুম। মেয়েগুলি বড় মিষ্টি স্বভাব [অবিশ্বাস্য, (১ম প্রকাশ), পৃ. ১৪]।

কর্তব্যনিষ্ঠা এবং মানবিক কারণেই বন্যার সময় দিনের পর দিন সে কাটিয়েছে বিপন্নের সেবায়। সুন্দরী মেবল্কে স্ত্রী হিসেবে প্রিয়া রূপে পেয়েছিলো একান্ত সৌভাগ্যবলেই। মেবলের প্রতি তার আস্থা ও ভালোবাসাও অন্তহীন। তারপরই আবিষ্কৃত হলো সত্যের নির্মমতম রূপ। বিদীর্ণ বন্ধে নিজেকে মেলো ধরেছে অভিশপ্ত ও’-রেলি :

আমি দেখতে ভালো, ...প্রাণবান পুরুষ, ...স্বাস্থ্য ভালো, -অর্থের অভাব নেই, বিলাসেও আমার ঝোক নেই, ...এবং সব চেয়ে বড় কথা মেবলের মত সুন্দরী, প্রেমময়ী রমণী আমি পেয়েছি প্রিয়না-রূপে পত্নীরূপে, সে আমাকে তার সমস্ত সত্তা দিয়ে ভালোবাসে, আমাকে সে হৃদয় দিয়ে বরণ করে নিয়েছে

এই পরিপাটি প্যাটার্নটি বোনার পর ভগবানের এফি নিষ্ঠুর ঠাট্টা। না শয়তানের অট্টহাসি! এই পার্ফেক্ট প্যাটার্নটির উপর কে যেন ছড়িয়ে দিল নিষ্পাপ শিশুকে হত্যা করে তার তাজা রক্ত। ...সুন্দর দুর্গাপ্রতিমা বহু যত্নে তৈরী করার পর তার উপর কে যেন ছিটিয়ে দিল গোরুত্ব। মর্মর মসজিদের মেহরাবে না-পাক শয়রের খুন।^{১১}

অতঃপর মুজতবা আলী স্তরে স্তরে মনোবিলম্বনের মাধ্যমে উজ্জ্বলতর করে তুলেছেন তাঁর উপন্যাসের শ্রেষ্ঠতম নায়ককে। যৌন সম্পর্কে যে সম্পূর্ণ সুস্থ মানুষের মতোই স্বীকার করে। ‘মেব্‌লের ... নিশিকান্ত সৌন্দর্য’ যার ‘সর্ব ধর্মনীতে এক অদম্য যৌনক্ষুধা’ জাগ্রত করে তার লালিত পৌরুষকে দুমড়ে মুচড়ে দিশেহারা করে দেয়। সুস্থ মস্তিষ্কে মেবলকেও সে আসামীর কাঠগড়ায় দাঁড় করাতে পারে না—ইচ্ছেও ছিলো না। তার বিবেকবোধ বলে, ‘ক্ষুধার তাড়নায় মানুষ যে রকম নর্দমা থেকে খুঁটে তুলে তুলে ভাত খায়। তাকে কি আমরা দোষ দিই? তবু কেন তিন তিনটে খুন হয়ে গেলো? ও’--রেলি স্বয়ং বিচারকের আসনে বসে তাদের শাস্তি বিধান করেছে। দিনের পর দিন সব কিছু ঘটেছে তারই প্রত্যক্ষে। তার দ্বন্দ্বের সমাধান কোন পথে? শাস্তি ফোঁথায়? তার মনে আর সংশয় নেই—“এরা পাপী, মরা উচিত এদেরই। মেবল পাপী, জয়সূর্য পাপী আর পোট্টিক ওদের পাপজাত সন্তান। আমি নির্দোষ, আমি কোনো পাপ করিনি। আমি কস্মিন কালেও কারো হকের ধন থেকে একটি কানাকড়িও ফেড়ে নিইনি। এরাই দিয়েছে আমাকে ফাঁকি, এরা যতদিন বেঁচে থাকবে ততদিন আমাকে দেবে ফাঁকি।’ [অবিশ্বাস্য, পৃ. ১৬৮]। তারপরই মর্মান্তিক পরিণতি। ও’-রেলির পক্ষে এমন ভয়ঙ্কর পথে অগ্রসর হওয়া কি সম্ভব? এখানে লেখক সূক্ষ্ম মনোবিজ্ঞানের আশ্রয় নিয়েছেন। যে তিনটি প্রাণদণ্ডের বিধান দিয়েছিলো, সেই বিচারকই নিজেকে দোষী সাব্যস্ত করেও যেন পরিপ্রেমিত বিশ্লেষণ করে আত্মপক্ষ সমর্থনের পটভূমি নির্মাণ করেছে:

অপমান, আমার মনে হয়, আত্মার মৃত্যু। আর আত্মা যখন মরে যায় তখন মানুষ হয়ে যায় পশু। নির্মম জিহাংসু এবং মারাত্মক পশু, কারণ আত্মা মরে গেলেও তার থেকে যায় বুদ্ধিরতি, যে বুদ্ধিরতি পশুর নেই। সে হয়ে যায় হাইড। যত রকম পাশবিক, নারকীয় জঘন্যম পাপ তখন সে করতে পারে আহির মনীয় বুদ্ধি, ছলচাতুরী দিয়ে।

আমারও তাই হয়েছিল।^{১২}

লেখক অত্যন্ত সতর্কতায় খুনীর অন্তর্দ্বন্দ্ব ও প্রবণতা যথেষ্ট সহানুভূতির সঙ্গে তুলে ধরেছেন। তাঁর সহানুভূতি বর্মের মতোই পরবর্তী

প্রত্যাহাত থেকে ও'-রেলিকে সম্বন্ধে আড়াল করেছে। এবং সোমের প্রতি তার অন্তিম অনুরোধ:—

যদি ধরা পড়ি তবে আমাকে হয়ত ঝুলতে হবে।

... ..

আমার গোরের উপর নিচের দু'টোর যে-কোন একটা খোদাই করে দিতে পারো।

(For a Godly Man's Tomb)

Here lies a piece of Christ ; a star in dust
A vein of gold ; a china dish that must
Be used in Heaven, when God shall feast the just.

কিংবা

(For a Wicked Man's Tomb)

Here lies the Carcasse of a Cursed Sinner,
Doomed to be roasted for the Devil's dinner.'১৩

—ও'-রেলির প্রতি পাঠকদের সহানুভূতিশীল করে তোলে। স্ত্রীর প্রতি তার ভালোবাসায়, সহানুভূতিতে কৃত্রিমতার প্রশ্নই অবাস্তব। তাই মেব্লকে সে রুচিহীনা ইতর রমণীর পর্যায়ে উত্তর করে বিচার করেনি। একটি মাত্র উষ্ণ শ্বাসে তার রিক্ততা দিগ্দিগন্তে ছড়িয়ে পড়ে— 'গুধু মেব্ল দূর হতে আরো দূরে চলে গেল।' তাকে সহাদয় পাঠক-বর্গও ক্ষমাসুন্দর দৃষ্টিতে গ্রহণ না করে পারে না। সম্ভবতঃ কৃত অপরাধের শাস্তি নিজেই গ্রহণ করেছে বলে দৈবলাঞ্ছিত ও'-রেলি সাধারণের ক্ষমাও অর্জন করেছে।

নামিকা মেব্লের শরীরী উপস্থিতি উপন্যাসের অত্যন্ত সংকীর্ণ পরিসরে। এবং তার মধ্যেও সে প্রায় বাকহীনা। সহজ সৌন্দর্যের মধ্যেই বিলীন তার সারল্য। ভালোবাসার জনের কাছে নিঃশর্ত আত্মসমর্পণ এবং নির্ভরতাই সে চেয়েছিলো। কিন্তু ভাগ্যের হাতে নিষ্কৃতি মেলেনি।

‘ধর্মভীরু মেবল্’ ‘আকাশে বাতাসে, ঘাসে ঘাসে...ভগবানের অদৃশ্য অঞ্জুলি দেখতে পায়।’ বিয়ের দিন প্রত্যক্ষ করেছিলো ঈশ্বরের অপ্রসন্ন দৃষ্টি। তারও পূর্বে মেবল্ একটা ফুলের এক একটি “পাপড়ি ছিঁড়ছে আর বলছে ‘হি লাভ্‌স মি’, পরেরটায় বলছে ‘হি লাভ্‌স মি নট’ এই করে করে ভাগ্য গণনা করছে।..

ও-রেলির মনে পড়ল, মেবল্ সেদিন তার ধানের উগায় চুমো খেয়ে বলেছিল, ‘আমি সবসময়ই জানতুম, শেষ পাপড়ি ‘হি লাভ্‌স মি’-তেই শেষ হবে। একদিন যখন হ’ল না তখন রীতিমত হকচকিয়ে গেলুম। পরে দেখি একটা পাপড়ি আগের থেকেই ছিঁড়ে গিয়েছিল— টুকরো-খানা তখনো বাঁটায় লেগে আছে।’ [অবিশ্বাস্য, পৃ. ৩৭]। এ-বস্তবের মধ্যেও সুকৌশলে ভবিতব্যের ইঙ্গিত দে’য়া হয়েছে। নিষ্পাপ দুটো হৃদয় প্রেম-পরিপূর্ণ হলেও অশুভ নিয়তি একটিকে করে রেখেছে পঙ্গু এবং তাফে আশ্রয় করেই দুটো জীবনের ওপর নিপতিত হলো ভাগ্যের নির্মম আঘাত। ভাগ্যকে মেবল্ তো মেনেই নিয়েছিলো। এমন কি ও-রলিকেও স্বাভাবিক রাখতে চেষ্টার ব্রুটি করেনি। এবং অন্তর্দহনে নিজেকে পলে পলে নিঃশেষ করেছে—যদিও তার বাহ্য প্রকটন ছিলো না। তার নিঃসঙ্গ নির্বাক আত্মদহন সর্বাধিক প্রত্যক্ষ করেছে স্বয়ং ও-রেলি এবং তারই পত্রে উল্লেখিত: ‘খুব সম্ভব আমার দেখাদেখি মেবল্‌ও বাইরে যাওয়া বন্ধ করে দিন।..তার মনের কথা...তোমাকে বোঝাতে যাব না। তার প্রতি আমি অবিচার করেছি ফিনা, তার বিচার একদিন হয়তো হবে, কিন্তু তার মনের কথা বলতে গিয়ে আমি যদি উনিশ-বিংশ করে ফেলি তবে সে অবিচার... কেউ ক্ষমা করবে না।’ [অবিশ্বাস্য, পৃ. ১৩৯]।

ও-রেলির মহঃস্বজন বাসকালে পাদ্রী জোন্সের বুড়ি মেমও অতি নিকটে থেকে মেবলের সমস্যার কৃলকিনারার সন্ধান পায়নি। গভীর রাতে তাকে বারান্দায় দেখেছেন ডেকচেয়ারে মুখ ঢেকে বিনিদ্ররজনী যাপন করতে। ‘...বুড়ি মাথায় হাত বুলিয়ে দিলেন, চুলে আঙ্গুল চালাতে চালাতে হঠাৎ চুলের উগাগুলো ভেজা ঠেঁকলো।

প্রায় অর্ধশতাব্দী ধরে তিনি পাদ্রী টিলার বহু তরুণী-বিস্তর যুবতীর অনেক বুক ফাটা কান্না দেখেছেন—কিন্তু এ তরুণীর বেদনার সন্ধান

শত চেষ্টায়ও তাঁর কাছে অপ্রকাশিত। যৌবনের তাড়নায় সে জয়-সূর্যের ঘরে গিয়েছে এবং তীব্র গ্লানি নিয়ে লুপ্তিয়ে পড়েছে ও'-রেলির পদতলে। নিছক জৈবিক ক্ষুধিত্বের কাছে পরাজিত মেবলের ক্ষুধা জয়সূর্য কেন, যে-কোন সমর্থ পুরুষই মেটাতে পারতো। কিন্তু সে বহুচারিণী নয়, এমন কি তাকে দ্বি-চারিণী হিসেবেও নির্দেশ করা যায় কিনা—তা-ও তর্কাতীত নয়। ও'-রেলি তাকে যা দিতে পারেনি শুধু সেটুকুই সে নিয়েছে মাত্র একজনেরই কাছ থেকে। ক্লাবে যাবার সুযোগও মেবল কখনো নেয়নি বা সে অতিপ্রায়ও তার ছিলো না। সর্বশেষ তাকে দেখেছি চিরন্তন মা, শাস্ত্র জননীর মূর্তিতে। এবং সেখানে তো কোন রকম খাদ নেই। পৃথিবীর তাবৎ স্নেহ-বৎসলা জননীদেব সঙ্গে একাসনে তার স্থান। মেবলের মাতুরূপে বিমুগ্ধ, হয়তো বা কিছুটা ঈর্ষাকাতর ও'-রেলির অভিব্যক্তি: 'দেখলুম, মাতৃহের রসে মেবলের দেহখানির প্রতি অঙ্গ কি অপরূপ পরিপূর্ণতার সৌন্দর্য পেয়েছে। যেন এদেশের বর্ষার ভরা পুকুর। [অবিশ্বাস্য, পৃ. ১৬৬]। প্যাট্রিকের অসুস্থতায় তার প্রচণ্ড উদ্বেগ এবং সন্তানের ভবিষ্যৎ ভেবেই সে স্বদেশে অর্থাৎ বিলেত যাবার ইচ্ছা প্রকাশ করেছিলো। শেষ ডিনারে জয়সূর্যকে একই টেবিলে আমন্ত্রণ জানাতেও ছিলো তার যথেষ্ট আপত্তি। সহৃদয় যুক্তিবিচারে মেবলের 'পদস্থলন' শেষ পর্যন্ত ভয়ঙ্কর হয়ে তাকে ঘণার পাত্রীতে পরিণত করে তার মৃত্যুদণ্ড বিধান করে না। লেখকের প্রবীণ পর্যবেক্ষণ সূক্ষ্মতার শীর্ষে পৌঁচেছে মেবল এবং ও'-রেলির চরিত্রাঙ্কনে। সহানুভূতির পেয়ালোটি পরিপূর্ণ না থাকলে এবং সৃষ্টি ও স্রষ্টা একাত্ম না হলে এমন চরিত্রচিত্রণ সম্ভব না-ও হতে পারে। লেখক ও পাঠকের অশ্রুজল অভিশপ্তদের ক্লেশ যেন অনেকটা ধুয়ে-মুছে দিয়েছে।

'অবিশ্বাস্য'-র অপ্রধান চরিত্রগুলোর মধ্যে ইন্সপেক্টর সুধাংশু সোম, রায়বাহাদুর কাশীধর চকুবতী, পুলিশ অফিসার সামারসেট ডীন সূচিত্রিত। খুনী কুলি সর্দার ঋণিকের আবর্তাবে আমাদের সন্তোষিত করে।

গুণমুগ্ধ ও'-রেলির দৃষ্টিতে সোম: 'বর্মাতে একরকম ফল আছে, তার গন্ধ পচা নর্দমার মত; কিন্তু একবার সে ফল যে খেয়েছে, তার ঐ ফলের জন্য নেশা হয় আফিমের চেয়েও বেশী। সোম ঐ বর্মী

ফল। [অবিশ্বাস্য, পৃ. ৬৯]। সোম শুধু বুদ্ধিমানই নয়, হৃদয়বানও বটে। ওপরওয়াল্লা হিসেবে নয়—ও’-রেলিকে সে ভালোবেসেছিলো তার চারিত্রিক মাধুর্যের কারণেই। বুদ্ধিমত্তা এবং প্রশংসনীয় হাজির-জবাব চরিত্রটির বিশিষ্ট দিক। পাদ্রীর প্রশ্নে “সোম বললে, “স্যার, তেত্রিশ কোটি দেবতা ছেড়ে একজন দেবতা পেয়ে আমার লাভ না ক্ষতি?”

.. ..
পাদ্রী বললেন, ‘ওর যে সব কটা মেকি।’

সোম বললে, ... এদিককার তেত্রিশ কোটি আর ও-দিককার একজন কেউ তো কখনো আমার থানায় এসে এজহার দেন নি। বাজিয়ে দেখবো কি করে? মাঝে মাঝে সন্দ হয়, সব ক’জনাই মেকি,” [অবিশ্বাস্য, পৃ. ২৩]—উল্লিখিত সংলাপের মধ্য দিয়ে সোম সুপ্রকাশিত।

রায়বাহাদুর অনেকটা ‘টাইপ’ চরিত্র। খেতাবেই তার রাজানুগত্য স্বপ্রকাশ। বুদ্ধ ম্যাগিস্ট্রেটের পুত্রলাভে ‘বারের’ পক্ষ থেকে তার অভিনন্দন—“আদালতের পুত্র সন্তান হওয়াতে আমরা সকলেই বড়ই আনন্দিত...।’ অবশ্য মাঝে মধ্যে জ্ঞানগর্ভ তত্ত্বালোচনা করে রায়বাহাদুরির মর্যাদা অক্ষুণ্ন রাখতে যথাসাধ্য চেষ্টা করেন। ও’-রেলির কালা আদমীদের সঙ্গে দহরম-মহরমে তার অনুমোদন নেই। যুক্তি : ‘নোটভদের সঙ্গে ধেই ধেই করা উভয় পক্ষের পক্ষেই অমঙ্গল। ওরা রাজার জাত, রাজত্ব করবে; আমরা প্রজার জাত, হজুরদের মেনে চলব। এর ভিতর আবার দোস্তী ইয়াফী কি রে বাবা? তোমরা ভেবেছ লিবার্টি পেলে তোমাদের নুতন কর্তারা তোমাদের কোলে বসিয়ে মণ্ডা-মেঠাই খাওয়ানবেন?’ [অবিশ্বাস্য, পৃ. ১৫-১৬]।

আদিম সমাজের আদিমতম রক্তধারার পরিচয় লাকাউড়া বাগিচার কুলি সর্দার ও তার বউ-এর আচরণ ও সংলাপে। পরপুরুষের সঙ্গে ঘনিষ্ঠতার জন্যে সর্দারস্বীকে খুন করে তার ছিন্ন মস্তক থানায় জমা দিতে গিয়ে গ্রেফতার হয়। নারকীয় হত্যার স্বপক্ষে সর্দারের যুক্তি : “করবো না? বেটি আমাকে বললে, ‘দেখ সর্দার, আমার উপর তুই যদি চটে গিয়ে থাকিস তবে আর কোনো মেয়েছেলেকে নে না,

এই দুনিয়াতে আমিই তো একহ-ই-ঠো লড়কী নই। আর তোকে যদি আমার ভালো না লাগে তবে তুইও তো একহ-ই-ঠো মর্দ নস্ ; তুই বেছে নে তোর-টা, আমি বেছে নি হমার-ঠো।’ ঐসী বেতমিজী ? হারামজাদী, আমার মুখের উপর এই রকম বেশরম বাৎ বললে। তাকে খুন করে আমি সরকারী কাম করেছি, হজুর। আমাকে এরা বেহক্ হাজতে পুরে রেখেছে, . . .” ১৪

মুজতবা আলীর জীবনী-অংশে আমরা তাঁর চরিত্রে রূটিং-বিশ্লেষের হেতু নির্দেশের চেষ্টা করেছি।* আলোচ্য উপন্যাসেও তার ব্যতিক্রম নেই। ও-রেলির ভাষ্যে এ-দেশের দারিদ্র্য ও সহোদর উপসর্গগুলো যে শোষকদেরই অবদান সে-কথা লেখক নোতুন করে স্মরণ করিয়ে দিয়েছেন। মধুগঞ্জ যাবার পথে এ দেশের দীন-দুঃখীদের করুণ-ক্লিষ্ট ছবি দেখে ব্যথিত মেব্লের প্রতিক্রিয়া লক্ষ্য করে নাগকের উক্তি: ‘আমি আয়ারল্যান্ডের ছেলে, ইংরেজ রাজত্বের ফলে আমার দেশে কি হয়েছে, সে সম্বন্ধে আমি কিছুটা সচেতন, কিন্তু লন্ডনের মেয়ে মেব্ল্ এসব জানবে কি করে? আবার সব দারিদ্র্যের জন্য কেবল ইংরেজই দায়ী, এই সহজ সমাধানই বা তাকে বলি কি প্রকারে? [অবিশ্বাস্য, পৃ. ১১৮]।

মুজতবা আলীর ভূত-প্রেত কিংবা অলৌকিকতায় আস্থা স্থাপনের কথা নয়। কিন্তু অনেক ক্ষেত্রে তিনি অলৌকিকতা কিংবা সংস্কার ও প্রচলিত লোকবিশ্বাসকে সার্থকভাবে তাঁর রচনায় ব্যবহার করেছেন এবং গল্পের মনোহারিত্ব তাতে অনেকাংশে বৃদ্ধিও পেয়েছে। ভূতের আহ্বানে মাঠে নেমে, সাঁওতাল ছেলের মৃত্যুবরণ (বাঁশী), ভাগ্যগণনা এবং তাতে ভবিষ্যতের ইঙ্গিত (‘কোষ্ঠী বিচার’ এবং ‘দ্বিজ’) কিংবা মেব্ল্-ও-রেলির অনভিপ্রেত দাম্পত্য-জীবনের আভাস এ-প্রসঙ্গে উল্লেখ করা যায়। তাদের বিয়ের দিনই ঈশ্বরের অপ্রসন্নতা রূপরূপে প্রকাশিত হয়েছিলো।—‘পুরোত যখন ভগবানের নামে একে অন্যকে স্বামী-স্ত্রীর কর্তব্য সম্বন্ধে সচেতন করে দিচ্ছেন, তখন বাইরে ভগবান ছাড়ছিলেন তাঁর হুকুম, রুটিঝড় আর বজ্রপাতের ভিতর দিয়ে। আমি [(ও-রেলি)] যখন মেব্ল্কে বিয়ের আঙুটি পরা-ছিলুম ঠিক সেই মুহূর্তে বিদ্যুৎ চম্কে উঠে গির্জের সমস্ত রঙীন

*লেখকের পি.এইচ-ডি অভিসন্দর্ভ ‘সৈয়দ মুজতবা আলীর জীবন ও সাহিত্যরুতি’।

শার্সিগুলোতে যেন আঙন ধরিয়ে দিয়েছিল। . . . পুরোত যখন গম্ভীর কর্তে . . . সুখানেন, এই যুবক যুবতীর মিলনে কারো কোনো আপত্তি আছে কিনা, তখন বড় বড় করে বাজ পড়েছিল----'[অবিশ্বাস্য, পৃ: ১১১]

এখানেই সমাপ্তি নয়, স্কটল্যান্ড ইয়ার্ডে সদ্য ট্রেনিংপ্রাপ্ত পুলিশ অফিসার সামারসেট ডীন যে পদ্ধতিতে সমস্যার সমাধানে পৌঁচেছে বৈজ্ঞানিক বিশ্লেষণে তা' আদৌ গ্রহণযোগ্য নয়। অলৌকিকতাই তার মীমাংসার দিক্-দর্শক। আই. জি. মি: ডাডনির উদ্দেশ্যে ডীনের পত্র:

এ বাংলায় প্রথম দু' রাঙি আমি যে ভ্রিমূর্তি দেখে ছিলাম, সেগুলো আমার মন থেকে কখনো মুছে যায়নি। যে গাছতলায় ছায়া মূর্তিগুলি হঠাৎ মিলিয়ে যায়, সে গাছটাকেও আমি স্পষ্ট মনে রেখেছিলাম। আপনার সব তল্লাসীই যখন নিষ্ফল হল, তখন আমি যে কাজ করলাম সেটা গুনলে স্কটল্যান্ড ইয়ার্ডে আমার গুরুরা হাসবেন, কিন্তু যে জিনিস আমি স্পষ্ট দেখেছি, যার সম্বন্ধে আমার মনে কোনো দ্বিধা নেই, সে জিনিস স্কটল্যান্ডের ইয়ার্ডের কাছে যতই অবিশ্বাস্য হোক না কেন, আমার কাছে তা-ই বিশ্বাস্য, সে-ই আমার খেই। ১৫

অন্যান্য রচনার মতো মুজতবার স্বভাবসুলভ ভঙ্গীটি তাঁর উপন্যাসেও প্রতিফলিত। কথায় কথায় এসে পড়ে ধর্মতত্ত্ব ও অন্যান্য তুলনামূলক আলোচনা। উইট, হিউমার এবং সাধারণ রসিকতা বা চুট্কিও অবলীলায় আপন স্থান করে নেয়। সাধারণ ঘটনাও বর্ণনামাহাত্ম্য অসাধারণ হয়ে ওঠে। কথার মুখে এক সময় থমকে পড়েন, যেন সন্নিহিত এসে পাঠক-শ্রোতার দরবারে সাফাই গাওয়ার সুরে স্বগতোক্তি ধ্বনিত, 'কোথা থেকে কোথা এসে পড়লাম।' আসলে তাঁর কাহিনী নোঙর ছেড়ে বহু ঘাট ছুঁয়ে, একাধিক বন্দরে লেনদেন করে আপন লক্ষ্যে এগিয়ে চলে। ঘাটের কথা পথের অভিজ্ঞতার স্বাদ পাঠকের ভাগ্যেও জোটে। সম্ভবতঃ এমন সাহিত্য রচয়িতার দৃষ্টি উপন্যাসিকের নজরকে সময়ে জসময়ে আচ্ছন্ন করে ফেলেছে। অবশ্য তাতে গল্পের মৌতাত পুরো-মাত্রায় বিদ্যমান এবং কাহিনীর সঙ্গে সুসংবন্ধ বলে কখনো অপ্রাসঙ্গিকতার দোষ-দুশ্চয় নয়। যেমন, ও'-রেলি চরিত্রের দ্বন্দ্ব-সংঘাতের

পর্যালোচনায় ‘আহর মজদা’ ‘আহির মন্’-এর সূত্রে তুলনামূলক ধর্মশাস্ত্র-লোচনার সুত্রপাত। এসে যায় সর্ব প্রাচীন শাস্ত্রগ্রন্থে উল্লিখিত ভয়াবহ বন্যার কথা—‘প্রাচীন আসিরিয় বাবিলনীয় প্রস্তরগাত্রে’ যে কাহিনী চিত্রিত, বাইবেলেও রয়েছে যার উল্লেখ। ভারতীয় ‘শাস্ত্রেও আছে কেশব তখন মীন শরীর ধরে বেদ বাঁচিয়েছিলেন, অর্থাৎ সে বন্যায়’ এ দেশের ‘সভ্যতা সংস্কৃতি ভেঙ্গে যায়নি, কোনো এক মহাপুরুষ তার শ্রেষ্ঠতম জিনিস বাঁচাতে পেরেছিলেন।’ এরই সূত্রে আলী সাহেব ‘একটি আধা-খৃশ্চানী আধা-মুসলমানী গল্প’-এর অবতারণা করেন। সেই বন্যার পূর্বে জেহোভা নূহ নবীকে সতর্ক নির্দেশ দিলেন: ‘বন্যায় সব ভেঙ্গে যাবে, তুমি একটা নৌকা বানিয়ে তাতে পৃথিবীর সব গাছ, ফুলের বীজ এবং যত প্রকারের প্রাণী এক এক জোড়া করে রেখো। বন্যার পর তাই দিয়ে পৃথিবী আবার আবাদ... করবে।

নূহ তাই করলেন, কিন্তু বন্যার পর দেখেন... ইঁদুরে তাঁর আঙ্গুরের বীজ খেয়ে ফেলেছে। . . .

ওদিকে কিন্তু হিশিয়ার শয়তানও সব মাল এক এক প্রস্ত করছে রেখেছিল। সে তখন নূহকে তার বাঁচানো আঙ্গুরের বীজ দেবার প্রস্তাব করলে...

পৃথিবীর জমিতে শয়তানের স্বভব নেই। তাই শর্ত হল, নূহ দেবেন জমি, শয়তান দেবে আঙ্গুরের বীজ। গাছের তদারকিও ৫০/৫০।

নূহ ত যত্ন করে সকাল সন্ধ্যা চারার গোড়ায় ঢালেন সুমিষ্ট, সুগন্ধী বসরাই গোলাপ জল আর শয়তান ঢালে গোপনে গোপনে না-পাক শূয়রের রক্ত।

নূহের পাকপানির ফলে ফ’লে উঠল মিষ্টি আঙ্গুর ফল। কিন্তু শয়তান যে দিয়েছিল না-পাক চীজ, তারই ফলে আঙ্গুর পচিয়ে তৈরী হয় মদ। সেই মদ খেয়ে মানুষ করে মাতলামো, যত রকমের জঘন্য পাপ। [অবিধাস্য, পৃ. ১২৪-২৫] এবং নাম্বকের জীবনে এই ‘প্যাটানটির’ প্রতিবিম্বন ড. আলী অপূর্ব দক্ষতার সঙ্গে প্রস্ফুটিত করেছেন।

অনবদ্য বর্ণনার দৃষ্টান্ত হিসেবে ‘লাকাউড়া বাগিচার’ ছোট সাহেবের আত্মহননের চিত্রটি তুলে ধরা যেতে পারে। আত্মনাশের সূত্র অনাবিকৃত। সুতরাং কাল্পনিক অশ্বের অবাধ বিচরণ।—

‘কেউ বললে, তিনমাসব্যাপী ঝাড়া বাদলের ঠেলায় টিলার নির্জন বাসে ক্ষেপে গিয়ে (ছোট সাহেব) মদ ধরে—তাও আর কুলীদের ধান্যেশ্বরী—তারপর দিবারান্তিরের সে মদের নেশায় ছ’ ঠ্যাঙওলা বাঘের দিকে সে অনবরত গুলি ছুঁড়তে থাকে, শেষটায় বাঘ নাকি তার মাথার ভিতর ঢুকে যায়, চিৎকার করে সেই ফরিয়াদ জানাতে জানাতে একদিন সেই বাঘকে আপন কানের ভিতর দিয়ে পিস্তলের গুলি চালিয়ে খুন করে।’^{১৬}

উইট, হিউমার ও চুট্কির নিদর্শন

ক. ‘আবহাওয়ার জ্যোতিষিরা বললেন, বৃষ্টি হবে, অতএব আপনি ছাতা না নিয়ে বেরলেন; ফলং?—ভিজে কাঁই হয়ে বাড়ি ফিরলেন। ব্যত্যয়ও তো হয়।’ [অবিস্থাস্য, পৃ. ১৯]

খ. ‘সোম (ও’-রেলির বিয়ের) খবরটাকে বিয়ে বাড়িতে ফাটাবার বোমার মতই হাতে নিয়ে খানিকক্ষণ আদর করার পর সেটি ফাটিয়ে দিলে হাটের মধ্যখানে কিন্তু তার থেকে বেরল টিয়ার গ্যাস। সে গ্যাস পৌঁছে গেল পাদ্রী বাঙলোয় পোপের মৃত্যু-সংবাদ ছড়াবার চেয়েও তেজে এবং চোখের জোয়ার জাগালো নয়মি, রুথ, ইভার হৃদয় ছাপিয়ে।’ [অবিস্থাস্য, পৃ. ১৪]।

গ. সামারসেট ডীন তাঁর বাঙলোতে ত্রিমূর্তির আবির্ভাব প্রসঙ্গে আই. জি. সাহেবকে শুনিতে দিলেন কাজী এবং বাবুচাঁর গল্পটি। খাবার টেবিলে পরিবেশিত মুরগীর একটি ঠ্যাং দেখে কাজী সাহেব দ্বিতীয়টির কথা জানতে চাইলে বাবুচাঁর উত্তর, মুরগীটির একটি ঠ্যাং—ই ছিলো এবং সেটা প্রমাণের উদ্দেশ্যে,—‘শীতকালে একদিন আঙিনায় একটা মূর্গী এক ঠ্যাং পালকের ভিতরে গুঁজে দাঁড়িয়েছিল—বাবুচাঁ কাজীকে দেখিয়ে দিলে এক ঠ্যাঙী মূর্গী। কাজী দিলেন জোর হাততালি। মূর্গী দুসরা ঠ্যাং বের করে ছুটে পালালো। কাজী বললেন, ঐ তো দুসরা ঠ্যাং। বাবুচাঁ বললে,

সেদিন খাওয়ার সময় তিনি তালি দিলে দূসরা ঠ্যাংও বেরতো।’
[অবিশ্বাস, পৃ. ৮৬]।

সম্পূর্ণ অরণ না হলেও ‘অবিশ্বাস্য’ ভালো উপন্যাস। কাহিনী, চরিত্র, পটভূমি ইত্যাদিতে শ্রেষ্ঠ উপন্যাসের গুণাবলী ও উপাদান বর্তমান। কিন্তু লেখকের চিত্তনোকটিই উপন্যাসিকের নয়। ফলে সুস্থিরভাবে ধীর ভাবে তিনি অগ্রসর হতে পারেননি। তদুপরি সম্পাদকের তাগিদ তো ছিলোই এবং উপন্যাসটির প্রথম প্রকাশ ‘দেশ’ পত্রিকায়—ধারাক্রমে। পরিণামে সম্ভাবনাময় চরিত্রগুলোও স্বাভাবিক পরিণতি লাভে বঞ্চিত। তাদের সক্রিয়তা প্রকাশিত অন্যের ভাষ্যে। বিশেষ করে মেব্বনের দ্বন্দ্ব-দহন, তার নিঃসঙ্গ জীবনের অভিশাপ স্তরে স্তরে বিকাশের বিকল্প হিসেবে অতি সুন্দর ও সহজ পন্থায় এসেছে কাহিনীর উপসংহার। ফলে নায়ক চরিত্রটিও অনেকাংশে স্থানিমায় আচ্ছন্ন। এবং সম্ভাব্য একটি অত্যন্ত কৃষ্ণ মনস্তাত্ত্বিক উপন্যাসের পরিণতি সাধারণ প্যাথোটিক কাহিনীতে।

০৩. সৈয়দ মুজতবা আলীর পরবর্তী উপন্যাসত্রয় নায়িকাপ্রধান এবং নায়িকার নামেই—‘শব্দনম্’ ও ‘শহর-ইয়ার’—প্রথম দুটোর নামকরণ। নায়িকার বিশেষণ—‘তুলনাহীনা’—তৃতীয়টির অভিজ্ঞান এবং উল্লিখিত ত্রয়ী-ই তুলনাহীনা।

বাঙালী মুসলমান সমাজ ও চরিত্র উপন্যাসের উপজীব্য হিসেবে গ্রহণের জন্যে মুজতবা বারংবার অনুরুদ্ধ হয়েছেন, ইচ্ছেও ছিলো, কিন্তু শঙ্কা-সঙ্কোচের বর্ম ভেদ করে এ কর্মে দীর্ঘদিন সাহসী হননি। এবং তা’ সম্পূর্ণ অকারণও নয়। এ’ মর্মে ড. আলীর একটি পত্রাংশ :

বাঙালী মুসলমান মেয়েদের নিয়ে লেখায় মুশকিল এই কারণে, যে যেখানেই পর্দাপ্রথা চালু সেখানে কোন মেয়ের সঙ্গে সরল বন্ধুত্ব পর্ষন্ত হতে পারে না। যে-টুকু বা সুযোগ পাওয়া যায়, তাও আমি পাইনি, কারণ প্রায় সমস্ত জীবন কাটিয়েছি বাঙলা দেশের বাইরে।

তবে বলতে পারো, শব্দনম্ লিখলুম কি করে? সে তো phantasiat কল্পনার তৈরী। অবশ্য তুর্কী রমণীদের ইতিহাস আমি মন দিয়ে

পড়েছিলুম এবং আমানুল্লাহর মায়ের দারুণ দাপটের কথা জানতুম। সেটা অনেক সাহায্য করেছে।^{১৭}

তাঁর নামিকার সতেজ কণ্ঠেও এর সগর্ব স্বীকৃতি। একাকী অভিসারের দুঃসাহসিকতার প্রয়ে শব্দনম্ স্মরণ করিয়ে দেয়: ‘আমরা আসলে তুর্কী। আমাদের বাদশা আমানুল্লাহর গায়েও তুর্কী রক্ত আছে। আর তুর্কী রমণী কি জিনিস সেটা জানতেন আমানুল্লাহর বাপ শহীদ হবীবুল্লা।’^{১৮}

বাস্তবের কাঠামোতে কল্পনার তুলিকাস্পর্শেই সার্থক সাহিত্যের সৃষ্টি। এবং জীবনের সঙ্গে ক্লীপসূত্রে অণুিত নভোচারী কল্পনার আধার রোমান্টিকতার উৎস। ফলে বন্ধনবিহীন আবেগ ও হৃদয়াভিসার উপন্যাসেও কবি কল্পনার প্রশ্নে আপন স্রোত খুঁজে নেয়। কঠিন জীবনধর্মী সৃষ্টির সঙ্গে এর পার্থক্য সূচিত প্রধানতঃ ভাষার মাধ্যমে। কল্পনাবিহীন রচনা সাহিত্য নয়, আর কার্যিক শৈলীতে কল্পনার সুসমঞ্জস অতিরিক্ত রোমান্টিকতা। এবং তা’ কখনোই সম্পূর্ণ অভিজ্ঞতার ভুবন-বর্জিত নয়। ‘রোমান্টিক দৃষ্টির বিষয়ও সম্পূর্ণভাবে বস্তুগত এবং প্রত্যক্ষ অভিজ্ঞতা-সঞ্জাত হইতে পারে, কিন্তু সে দৃষ্টি বাস্তবদৃষ্টির মত সাক্ষাৎ ও স্বচ্ছ নয়। তাহা কালাতীত ভাবনার ইমোশনের রঙে রঞ্জিত হইয়া ভবিষ্যতের পানে প্রসারিত।...সাহিত্য সৃষ্টির ধাতই রোমান্টিক। তবে তাহাতে সাহিত্যপ্রণতার জীবনবোধের পরিচয় যতটুকু থাকে তাহাতে সম্ভাব্যতার পরিমাণ লইয়াই রিয়ালিজমের ও রোমান্টিসিজমের মাত্রা নির্ধারণ করা চলে।’^{১৯} অধিকাংশ ক্ষেত্রেই এর ভাষায় গীতিকাব্যের সুর অনুরণিত। বাঙলা উপন্যাসের প্রদোষলগ্ন থেকে এ’ধারা অদ্যাবধি বহমান। বঙ্কিমচন্দ্রের ‘কপালকুণ্ডলা’ এর উৎকৃষ্ট নিদর্শন এবং রবীন্দ্রনাথের ‘শেষের কবিতা’ সর্বোত্তম বিকাশ। মণীন্দ্রনাথ বসু (রমণ্যা)-বুদ্ধদেব-অচিন্ত্যকুমার—বিভূতিভূষণ বন্দ্যোপাধ্যায়-তারানাথকর-নারায়ণ গঙ্গোপাধ্যায় প্রমুখের বলিষ্ঠ আবির্ভাবে এ’ধারা সুসমৃদ্ধ। সগোত্র না হলেও এ’ধারার পরবর্তী সংমোজন সৈয়দ মুজতবা আলী। কাব্যধর্মী উপন্যাসের আলোচনায় বুদ্ধদেব বসু ও অচিন্ত্যকুমার সেনগুপ্ত প্রসঙ্গে শ্রীকুমার বন্দ্যোপাধ্যায়ের অভিমত ড. আলী সম্বন্ধেও সমভাবে প্রযোজ্য :

ক. ‘তঁহাদের দৃষ্টিভঙ্গী ও বিশ্লেষণপ্রণালী একান্তভাবে কাব্যধর্মী। তাঁহারা উপন্যাসে যে সমস্ত ঘট-প্রতিঘাত ও মানসিক ক্রিয়া-প্রতিক্রিয়া

বর্ণনা করেন তাহাতে মনস্তত্ত্ববিদগণের পরিবর্তে কাব্যোচ্ছ্বাসেরই প্রাধান্য।' এবং 'উপন্যাসের শেষে যে রেশ আমাদের অনুভূতিতে স্থায়ী হয় তাহা গীতিকাব্যের।'^{২০}

খ. 'উপন্যাসের বস্তু-অবয়বকে ভেদ করিয়া উহার কাব্য-আত্মা নিগূঢ় প্রকাশে ঋগদীপ্ত হইয়া উঠিয়াছে। কোন চরিত্রেরই দৃঢ় ব্যক্তিসত্তা নাই—ইহার প্রত্যেকেই একক—আবেগকেন্দ্রঘূর্ণিত প্রাণকণাসমষ্টি।'^{২১}
—শব্দনম্—সহর্—ইয়ার-শিপ্রা—মুজতবার রোমাণ্টিক উপন্যাসত্রয়ের 'তুলনামূলক'রা যেন এদেরই স্বর্ণালি সংস্করণ।

তিন পর্যায়ে সমাপ্ত 'শব্দনম্' উপন্যাসের ঘটনাস্থল আফগানিস্তান। নায়ক মজনুন বাঙালী এবং নায়িকা তুর্কী বংশোদ্ভূত কাবুল-তনয়া শব্দনম্ বানুর জন্ম প্যারিসে, শৈশবও অতিক্রান্ত সেখানে। স্বাধীনতা দিবসে পাগমান শহরে আয়োজিত 'বল-ডাম্প'-এ এসেছিলো সর্দার আওরঙ্গজেবের কন্যা শব্দনম্। আর সাক্ষ্য-ভ্রমণে বেরিয়ে পথহারা মজনুনের সঙ্গে তার দর্শন নাটকীয়ভাবেই। মুগ্ধ নায়কের দৃষ্টিতে—
'কপালটি যেন তৃতীয়ার ক্ষীণচন্দ্র।... একদম পাগমান পাহাড়ের বরফের মতই ধবধবে সাদা।...নির্জলা দুধের মত।...বন-মল্লিকার পাপড়ির মত।'^{২২} প্রথম দর্শনেই নায়ক বিবশ বিহ্বলচিত্ত এবং পরদিন দ্বিতীয় সাক্ষাতে কবিতা ও লেবু বিনিময়। কাবুল নদীতে জলকুড়ার অবকাশে অপ্রত্যাশিতভাবে তৃতীয়বারের মতো পরস্পরের নিবিড় সান্নিধ্যে তাদের হৃদয়ের ব্যাকুলতা সুরভিত প্ৰভাতসমীরসম প্রকাশমান এবং উচ্চারণে চিরকালীন আশিক-মাণ্ডকের শাস্ত সত্য—
আমি তোমাকে ভালোবাসি। অতঃপর মজনুনের নির্জলালয়ে শব্দনমের প্রেমাত্তিসার—তার বক্ষদীর্ঘ আঁতি, 'আমার বিরহে তুমি অভ্যস্ত হয়ে যেয়ো না—ওইটুকুতেই আমার চলবে।'

দ্বিতীয় পর্বে আমীর আমানুল্লা মুরোপ সফরের প্রাক্কালে সর্দার আওরঙ্গজেবকে গভর্নর হিসেবে কান্দাহারে প্রেরণ করেন। মাতৃহীনা শব্দনম্কেও জনকের অনুগামিনী হতে হলো। এ'পর্বে নায়ক-নায়িকার বিরহ-বেদনার পরিক্রমণ অনেকটা চিহ্নিত পথেই। পত্র যোগাযোগও ছিলো অস্থিন্ন। বহুরথানেক পর শব্দনমের কাবুল প্রত্যাবর্তন আকস্মিক-ভাবেই। একই সময়ে ডাকু সর্দার বাচ্চায়-সকাও চড়াও হলো কাবুলে

—লক্ষ্য রাজসিংহাসন। এই অরাজক পরিস্থিতির কারণেই শব্দমের ইচ্ছা ও সিদ্ধান্তে তারা পরস্পরকে স্বামী-স্ত্রী হিসেবে বরণ করে পাঠানী কায়দায়—দু'পক্ষের দুই খিদমৎগার—আবদুল রহমান ও তোপল খানের উপস্থিতিতে। প্রকৃতপক্ষে এর পর থেকেই তাদের প্রেম-মহাবত বিচ্ছেদ-বিরহের সুলভ কাব্যিক পথ-পরিক্রমার সূচনা। সন্তাসিত কাবুল খুন-লুটতরাজে বেহাল। বিরহ-দহন দু'জনেরই বক্ষে। মাসখানেক পর শব্দম এলো প্রিয়-মিলনের তরে। চলে আকাশ-কুসুম চয়ন তার বয়েৎবাজী, দৃষ্টিতে স্বপ্নের ঘোর। অবশ্য এর স্থায়িত্ব মাত্র কয়েক দিবস। বিধিবিপিতে আস্থাসীল নায়ক কন্টকাকীর্ণ দুর্গম পথ অতিক্রম করে প্রেমের সুবর্ণ মন্দিরে পৌঁছানোর গৌরব অর্জনের মহাভাগ্য থেকে বঞ্চিত প্রধানত রাজনৈতিক অরাজকতার কারণে। বাচ্চার সেনাপতি জাফর খানের দাঙ্গা থেকে রক্ষার উদ্দেশ্যেই খোদ সর্দার আওরঙ্গজেব বিদেশী মজনুনকে তাঁর কন্যা শব্দম বানুকে শাদী করে তাঁদের ইজ্জৎ রক্ষার জন্যে প্রস্তাব করেন এবং আনুষ্ঠানিক ধর্মীয় ও সামাজিক রীতিনীতি অনুসারে তাদের নিকাহ-পর্ব হলো সুসম্পন্ন।

তৃতীয় অংশে—ব্রিটিশ লিগেশনে বিয়ের দলিল জমা দিয়ে এসে মজনুন কিস্মতের ভয়ঙ্কর রূপদর্শনে স্তম্ভিত। বাড়ী শূন্য। সেনাপতি জাফর খানের লোকজন তার জান্ শব্দমকে লুট করে নিয়ে গেছে। স্বামীর উদ্দেশ্যে রেখে গেছে একটি মাত্র নির্দেশ ও প্রত্যাশা: 'বাড়িতে থাকো। আমি ফিরব।' অচিরেই খবর এলো—'জাফর খানকে গুলি করে মেরে... শব্দম বীবী... অন্তর্ধান করেছেন।' অতঃপর শব্দমের সন্ধান এবং মজনুনের বিরহের পাজা। তথ্যের চেয়েও প্রাধান্য পেয়েছে রোমান্টিক প্রণয়পাখ্যানের তত্ত্ব ও অধ্যাত্মকথা। শাস্ত্রীয় ভঙ্গি যেন বিরহজ্বালা-প্রশমিত নায়ক এক অনির্বচনীয়লোকের সন্ধান পেয়ে সমৃদ্ধমান হয়ে ওঠে। এবং সাক্ষীর সন্দর্শন প্রত্যাশা জাগ্রত রেখে কাহিনীর পরিসমাপ্তি।

'শব্দম' বাঙলা সাহিত্যে অভিনব সংযোজন। এর অভিনবত্ব রূপে রসে, আকর্ষণ গীতিধর্মিতায়। মনে পড়ে 'দেশে বিদেশের' স্ববিরপ্রায় শিল্পীকে, যার সুরের গমকে বার্ষিক্য অন্তর্হিত। শব্দম-ও যৌবনের সাধনা, চির-তারুণ্যের মর্মরগাথা। এর শৈশব নেই, জরা নেই, বার্ষিক্য নেই—শুধু যৌবন আর জীবন। শব্দম পরতে পরতে প্রস্ফুটিত

নয়, নয় কুমবিলীলমান। শরৎ-শর্বরীর দীর্ঘ তপস্যায় অশ্রুসিক্ত এ' শব্দনম্ শিউলি পাপড়ি মেলে সূর্যকরস্পর্শের পূর্বেই ভূমিশয্যায় নিজেকে সমর্পণ করেছে। লেখক যেন অলক্ষ্যে জমজমাট মজলিসে সুগন্ধী আতর-দানের ঢাকনাটি ঈষৎ উন্মোচিত করে অতি সত্তর্পণে সেটি গোপন করেছেন। সুরভীতে বিমোহিত জন সম্মিতে এসে সুগন্ধী-উৎসের সন্ধানে নেত্রপাত করে মাত্র—ব্যর্থতার আক্ষেপ তীব্রতম নয়, সম্মোহনের খোর, রূপের নেশায় তখনো দৃষ্টি তার আচ্ছন্ন। হৃদয়ের প্রতিটি শোণিতকণা দিয়ে লেখক তাঁর 'তিলোত্তমা' শব্দনম্কে নির্মাণ করেছেন। সৃষ্টির সঙ্গে আত্মলীন স্রষ্টার মধুর একাত্মতার স্মারক উদ্ধৃত পত্রাংশ-টুকু: 'অত্যন্ত ক্লাস্তির মাঝখানে... লিখছি। ... শব্দনম্ আজ সন্ধ্যায় শেষ হল। ক্লাস্তি সেই কারণেই,—এতদিন শব্দনমের সঙ্গে সুখে দুঃখে কাটিয়েছি। আজ সে আমার কাছ থেকে চিরতরে বিদায় নিলে। নিজকে বড় নিঃসঙ্গ লাগছে।'^{২৩}—শিল্পীর এ'নিঃসঙ্গতা বড় রূপ—ততোধিক মধুর তার অনুভব। সৃষ্টি সমাপনান্তে তাতে স্রষ্টার অধিকার কতোটুকু? তখন তো সেটি জনগণের সম্পদ এবং তা' গ্রহণ-বর্জনের মালিকও জনতা।

'শব্দনম্' সম্বন্ধে আশাবাদী মুজতবা আলী যুগযন্ত্রণার যুগেও প্রেমের শাস্ত কল্যাণময়ী রূপ ও শুচিতায় ছিলেন আস্থাশীল। নিশ্চিন্ত পত্রটি তারই স্বাক্ষর :

'মাস খানেকের মধ্যে আমার একটি উপন্যাস [শব্দনম্] বেরবে। ...মোলায়েম প্রেমের কাহিনী। বোধ হয় খারাপ হয়নি।... ধূতপদ চঙে লেখা। নায়ক নায়িকার ভ্যানিটি কেস চুরি করে না, নায়িকা নায়ককে কিডন্যাপ করে না।'^{২৪}

স্নেহভাজনকে আশ্বস্ত করেছেন, 'শব্দনম্' নির্ভয়ে প্রিয়জনের হাতে তুলে দেওয়া যায়।'^{২৫} এবং পরবর্তী একটি পত্রে আরো বিশদভাবে লিখেছে: "শব্দনম্' পড়ে তোমার ভালো না লাগলেও তার একটা জিনিস তোমার ভালো লাগার কথা। বিস্তর খেটে খুটে অনেক সুন্দর সুন্দর ফাসী দোহা চৌপায়ী জোগাড় করে বাঙলায় তার অনুবাদ করে এ উপন্যাসে লাগিয়েছি। অনুবাদে একাটমাত্র শব্দ বাড়াই কমাইনি, শুধু বাঙলায় হৃদয়দীর্ঘ নেই বলেই ফাসী ছন্দ বজায় রাখা অসম্ভব।'^{২৬}

দুটি তরুণ হৃদয়ের নিদ্বন্দ্ব প্রেমোপাখ্যান 'শব্দনম্'। আদিগন্ত কল্পনার মহত্তম প্রকাশ। ভাষায় উদ্দাম ও স্নিগ্ধতার অপূর্ব মনিকাঞ্চন সংযোগ। শব্দনম্-রূপসাগরে ডুব দিয়ে প্রমথনাথ বিশীর অভিজ্ঞতা— 'এ যেন প্রজাপতির পাখা শিশির কণা ছড়িয়ে দিয়েছে মাঠের ঘাসে। এ নূতন, বর্ষাশেষের প্রথম শিশির বিন্দুর মতোই নূতন, কোমল, মধুর আর সুকুমার। রবীন্দ্রনাথের কাবুলীওয়ালাতে বর্বরতা ও মাধুর্য দুই-ই রয়েছে। আলী সাহেব ঐ মাধুর্যটুকু ছিনিয়ে তৈরি করেছেন. . . শব্দনম্কে। প্রণয়, মিলন ও বিভেদের গল্পটি উগতস্তুতে গাঁথা শিশির-বিন্দুর মালার মতো একদেহে হাসি অশ্রুতে ঝলমলিয়ে উঠে মুগ্ধ করে দেয়।' ২৭

'শব্দনম্'কে মুজতবা আলী উপন্যাস রূপেই আখ্যায়িত করেছেন এবং প্রমথনাথ বিশীর মতো বিদগ্ধ সমালোচক-সাহিত্যিকও তাঁর সঙ্গে ঐকমত্যে পোষণ করেন। পুস্তকটির উৎকর্ষ প্রায় সর্বজন-স্বীকৃত, কিন্তু জাত-গোত্র নিয়ে রয়েছে যথেষ্ট মতদ্বৈধতা। কারো বিবেচনায় এটি গদ্যকাব্য অথবা শুধু রোম্যান্স রচনা। এতে উপন্যাসের উপাদান বর্তমান, কিন্তু উপন্যাস নয়। তাহলে এর শ্রেণী পরিচয়? সমাধানও রহস্যময়: 'এই ধরনের জেখাতে রোম্যান্সেরই অনিবার্য কুহক মিশে থাকে। শব্দনম্ সম্বন্ধে সেই কথাই আসল কথা। কবিতায়, গদ্যে-ফাসীতে-বাংলাতে-স্থলে-সৃষ্টিতে,—লৌকিক বাস্তবতায় এবং অকৃত্রিম পরমার্থ প্রসঙ্গে এ এক অশ্ভুত ধরনের রম্য-রচনা হয়ে উঠেছে যাতে সৈয়দ মুজতবা আলীর স্বাক্ষর সুস্পষ্ট।' ২৮

আলী সাহেবের শেষোক্ত তিনটি উপন্যাসই রোম্যান্সের স্বর্গলোক এবং তা' নায়িকাসর্বস্ব। শব্দনম্ ও শহর-ইয়ার বাগ্‌বেদগ্ধ্য ও সং-বেদনশীলতায় সমতুল্যা। প্রথম জনের অবাধ বিচরণ কাব্যে, বিশেষতঃ ফাসী কাব্যলোকে, দ্বিতীয় জনের মন-প্রাণ সমর্পিত রবীন্দ্রভুবনে, জীবন সঞ্জীবিত রবীন্দ্রসঙ্গীতে। 'তুলনাহীনা'-তেও রবীন্দ্রকাব্যের অনায়াস সঞ্চরণ। মুজতবার নায়িকাদের শৈশব ও বার্ধক্য নেই— তারা শুধু যৌবন এবং যৌবনের। শহর-ইয়ার বিবাহিতা, শব্দনম্ প্রায় প্রণয় মুহূর্তেই পরিণীতা এবং 'তুলনাহীনা' শিপ্রা নায়কের সঙ্গে দাম্পত্য প্রেমে চুক্তিবদ্ধা। সুতরাং বহুমুখী প্রণয় এবং তজ্জাত ঘটনা-সংঘাতের কোন প্রশ্রয় উপন্যাসগুলোতে সম্পূর্ণ অনুপস্থিত। অবশ্য শহর-ইয়ারের দ্বন্দ্ব ভিন্নতর।

কাব্যকাননেই ‘শব্দনম্ শিউলি’ কবির আবিষ্কার। ভিন্দেশী নামকের ফার্সী উচ্চারণে তাঁর বিস্ময়, ‘আপনার ফার্সী উচ্চারণে কেমন যেন পুরনো আতরের গন্ধ। . . . ঠাকুর মা সিন্দুক খুললে যে রকম পুরনো দিনের জমানো মিষ্টি মিষ্টি গন্ধ বেরোয়।’^{২৯} পরমুহূর্ত্ থেকেই ‘বয়েৎ-বাজীর’ সূচনা। ‘শব্দনম্’—শিশিরের সঙ্গে বাঙলাদেশের শিউলি ফুলের সম্পর্কের উল্লেখ উল্লসিত শব্দনম্ কবি কিসাজ্জ-এর পুষ্পসংক্রান্ত চৌপদী শুনিতে দেয়। মুজতবার তর্জমায় :

অমরাবতীর সওগাত এই ফুল এল ধরাতলে,
ফুলের পুণ্যে পাপী-তাপী লাগি স্বরগের দ্বার খোলে।
ওগো ফুলওয়ালী, কেন ফুল বেচো তুচ্ছ রূপার দরে?
প্রিয়তর তুমি কি কিনিবে, বলো, রূপো দিয়ে তার তরে?
[শব্দনম্, পৃ. ৭]

নায়ক মজনুন বাঙালী এবং ভারতীয়। নির্বাসিত পিতার সঙ্গে ফ্রান্সে প্রবাস জীবন কাটিয়ে ভারতের ওপর দিয়েই শব্দনম্ কাবুলে ফিরেছিলো। সেই সুবাদে আস্থা করে ইরানী কবি আলীকুশী সলীম-এর ভারতের প্রতি শ্রদ্ধাঞ্জলি :

‘নীস্ত্ দর ইরান জমীন্ সামান-ই তহসিল কামাল
তা নিয়ামদ্ সু-ই হিন্দুস্তান হিনা রগীন্ ন্ ওদ্।’
পরিপূর্ণতা পাবে তুমি কোথা ইরান দেশের ছুঁয়ে,
মেহদির পাতা কড়া দাল হয় ভারতের মাটি ছুঁয়ে।
[শব্দনম্, পৃ. ৮]

সূচনালগ্ন থেকেই তাদের প্রণয় গাঢ়বন্ধ। নায়কের ব্যাকুলতা হাল্কা হওয়ায় চিনার পত্রে মৃদু কম্পন, শব্দনমের আবেগ পাহাড়ী ঝর্ণার উচ্ছল কলকাকলী। তার প্রত্যয়ী আস্থাসে সামান্যতম অতিরঞ্জন নেই, ‘তুমি শুধু এইটুকু বিশ্বাস কর, তোমাকে দেখার জন্য আমার যে ব্যাকুলতা, তুমি কখনো সেটা ছাড়িয়ে যেতে পারবে না।’ তারপর দীর্ঘ এক বৎসর অদর্শন বিরহের অবসান কান্দাহার থেকে কাবুলে শব্দনমের প্রত্যাবর্তনে। কথার পাহাড় স্তুপীকৃত বিরহী হৃদয়ে,

কিন্তু কণ্ঠ নির্বাক। শুধু অপলক দৃষ্টি নিবন্ধ মজনুনের প্রতি। নায়কের
জিজ্ঞাসায় আবার কবিতার ফোয়ারা :

‘ওম্মাসিন্ হরফ্-ই-চুন্ ওচিরা বস্তে অস্ত্ লব
চুন্ রহ্ তমাম গল্ৎ জর্স বি-জবান সওদ।’

কাফেলা যখন পৌঁছিম গৃহে মরুভূমি হয়ে পার
সবাই নীরব। উটের গলায়ও ফটা বাজে না আর।

[শব্দনম্, পৃ. ৪৮]

কবিতার নির্ঘাসে যে নারীর মানসগঠন, শিশির বিন্দুর মতোই
বাহ্যদৃষ্টে যে শব্দনম্ টলটলায়মান, বাচ্চার আবির্ভাবে তার স্থির-
মতিত্ব এবং অসাধারণ চারিত্র্যশক্তির অনমনীয়তা এক পরম বিস্ময়।
এ’ নারীর দেহ-মনের পুষ্টি ও সমৃদ্ধিতে রয়েছে তুর্কী খুন আর পাঠানী
হাওয়া। তাই প্রেমিককে পতিত্বে বরণে দ্বিধাহীনা, সিদ্ধান্তে অচলা।
কাব্যলোকেই এ’ নারীর ভালোবাসার দীক্ষা এবং প্রেম তাকে দিয়েছে
ইস্পাত-কঠিন দৃঢ়তা। ভালোবাসার হুকু থেকে তাকে বঞ্চিত করবে
কে? তাদের মিলনে কাল্পনিক সামাজিক প্রতিবন্ধকতার প্রশ্নে তার
তাৎক্ষণিক উত্তর :

থোড়াই পরোয়া করতুম। ধর্ম্মনে তুমি আমি, সমাজ কেন,
বাপ-মায়ের আপত্তি সত্ত্বেও বিয়ে করতে পারি। কিন্তু সমাজ
কি শের না বাবুর, বাঘ না সিংহ, যে তাকে হামেহাল পিস্তল
দেখাতে হবে? সমাজ তেজী ঘোড়া। দানা-পানি দেবে, তার
পিঠে চড়বে। বেগারামি করলে পায়ের কাঁটা দিয়ে অল্প গুঁতো
দেবে, আরও বেশি হলে চাবুক, আর একদম বিগড়ে গেলে
পিস্তল। তারপর নতুন ঘোড়া কিনবে—নতুন সমাজ গড়বে।^{৩০}

ভালোবাসায় নারীর অধিকার কিংবা ব্যক্তি স্বাধীনতায় ধর্ম্মীয়
অনুমোদনের প্রতি শহর-ইয়ারও দৃষ্টি আকর্ষণ করেছিলো :

যে অধিকার মুসলমান মেয়ের ছিল ইসলামের গোড়াপত্তনের
সময় থেকে, সেইটেই সে ব্যবহার করলো ইংরিজি সভ্যতার
সংস্পর্শে এসে, অন্দর মহল থেকে মুক্তি পাওয়ার পর! পাঠান
মেয়েরা কিন্তু চিরকাল ধরে এ-হুকুটা দরকার হলেই কাজে

লাগিয়েছে।...তার। নাকি...বাপ-মার তোয়াক্কা না রেখে আপন পছন্দের ছেলেকে ভালোবাসতে জানে।”

অরাজকতার সন্ত্রাস-ভীতি প্রিয়মিলনে বাধা হতে পারে না। শব্দনের অধিকারে কেউ প্রতিবন্ধক হলে তাকে অবশ্যই মৃত্যুকে আলিঙ্গন করে পাপের প্রায়শ্চিত্ত করতে হবে। সশস্ত্র শব্দনের নির্ভীক অভি-
ব্যক্তি—‘কী? আমার ছেলে হবে শুধু শান্তির সুখময় নীড়ে? বকরীর কলিজা নিয়ে জন্ম নেবে তারা তা হলে।... আর আজ যদি আমি বিপদ-বিপদ তুচ্ছ করে শয়তানকে জাহান্নামে পাঠিয়ে তোমার কাছে পৌঁছই তবে আমার ছেলে হবে বাঘের গুঁদা, সীনা, কলিজা নিয়ে।’ [শব্দন, (১ম প্রকাশ), পৃ. ৯৩-৯৪]। আবার অমিত সুন্দরী এ’ নারীই দৃঢ়প্রতিজ্ঞ, ‘আমি আমার ভালবাসা দিয়ে দেহের সৌন্দর্যকে হার মানাবো।’---কঠিন-কোমলে, চিনারের পেলবতা আর হিন্দুকুশের দৃঢ়তায় এ’নারীর সত্তা।

উপন্যাসটির দ্বিতীয় খণ্ডেই শব্দনের সঙ্গে পাঠকের সর্বশেষ সাক্ষাৎ। তৃতীয় খণ্ডে শুনি তার অপহরণ সংবাদ এবং অপূর্ব সাহস ও কৌশলে সেনাপতি জাফর খানকে হত্যা ও অন্তর্ধান। অতঃপর দীওয়ানা মজনুনের হা-হতাশ ও তত্ত্বকথায় কাহিনীর যবনিকা। শব্দনের ভূমিকা সক্রিয় এবং প্রথম থেকেই ঘটনাপ্রবাহ ছিলো তারই নিয়ন্ত্রণে। উপন্যাসের পৃষ্ঠা থেকে নাস্তিক্যের আকস্মিক অবলুপ্তি এবং তারই সন্ধান মজনুনের বিক্ষিপ্ত বিচরণ ও ‘সদাচারে’ স্বভাবতই মনে প্রশ্ন জাগে, লেখক যেন অসতর্ক মুহূর্তে এক ফুৎকারে আলোকবর্তিকাটি নির্বাচিত করে নিষ্কিঞ্চন তমসায় তারই অনোষণে গলদগম্য।

সৈয়দ মুজতবা আলীর ব্যর্থতার স্মারক ‘মজনুন’ ও ‘কীর্তিচৌধুরী’—যথাক্রমে শব্দন ও তুলনাসহীনার নামক। সূত্রধরের আপ্রাণ প্রচেষ্টাও এই পুস্তিকা দুটোকে সজীব সচল করতে পারেনি। যদিও দুটো উপন্যাসেই নামকরণের সক্রিয় হওয়ার পর্যাপ্ত অবকাশ ছিলো। এবং সে অবকাশ অপচিত্ত অলস বাগ্‌বিন্যাসে।

প্রথমাবধিই মজনুন অতিমাত্রায় ভাগ্যনির্ভর। সদ্যপরিচিতার পাগমান ত্যাগে তার অক্ষমতা ইরানী কবির ছন্দে সান্ত্বনা খুঁজেছে :

কত না হস্ত চুমিলাম আমি অক্ষমালার মত,
কেউ খুলিলনা কিস্মতে ছিল আমার গ্রন্থি যত।

‘দস্ত-ই হর-কসরা ব্ সানে সবহৎ বুসীদম্ চি সুদ
হীচ্ কসন্ কশওদ আখির অক্‌দয়ে কারে মরা’।
[শব্দনম্, পৃ. ১৯]

এই নিষ্ঠাক্রম চরিত্র তুর্কী-পাঠানীর বিপরীতে নায়ক হিসেবে সম্পূর্ণ অযোগ্য, বেমানান। এই বঙ্গসন্তানের ঐকান্তিক কামনা,—‘আমি চেয়েছি ঘরের প্রেম, বধুর প্রেম—বঁধুর প্রেম আমি চাইনি। সংসারের অবহেলা অনাদরের মাঝখানে এইটুকু সান্ত্বনা যে, বাড়ি ফিরলে আমি সেখানে সবচেয়ে আদরের ধন। . . . আমি হতে চেয়েছিলুম বাড়ির পিছনের ছোট্ট পুকুরটি। যেটি আমার বধুর, আমার নির্জনে পাতা সংসারের জনমীর একান্ত আপন।’ [শব্দনম্, পৃ. ৫৯-৬০]। সে-সঙ্গে মনে পড়ে শব্দনমের সকৌতুক রসিকতা: ‘বা-গা-লা মুল্লুক সেখানে তো শুনেছি পৃথিবীর শেষ। তারপর নাকি এক বিরাট অতল গর্ত। . . . সেখানে তাই রেলিঙ লাগানো আছে। পাছে কেউ পড়ে যায়। বাঙালীরাও নাকি তাই বাড়ী থেকে বেরয় না।’ [শব্দনম্, পৃ. ৫-৬]।

যে বিশেষ গুণটিতে মজনুন আকর্ষণ করেছে শব্দনম্কে —তা’ হলো তার কাব্যপ্রীতি। সে শুধু আদর্শ শ্রোতাই নয়, প্রকৃত বিদগ্ধ-জনের মতোই নায়িকার বয়েতের প্রত্যুত্তরে উৎকৃষ্টতর ছন্দ-গাথা উপস্থাপনে যোগ্য প্রতিদ্বন্দ্বী। একই গুণে সে মুগ্ধ করেছে ‘জানেমন’ এবং শব্দনমের অশীতিপর গুরুকে। তার অবশিষ্ট নায়কত্বের ভিত্তি নায়িকার অনুগ্রহ ও বদান্যতা। শব্দনমের অদর্শনে বিবশ মজনুন নামাজ-রোজা করে ধর্মীয় প্রধান্যায়ী ‘স্বপ্নে সত্যপথ’ নিরূপণে বিশ্বাসী। অপহৃত শব্দনম্ উদ্ধারে তাঁর একমাত্র ভরসা ‘পরম করুণাময়ের দয়া’। তদুপরি বাগাড়ম্বর ও আত্মস্তরিতা চরিত্রটিকে ধূলিসাৎ করে দিয়েছে। প্রথম পুরুষে লেখা উপন্যাসটিতে ফেনিয়ে ফাঁপিয়ে নানা মুখে আপন মাহাত্ম্যগাথা শুনিয়েছেন মজনুন বিনামে লেখক। অপহৃত শব্দনমের সন্ধানে ভৃত্য আবদুর রহমান পর্যন্ত যখন ব্যতিব্যস্ত তখন দিবাস্বপ্নে বিভোর নায়ক : ‘যেন . . . স্পষ্ট হতেও স্পষ্টতর দেখতে পাচ্ছি, আমি মায়ের এক জানুতে, শব্দনম্ অন্য জানুতে বসে আছে আর মা কলাপাতার সামোসাতে মোড়া ধান-দুর্বা আমাদের মাথার উপরে রেখে আশীর্বাদ

করছেন।' এবং সম্বন্ধে ফিরে আসে 'মায়েরই পুণ্যবলে, তাঁরই আশী-
র্বাদের ফলে।' [শব্দনাম, পৃ. ১৬০]। কখনো বা স্বপ্ন দেখে 'শব্দনামের
কোলে মাথা রেখে শুয়ে' আছে। সম্ভবতঃ অন্যান্যসে, শুধুমাত্র কিসমতের
জোরেই 'অধরা'-কে পেয়েছিলো বলেই অস্তিত্বাক পুনরায় ভাগ্যবলেই
লাভ করতে চেয়েছে। ফলে তার পৌরুষও অপ্রকাশিত, অবদমিত
—আদৌ যদি তেমন কিছুই অস্তিত্ব তার মধ্যে থেকে থাকে। শব্দনাম
নেই। নামকের কর্তব্য ও স্বাধ। স্মৃতিচারণই তার সময়ক্ষেপণের উপায়।
আর সৈয়দ মুজতবা আলী স্বরাপে আত্মপ্রকাশের সুবর্ণ সুযোগ পেয়ে
যান। পাণ্ডিত্য সাওয়ার হয় নামকের ক্ষেত্রে। এ' পর্যায় প্রাচীন ভারতীয়
ঐতিহ্যের ওপর চমৎকার আলোকসম্পাত করা হয়েছে। চরম মানসিক
বিপর্যয়ের মধ্যেও নামকের ঐতিহাসিক জ্ঞান এবং ঐতিহ্যপ্ৰীতির চরমোৎ-
কর্ষ প্রদর্শিত। এতে লেখকের পাণ্ডিত্যের স্ফূরণ আছে, কিন্তু নামক চরিত্র
বিকাশে সহায়ক হয়নি। শব্দনামের বয়েতঃ

কাজী নই আমি, মোজাও নই, আমার কি দায়, বল!

শীরাঙ্গী খাইব, প্রিয়ান চুমিব ওই মুখ চলচল।—

এর উত্তরে মজনুনের সংযোজন,—‘তুমি পাশ ফিরে শুয়ে য়ুদু হাস্য
করবে। তখন তোমার গালের টোল হবে গভীরতম—আমি সেটিকে
ভক্তি করব শীরাঙ্গী দিয়ে। তারপর আস্তে আস্তে—অতি ধীরে ধীরে
সেই শীরাঙ্গী চুমোয় চুমোয় তুলে নেব।’—আমাদের উৎসাহিত করে।
কিন্তু নামিকার পদচুম্বনের উদ্দেশ্যে প্রসারিত হস্ত সন্দর্শন কিংবা
শব্দনামের লেখা কবিতা পাঠে অশ্রুচোচনের সংবাদে বিংশ শতাব্দীর
শেষার্ধের পাঠক মনে নামকচিত্রের ভারসাম্য সম্বন্ধে প্রশ্ন জাগে। পুনরায়
শব্দনামকে স্মরণ করতে হয়,—“মজনুন মানে তো পাগল। জিন্
যখন কারো কাঁধে চাপে তখন ‘জিন্’ শব্দের পাস্ট্ পাটি সিপ্ল মজনুন
দিয়েই তো পাগল বোঝানো হয়।” [শব্দনাম, পৃ. ৬]।

শেষ পর্যন্ত অর্ধোন্মাদ—নামকের জবানীতে—“শব্দার্থেই মজনুন’
—নামিকার সন্ধান মজার-ই-শরীফে উপস্থিত। এই প্রেম-পাগল
এখানে আর অপরিচিত নয়। তার প্রতি শহরের সজ্জনদের অপত্যশিত
সাহায্য—সহানুভূতিরও অভাব নেই। দরগা-শরীফে গিয়েও নামাজে
গাফিলতির জন্যে তার প্রতি কোন অনুযোগ ওঠে না। খোদ নামকের

ভাষ্য: “‘মজনুন’র উপর কোনও বাধ্যবাধকতা নেই। আর-একদিন শুনেছিলুম বোরকা-পরা দুটি তরুণীর একজন আরেক জনকে বলছে, ‘কী তোর প্রেম যে, তাই নিয়ে হর-হামেশা আপসা-আপসি করছিস্! ওই দেখ প্রেম কী গরল! শব-ই-জুফ্‌ফাফের [বাসর রাতে] ফুল শুকো-বার আগেই এর প্রিয়া শুকিয়ে হাওয়া হয়ে যায়। হয়েছিস ওর মত তুই... মজনুন—পাগল?’”^{৩২} কিংবা মজার-ই-শরীফের ‘সমস্ত বাজার আমাকে দেখামাত্রই যে রকম হলুধ্বনি দিয়ে উঠেছিল তা থেকেই বুঝেছিলুম বিখ্যাত বা কুখ্যাত হওয়া যায় নানা পদ্ধতিতে, এবং কোনও চেষ্টা না করেও।’ [শব্দনাম, পৃ. ২০০]। প্রেমোন্মাদ এতোটা সচেতন হতে পারে কী? নায়কের দস্তী আত্মপ্রচারে চারিগ্রুটির বাস্তবতা এবং বিশ্বাসযোগ্যতা বহুলাংশে ক্ষুণ্ণ।

উপন্যাসের শেষাংশে প্রেম-বহ্নিতে পূত পবিত্র হয়ে সর্বশুচিতা নিয়ে নায়ক চরিত্রের যেন নবজাগরণ—দীর্ঘ তপস্যান্তে সাধনায় সিদ্ধিলাভ! তার উপলব্ধি—‘... আরবভূমির মজনুন তো... প্রেমের অমৃত খেয়ে পেয়েছিলেন দিব্যরূপ।’ শব্দনামের মজনুনও প্রেমের সোপান বেয়ে পৌঁছে গেছে আনন্দলোকে। মৃত্যুঞ্জয় প্রেম তাকেও করেছে ‘মৃত্যুঞ্জয়ী’। সুতরাং এখন থেকে তার ‘প্রতি মুহূর্তই শুভ মুহূর্ত’। এবং এখানে সুস্পষ্টভাবেই প্রতিফলিত মধ্যযুগীয় রোমান্টিক প্রণয়োপাখ্যানের আধ্যাত্মিক অনুভূতি। প্রচণ্ড আন্দোলনের অবসানে নায়কচিত্ত শীতের সরোবরের মতোই শান্ত, স্বস্থ, সমাহিত। এবং মওকা মেলামাত্রই জানে-মনের সঙ্গে মেতে ওঠে বয়েৎবাজীতে। বিষপাত্র দানকারী কাতর শিষ্যের প্রতি সোক্রাতেসের বক্তব্যের প্রেক্ষিতে—জানেমনের শোকনিরন্তর উদ্দেশ্যে স্মরণ করে ভারতের কবি আবদুর রহীম খান-ই-খানানের কবিতা :

রহীমন! তুমি বলো না জইতে অনাদরে দেওয়া সুধা—
আদর করিয়া বিষ দিলে কেহ মরিয়া মিটাব ক্ষুধা।

‘রহীমন! হমে না সুহায় অমি পিয়াওৎ মান বিন্।
জো বিষ দেয় বোলায় মান সহিত মরিব ভালো।’

[শব্দনাম, পৃ. ২০৭]

অতঃপর মজনুন-ই দিলে তার অলৌকিক জ্যোতি লাভের সংবাদ। এবং সেই অনুভূতিবলেই যেন নক্ষত্র অরক্ষতীর ভাষ্যে পেলো প্রত্যক্ষণর

সাহসনা: 'শব্দনম্ আমারই মত তার বশিষ্ঠকে খুঁজে নেবে।' সর্বশেষ নায়িকার যে মূর্তি মজনুন গড়ে তোলে, তা' কবির কবিতা, প্রেমিকের প্রেম, মনোলোকে নিরবচ্ছিন্ন সাধনার অপূর্ব প্রতিমা।--'আমার চারু-সর্বাঙ্গীকে গড়ার সময় আমি তুলি ফটোগ্রাফ। ...খাঁটি ভারতীয় ভাস্করের মত প্রতিমালক্ষণানুযায়ী মূর্তিটি নির্মাণ করে সর্বশেষে তার সম্মিলিত পদমুগলের দুই পদনখকণার উপর ধীরে ধীরে রাখতুম আমার দুই ফোঁটা চোখের জল। এই আমার বৃকের হিমিকাকণা— শব্দনম্' [শব্দনম্, পৃ. ২১৫]। পরবর্তী স্তরে মূর্তিনির্মাণের প্রয়োজনও লুপ্ত। কেননা, শব্দনম্ তখন মজনুনের 'মনের মাধুরী, ধ্যানের ধারণা, আত্মনের জ্যোতি' এবং এই জ্যোতিই সন্ধান দেবে তার মানসপ্রিয়ার।

লেখক ক্রমান্বয়ে তাঁর নায়ককে বাস্তবলোক থেকে নিয়ে গেছেন ধ্যানলোকে। মজনুন অভীষ্ট লক্ষ্যে কুম্ভ: উর্ধ্বগামী এবং 'এর মধ্যেই কাঁটাবনকে নর্মকুঞ্জ বলে মনে হচ্ছে, কাদা-ভরা খালকে প্রাণদায়িনী স্রোতস্বিনী বলে মনে হচ্ছে। গিরি শিখরে পৌছলে সমস্ত ভুবন মধুময় বলে মনে হবে'—এই প্রত্যাশাতেই তার স্বস্তি এবং কাহিনীর প্যাথটিক অনুভবেরও তারঙ্গপ্রাপ্তি। মোটকথা উপন্যাসের উপান্তে লেখকের পাণ্ডিত্য, তত্ত্বকথা, শাস্ত্রবচনের আড়ম্বর গ্রন্থটির বৈভবে পরিণত হয়নি এবং প্রায় তপঃসিদ্ধ সূক্ষ্মীতে উত্তীর্ণ নায়ককে সুস্থ মনে গ্রহণ করা আধুনিক কালের পাঠকের পক্ষে বিরতকর। এই মজনুন যেন কিংবদন্তীর মজনুর কালোপযোগী সংস্করণ। মজনুর মতো শব্দনমের নায়কও শব্দনম্কে তথা সৃষ্টিকে ভালোবেসে ঈশ্বরের নৈকট্য-প্রয়াসী অর্থাৎ ক্ষুদ্রতর প্রেমই বৃহত্তর প্রেমের সোপান।

মুজতবা-মানসে মা ও মাটি ওতপ্রোতভাবে জড়িত। সুখে-দুঃখে আনন্দ-দৈন্যে সর্বাবস্থায় তাঁর সর্বসত্তা জুড়ে মা-জননী আর বাঙলার প্রাকৃতিক মাধুর্যে তাঁর দৃষ্টি মোহাচ্ছন্ন। ফলে তাঁর নায়িকার 'গালের টোল'-এ আবিষ্কৃত সিলেটের "ছোট্ট মনু-গাওঁর দ' কিংবা 'কপোল বোলপুরের বসন্ত-কিংস্কের মত রাঙা।'

নায়ক-নায়িকা ব্যতীত উপন্যাসটিতে অন্য ভূমিকার উপস্থিতি নিঃসংশয়ই গৌণ। জানেমন, সর্দার আওরগজেব খান ও তাঁর গুরুর চক্রে দর্শন দীপ্যময়। কাহিনীটি একমুখী হলেও গল্পের প্রয়োজনে

সংযোজিত লায়লী-মজনুকথা, বেদুইনকন্যা-প্রসঙ্গ কিংবা রাজা জনক ও ঋষি মাজ্জবল্ক্য কাহিনীকে আলী সাহেব নৈপুণ্যের সঙ্গে ব্যবহার করেছেন। একটি বর্ণনায় আফগানিস্তানের বিশেষ সামাজিক রূপ সূচিত্রিত।

...এ দেশের ডাকাত আর বণিকে তফাত কম। যে দুদিন পূর্বে বণিক ছিল সে কিছুটা পয়সা জমিয়ে ডাকাতের দল গড়েছে। আবার যে দুদিন পূর্বে ডাকাত ছিল সে কিছুটা পয়সা করে আজ পণ্যবাহিনী তৈরি করেছে এবং এর পরও অন্য এক শ্রেণীও আছে। এরা দুটো একসঙ্গে চালায়। পণ্য-বাহিনী নিয়ে যেতে যেতে সুযোগ পেলে ডাকাতিও করে।^{৩৩}

চার হাজার বছরের প্রাচীন 'বাসর রাতি গীতি'র ভাবদ্যোতনা অপূর্ব। মুজতবা রচনাবলীর অনাচে কানাচে ছড়ানো-ছিটানো এমনি মুক্তশরাজীর সংখ্যা নগণ্য নহ্ন। শব্দমের সুরেলা কণ্ঠে প্রাচীন কথা-মালা যেন নবরূপে শরীরী মূর্তিতে আবির্ভূত:

আমি তাকে নিয়ে যাব, আমার মায়ের বাড়িতে। মা আমায় শিখিয়ে দেবে। আমি তাকে পান করতে দেব সুগন্ধি মদিরা— আমারই ডালিম নিংড়ে বের করা রসের সুরভি মদিরা। তার বাম হাত রইবে আমার মাথার নিচে আর তার ডান হাত দিয়ে সে আমায় আলিঙ্গন করবে। আমার অনুরোধ, আমার আদেশ, অগ্নি জেরুজালেমবালা-দল আমার প্রেমকে চঞ্চলিত কর না, তাকে জাগ্রত কর না, যতক্ষণ সে না পরিতৃপ্ত হয়। ...আমি তাকে নিয়ে যাব আমার মায়ের ঘরে—যে ঘরে আমার মা আমাকে গর্ভে ধারণ করেছিলেন। আমি তাকে পান করতে দেব আমারই ডালিম নিংড়ে—^{৩৪}

শব্দম্ এবং শহর-ইয়ারের মধ্যে কিছু সাদৃশ্য রয়েছে। 'দুয়েরই' নামিকা অসামান্য। দুয়েরই নামক লেখক স্বয়ং, দুয়েতেই প্রেমের বেদনাময় কাহিনীর প্রাধান্য, দুয়েতেই রবীন্দ্রনাথের আধিপত্য, রবীন্দ্র-কাব্য আর রবীন্দ্র-সঙ্গীতে জীবনের ব্যর্থ সাধনার তাৎপর্য আর সাধনা অশ্লেষণ; দুয়েতেই তত্ত্বালোচনার প্রাধান্য—ঈশ্বর বিশ্বাসীর সত্যশ্লেষণের পরিচয় দানের প্রয়াস, দুয়েতেই শিথিল-প্রথিত কাহিনীতে নামকের

(ওরফে লেখকের) কথার নেশা মাত্রা ছাড়ায়।^{৩৫} —শহর-ইয়ার সম্বন্ধে সর্বাংশে প্রযোজ্য হলেও বস্তব্যটিতে আলী সাহেবের অন্যান্য উপন্যাসের দুর্বলতাও সুপ্রকট। নিজে নাম্বকের ভূমিকায় অবতীর্ণ হওয়ার ফলেই দ্বিতীয় ও তৃতীয় উপন্যাসে গুণগত সঙ্কট ঘনীভূত। এবং প্রজ্ঞা, নিরলস অধ্যয়ন, কাহিনী বর্ণনের অপূর্ব ভঙ্গিমা এবং সর্বোপরি অননুক্রমণীয় রচনাভঙ্গী ও সূচনিত শব্দাবলীর দীপ্ত প্রভা তাঁকে সঙ্কটমুক্ত রেখেছে। ‘শব্দনাম্’ তো ভাষার ইন্দ্রজাল—সম্মোহন মন্ত্র।—৩৬ প্রমথনাথ বিশীও যার মোহমুক্ত হতে পারেনি। প্যাথোটিক অনুভূতির এমন আবেগ-ফেনিল রূপ বাঙলা সাহিত্যে বিরল। এ’ আবেগে ভেসে গেছেন সমসাময়িকের প্রতিষ্ঠিত কবি-সাহিত্যিকদের অনেকেই। ‘শব্দনাম্’ উপন্যাস পড়তে পড়তে যে অনবরত চোখের জল মোছে না, সে পাশগু ছাড়া আর কিছুই নয়।^{৩৬} ‘শব্দনাম্’-এর মাল্যপাশে আবদ্ধ সাধারণ পাঠকের আশাভঙ্গের ফরিয়াদ শুনি ‘শহর-ইয়ার’-এর আত্মপ্রকাশে,—“বিশ্বাস করতেও মন চায় না যে ‘শব্দনাম্’-এর লেখক কোনোদিন বন্ধ হতে পারেন, তাঁরও প্রতিভায় ভাঁটা পড়তে পারে।^{৩৭}

সমানোচকের নির্মম ছুরিতে ব্যবচ্ছেদের পরও ‘শব্দনাম্’ ভাষিত করে—কোন মোহনীয়তায় সর্বশ্রেণীর পাঠক আবিষ্ট? শব্দনামে তাদের প্রত্যাশা কতোটুকু পরিপূর্ণ? পুস্তকটির জাত নিয়ে আমরাই প্রশ্ন তুলেছি। সদুত্তর মেলেনি। শুধু মনে হয় ‘শব্দনাম্’ বিরহ-গাথা, প্রেমিকের উচ্ছ্বাস, যৌবনের স্বপ্ন—নৈরাশ্যের অনিশ্চয়তার ক্ষীণ প্রত্যাশা! এবং খোদ্ আলী সাহেবের দিলাশা: ‘শব্দনামের অনন্ত তারুণ্য তো কখনো পরিবর্তিত হতে পারে না—তাকে তো আমি গড়েছি আমার জিগর কলিজার বিন্দু বিন্দু খুন দিয়ে এবং সি নির্মাণ বহু শত যোজন পেরিয়ে এখনো পূর্ণোদ্যমে অগ্রগামী।^{৩৮}

০৪. সৈয়দ মুজতবা আলীর উপন্যাসের সংখ্যা অত্যন্ত সীমিত। এবং সুদীর্ঘকালের ব্যবধানে সেগুলোর আত্মপ্রকাশ। পুস্তকাকারে প্রথমটি ১৯৫৪-তে এবং পরবর্তী তিনটি যথাক্রমে ১৯৬০, ’৬৯ ও ’৭৪-এ প্রকাশিত। পুস্তকাকারে প্রাপ্তির পূর্বে প্রথম তিনটির ‘দেশ’ পত্রিকায় ক্রমশঃ আত্মপ্রকাশ এবং চতুর্থটি একসঙ্গেই গ্রন্থাকারে মুদ্রিত। ‘অবিশ্বাস্য’-এ সার্থক উপন্যাসিকের মনোবিশ্লেষণী দৃষ্টি এবং ‘শব্দনাম্’-এ রোমান্সের তন্ময়তা। ‘শহর-ইয়ার’-এ এ’দুটোর মধুর সম্মিলন

ও সমন্বয় এবং তখনো বহুজন 'শব্দনমাচ্ছন্ন'। আবার অনেকে 'শহর-ইয়ার'-এ নবতর আশ্বাদের সম্মান পেয়ে উৎসাহে উদ্ভাহ। আর দু'পক্ষে উপভোগ্য 'কবির-লড়াই'-ও বেশ জমে উঠেছিলো।

ধারাক্রমে প্রকাশকালে 'শহর-ইয়ার'-এ 'মুজতবা আলীর অসাধারণ দ্যুতিময় বাক্শিল্ল'-এর অনুপস্থিতি লক্ষ্য করে জনৈক আশাহত পাঠকের ফরিয়াদ, 'শব্দন'-এর নীলামিত ভঙ্গিতে, হেলানো, বাঁকানো, মোচ-ডানো ভাষার সূক্ষ্ম স্তরে স্তরে কবিত্ব শক্তির যে অবিরল প্রশয় আছে বা চাচা-কাহিনীর সেই আশ্চর্য ভাষা...তার কতটুকু আজ অবশিষ্ট সৈয়দ সাহেবের লেখায়?...বাক্যের যে ইন্দ্রজাল আলী সাহেবের রচনাশিল্পে আচ্ছন্ন করে আছে ১৩৭৩ পর্যন্ত তা যেন হঠাৎ রঙিন কথার কুয়াশার মধ্যে মিলিয়ে গেল।"৩৮ একই সংখ্যায় অপর পত্রে কানপুর থেকে শ্রীঅনিল রায় চৌধুরী 'শহর-ইয়ারের মত...একটি নারী চরিত্র' সৃষ্টির জন্যে 'শব্দন' চরিত্রের স্রষ্টার কৃতিত্বকে' অভিনন্দিত করেন। এঁর বক্তব্যের সমর্থনে এবং শহর-ইয়ারের ভাষার স্বাভাবিক স্বীকার করে অপর পাঠক রবীন্দ্রনাথের চারটি রঙ্গ-বাজ রচনা---বাজ--কৌতুক, তোতোকাহিনী, কর্তার ইচ্ছায় কর্ম এবং পঞ্চ-ভূতের উল্লেখ করে লিখেছেন, 'তার প্রত্যেকটিতে হাস্যরস রয়েছে। তবু তাদের ভাষার পার্থক্য বিপুল। আর যেখানে দুটি লেখার [শব্দন ও শহর-ইয়ার] বিষয়বস্তুর আসমান-জমিন ফারাক, সেখানে ভাষাগত বিরোধ ততোধিক।' অতঃপর অভিমানে সমরণ করিয়ে দেন, 'আপনি... চাচা-কাহিনী---শব্দনের ভাষার...প্রশংসা করেছেন, আলী সাহেব তো সে ভাষার জন্যে সারা লেখক জীবন ধরে নিন্দিত হয়েছেন।...এবার মুজতবা শুদ্ধতর বাংলা লিখেছেন। আরও দু-চারটে লেখা বেরোক, দেখা যাক, শুদ্ধ বাংলায় লেখাতে আগের মতোই তিনি জেলা দিতে পারেন কিনা, অথবা ফের আগের ভাষাতে ফিরে যান নাকি। যাই করুন না কেন, ইতোমধ্যে লেখকের ভাষায় শুদ্ধতা আনার প্রচেষ্টাকে নিরুৎসাহ করা উচিত নয়।'৩৯

বৈরী সমালোচনার বিপক্ষে জনৈক মাধুরী চৌধুরীর সবিনয় নিবেদন, 'বাংলাদেশের অভিজাত মুসলিম ঘরের একটি বধু— শালীনতায়, সঙ্গমে, তেজস্বিতায় যে অতুলনীয়, রবীন্দ্রনাথের গানের অমৃতধারায় যার সমস্ত হৃদয় পরিপূর্ণ, সংস্কারের বন্ধন ও ঐশ্বর্ষে

যে একান্ত বিমুখ সেই “শহূর্-ইয়ার” সৈয়দ সাহেবের “শব্দনমের” চাইতে কোন অংশে কম নয়। সম্পূর্ণ ভিন্ন পটভূমিকায় এই দুই দীপ্তিময়ী নারীর আনাগোনা।...আলী সাহেবের প্রত্যেকটি রচনা প্রত্যেকটি থেকে আলাদা। তাঁর প্রাচ্য-পাশ্চাত্যের, হিন্দু-মুসলিম-খ্রীষ্টীয় ভাবের অপূর্ব সমন্বয় তাঁর রচনাতে প্রতিফলিত। নানা ভাষার ভাঙার থেকে নানা শব্দের মণিমাণিক্য চয়ন করে তিনি আমাদের উপহার দিয়েছেন তাঁর রচনাগুলির ভিতর দিয়ে। “শহূর্-ইয়ার” তাঁর অন্য ধরনের সৃষ্টি। এতে নূতন নূতন শব্দের পরীক্ষা নিরীক্ষা হয়নি। হয়েছে একটি নূতন ভাবধারার। প্রচুর বিলাস বৈভবে পালিতা এবং প্রাচীন আদব-কায়দার বেড়াজালে আবদ্ধ একটি নারী—যার মুক্ত মন চায় সংসার-সীমার বাহিরে কোন আশ্রয়। “শহূর্-ইয়ারের” ভিতর পাই একটি বৈরাগ্যময় হৃদয়—সূর্যমুখীর মতো যে চেয়ে আছে পরম শান্তিময় ঈশ্বরের পদপ্রান্তে। ব্রহ্মবাদিনী মৈত্রেয়ীর মত তাই সে অনন্যা।’৪০

উপন্যাসটির প্রকাশকালে লেখক প্রচুর চিন্তিপত্র পেয়েছেন। তাতে ছিলো উৎসাহ-অভিযোগ-অনুযোগ, উপদেশ-নির্দেশ। অন্যতম অভিযোগ, তাঁর মাত্রাধিক রবীন্দ্রানুগত্য। বাদ্ধিতত্তা সম্বন্ধে পরিহার করাই ছিলো মুজতবা আলীর নীতি। অতি ঘনিষ্ঠ ব্যক্তি বা সুধীজনের পত্রোত্তরে নিজ অভিমত ব্যক্ত করেছেন কালেভদ্রে। এই পর্যন্ত। প্রথম পর্বে * আমরা আলী সাহেবের উদার দৃষ্টিভঙ্গী এবং মিলনমুখী মানবীয়তার সদৃষ্টান্ত পর্যালোচনায় এ’প্রসঙ্গে আলোকপাত করেছি। ‘শহূর্-ইয়ার সম্বন্ধে কিছু কিছু অভিযোগ কিংবা জিজ্ঞাসার উত্তর তিনি শহূর্-ইয়ারের পত্রে তারই জবানীতে দিয়েছেন। কখনো লেখকের অভিমান চরিত্রকে অতিক্রম করে গেছে। যথা নায়িকার উক্তি :

ঐ তো আমার ‘দোষ’। কোনো-কিছু বলতে গেলেই আমার রসনায় এসে আসন নেন রবিঠাকুর, কাগিদাসের রসনায় যে-রকম বীণাপাণি আসন জমিয়ে মধুচকু গড়তেন। আর লোকে ভাবে— হয়তো ঠিক কই ভাবে—আমার নিজস্ব কোনো ভাব-ভাষা নেই, আমি “চিহ্নিতা গর্দভী”---রবিকব্যের গামলার নীলরঙে আমার

ধবলকুষ্ঠের মত সাদা চামড়াটি ছুপিয়ে নিলে নবজলধরশ্যাম কলির মেরি কেণ্ট হয়ে গিয়েছি।^{৪১}

‘শহর-ইয়ার’ প্রসঙ্গে মুজতবা আলী ও বিশিষ্ট সঙ্গীত শিল্পী ও রসবোধী-সাহিত্যিক দিলীপকুমার রায়ের মধ্যে পত্র বিনিময় হয়েছিলো। শহর-ইয়ারের পত্রে তাঁর প্রশ্নের সমাধান পেয়ে ওরায় আলী সাহেবের উদ্দেশ্যে সশ্রদ্ধ কৃতজ্ঞতা জানিয়ে তাঁর সুদীর্ঘ লেখনে উল্লেখ করেন,—

‘আমি আপনাকে বলতে চাইনি যে আপনি রবীন্দ্রনাথের লেখার অনুকারক; বরং রবীন্দ্রনাথ যেখানে হিন্দু বা মুসলমান উভয় সম্প্রদায়কেই যেন অতি অন্তর্পণে আনগোছে এড়িয়ে গিয়ে বিশুদ্ধ, নিরপেক্ষ এক অন্য উদার সমাজ বা সেইরূপ সাহিত্য সৃষ্টি করে আমাদের কাছে দিয়েছেন, সেখানে আপনি হিন্দু মুসলমানের মধ্যে আপনার সুন্দর লেখার মাধ্যমে যে একটি মিলনসেতু বা ঐক্য আনতে সক্ষম, এখানেই আপনার রচনার বৈশিষ্ট্য;... রাজনৈতিক ও ধার্মিক নানা সাম্প্রদায়িক সংগঠন ও শক্তির বিরুদ্ধে সাহিত্যিকের এই প্রয়াস বীরত্বপূর্ণ ও অনেক বাধাবিহীন কাটিয়ে তোলার এক মহৎ ব্রত। আমি আনন্দিত যে, আপনি এ বিষয়ে সফলতা লাভ করেছেন। এ জন্য আপনার সত্যিই উচ্চ পুরস্কার প্রাপ্য। আপনি রাষ্ট্রীয় মর্যাদা পাবার যোগ্য।... আপনি যেন একটু ক্ষুব্ধ হয়েছেন। তাই লিখেছেন “লোকে ভাবে, হয়তো ঠিকই ভাবে, আমার নিজস্ব কোনো ভাব ভাষা নেই” ইত্যাদি। কিন্তু কোনো কিছু নির্বিচারে গ্রহণ করলেই কি তার মূল্য বাড়ে? ... রবীন্দ্রনাথের প্রভাব অনেকের মধ্যেই ব্যাপ্ত। আমি তো হৃদয় খুলেই বলতে চাই আপনার কৃতিত্ব অনন্য। বিশেষ করে রূপ-কথার মতো সামান্য হাতিয়ার সম্বল করে, যেখানে বহু বিরুদ্ধ শক্তি ও সংস্কারের বিরুদ্ধে যুদ্ধে অবতীর্ণ হতে হয়। মহৎ সাহিত্যের ভিতর একটা কল্যাণকারী উদ্দেশ্য থাকে, তা মার্কািস্ট না হলেও বোধ হয় বলা চলে; সেটি হল মানুষের ভালো কিসে হয় তার অনুসন্ধান করা এবং এ বিষয়ে বিজ্ঞানের উদ্দেশ্য ও মহৎ সাহিত্যের উদ্দেশ্য একই।

...কিছুকাল আগে আমার মনে হয়েছিল যে বিজ্ঞানের দ্রুত উন্নতির যুগে শিল্পের যাদু স্তিমিত ও অপ্রয়োজনীয় হয়ে পড়তে পারে। একটি বইতে এই Magical quality-র অভাবজনিত আধুনিক সাহিত্যের

নিষ্ফল বক্ষ্যাত্ত্বের বিষয়ে একটি প্রবন্ধও পড়েছিলাম; তাই, আপনার লেখায় সেই যাদুর স্পর্শ পেয়ে আমি হাট্টচিত্ত হয়ে আপনাকে পত্র লিখেছিলাম। আপনি যে অনেকের প্রীতি ও শ্রদ্ধালাভ করেন, তা আপনার নিজস্ব গুণেই। আমার সেলাম নেবেন।

...নিশ্চয়ই আমরা সবাই রবীন্দ্রনাথের কাছে নানাভাবে ঋণী, তবু ইচ্ছা করে রবীন্দ্রনাথকে নতুন আলোতে আবার দেখতে। আপনার লেখার মধ্যে যে একটি পরিহাসের সুর আছে, লেখাকে উইট-এর মধ্যে দিয়ে উজ্জ্বল শাণিত করে তুলতে যে চেষ্টা, তা বার্নাড শ-এর লেখার মধ্যে পাই। সম্ভবত, সেই সুপারম্যানই আপনার লক্ষ্য।^{৪২}

সৈয়দ মুজতবা আলী চরিত্র সন্ধানও বৈচিত্র্যের পরিচয় দিয়েছেন। তাঁর প্রথম উপন্যাসের নায়ক-নায়িকা যুরোপীয় এবং খৃস্টান, দ্বিতীয় ও তৃতীয়টির মুসলমান এবং চতুর্থটির হিন্দু। শেষোক্ত তিনটি গ্রন্থেই কোন না কোন রূপে 'শেষের কবিতা'র রেশ অনুরণিত। এবং চতুর্থটি মুজতবার সর্বাধিক অনুজ্জ্বল অবদান।

বোলপুর থেকে শেয়ারদা যাবার পথে ট্রেনে মুজতবা-সৃষ্ট অনন্যা নায়িকা শহর-ইয়ারের সঙ্গে তাঁর সাক্ষাতের মধ্য দিয়ে কাহিনীর সূচনা। যেচে নায়িকা শুধু নিজেই লেখকের সঙ্গে পরিচয় করেনি, তার ডাক্তার স্বামী জুলফিকার আলী খানের সঙ্গেও আলাপ করিয়ে দেয়। পরিচয়ের এই সূত্র ধরেই মুজতবার একনিষ্ঠ ভক্ত-পাঠিকা তাঁকে স্বর্গহে আমন্ত্রণ জানায়। বিনা আমন্ত্রণেই স্বামী-স্ত্রী লেখকের শান্তিনিকেতনের নিবাসে উপস্থিত হয়। কখনো শহর-ইয়ার একা। লেখককে সাদরে নিয়ে যায় নিজ বাড়ী। বিলাস প্রাসাদের বাসিন্দা একটিমাত্র দম্পতি। বিদগ্ধা এ নারী অসাধারণ এবং আপন অধিকারবোধ সম্পর্কে সম্পূর্ণ সচেতন। ধর্ম বিষয়েও তার চিন্তাভাবনা অতিশয় স্বচ্ছ। শহর-ইয়ারের স্বামীর আসক্তি 'নমাজ-রোজা আর রিসার্চ'-এ। আর আনুষ্ঠানিক ধর্মকর্ম সম্বন্ধে তার নিজস্ব উক্তি,---'আমার বদ্-নসিব। আল্লা আমাকে সেদিকে মতিগতি দেননি।' লেখকের প্রশ্নে তার প্রতীয় জবাব, 'আমার জীবন-রস রবীন্দ্রসঙ্গীত।' তার বিড়ম্বনা সম্ভবতঃ নিঃসঙ্গতা এবং তথাকথিত আভিজাত্যের ট্রাডিশনে বন্দী জীবন। অকৃত্রিম ভালোবাসা সত্ত্বেও রিসার্চ-অন্তপ্রাণ স্বামী তার অভাব মোচনে সম্পূর্ণ অপারগ। শহর-ইয়ারের

আতিথ্য গ্রহণ করে এ'-দম্পতি ও পরিবার সম্বন্ধে লেখকের প্রত্যক্ষ অভিজ্ঞতায় ধরা পড়ে এঁদের দীর্ঘকালের ঐতিহ্য, নিয়ম-রীতি। ডাক্তার খানকে বিস্ময়চকিত করে লেখক শহর ইয়ারকে নিয়ে তাঁর গবেষণাগারে উপস্থিত হলে ডাক্তার তাঁদের নিয়ে দিল্লীবাসী উর্দু-প্রেমী বন্ধু মনসুর মুহম্মদ এবং বেগম মনসুরের সঙ্গে সৌজন্য সাক্ষাতে মিলিত হয়। মনসুর-শহর-ইয়ারের বাকযুদ্ধের মাধ্যমে সে-সময়ের বহু বিতর্কিত ও বহুল আলোচিত উর্দু-বাঙলা প্রসঙ্গও উঠে পড়ে। শহর-ইয়ারের কণ্ঠে মাতৃভাষা বাঙলা সম্বন্ধে লেখকের অভিমত সুস্পষ্ট অবয়ব পেয়েছে। এবং এ বিতর্কের মধ্য দিয়ে বিদগ্ধা নায়িকার সূতীক্ষ্ম মনন-মানসিকতারও চারু প্রকাশ।

পরবর্তী স্তরে কাহিনীর পট সম্পূর্ণ ভিন্নমুখী। শহর-ইয়ার আমূল পরিবর্তিত। রবীন্দ্রসঙ্গীত এখন আর তার প্রাণে সাড়া জাগায় না। সে 'পীরের' শরণাগতা এবং সেখানেই অতিবাহিত তার অধিকাংশ সময়। গভীর রাতে 'জিকের'---আল্লার এবাদতে থাকে নিমগ্ন। লেখক আবিষ্কার করলেন, পীরটি তাঁরই প্রাচীন দিনের সখা সত্য্য-শ্রেষ্ঠী আমীনুর রশীদ মজুমদার। পীরই জানালেন, শহর-ইয়ার তাঁর কাছে আসে, কিন্তু তার কোন প্রত্যাশা প্রকাশ পায়নি।---এমন কি কোন জিজ্ঞাসাও নয়। ঘটনাচক্রে পীরের মোকামে পূর্ব-পরিচিত ভূত-নাথ খান ও লেখককে শহর-ইয়ারের অন্যতর রূপ---'ব্যক্তিত্ব' শব্দে যার সঠিক সংজ্ঞা নির্দেশিত হয় না---খানের ভাষায় 'অগ্নিশিখা'র পরিচয় তুলে ধরতে চেষ্টা করেছে। এবং শহর-ইয়ারের প্রতি তার আন্তরিক প্রদ্বার উৎসার লক্ষণীয়। অনেকটা যুক্তিতর্ক, কিছুটা নারী-মনস্তত্ত্বের দিকে দৃষ্টি নিবদ্ধ রেখে আলী সাহেব তাঁর নায়িকার মনোজগতের অনালোকিত গলিপথের সন্ধান দানের চেষ্টা করেছেন।

প্রকৃতপক্ষে নায়িকার দীর্ঘ পত্রের মধ্য দিয়েই উপন্যাসটির পরি-সমাপ্তি---অনেকটা 'অবিশ্বাস্য'-র মতোই। নিঃসঙ্গ জীবনের যন্ত্রণা, ট্রাডিশনের কারণে আবদ্ধ শাহর-ইয়ার মুক্তালোককে বিচরণের অদম্য কামনায় মুক্তিসন্ধানী। এমন কি একনিষ্ঠ স্বামী, সংসার ছেড়ে অনির্দেশ্যের উদ্দেশ্যে পাড়ি জমানোর খেয়াল ছিলো। সম্ভবতঃ তার জীবন-যৌবনের চড়ায় ছিলো মাতৃহের বুদ্ধিমত্তায় তৃষ্ণার্ত এক নারী।

সর্বশেষ দৈবদুর্ঘটনা এবং বহুপ্রতীক্ষিত অনাগত সন্তানের পদধ্বনি তার জীবনের দ্বন্দ্ব-সমস্যা নিরসনের ইঙ্গিত নিয়ে এসেছে। অগ্নিকাণ্ডে ট্র্যাডিশনের আখড়া, আভিজাত্যের পাষণ দুর্গ ভঙ্গমীভূত এবং শহর-ইয়ার অন্তঃসত্ত্বা—এই তথ্য জানিয়ে পরিপূর্ণ তৃপ্তির সঙ্গেই ডাঃ জুলফিকার আলী সঙ্গীক সুইডেন যাত্রার সংবাদ লেখকের গোচর করলে আলী সাহেব শহর-ইয়ারকে শুধু শুধিয়েছিলেন, “আবার দেখা হবে তো?” অস্ফুট কণ্ঠের উত্তর, “কী জানি, কী হবে?” কাহিনী মিলনান্তক হলেও নায়িকা রহস্যের আড়ালেই যেন অনেকটা আত্মগোপনের প্রয়াস পেয়েছে এবং আশা-নিরাশার দ্বন্দ্ব উজ্জীবিত রেখেই গ্রন্থের যবনিকা।

‘শহর-ইয়ার’ শুধুমাত্র নায়িকা প্রধানই নয়, প্রকৃতপক্ষে এ’ উপন্যাসে কোন নায়ক চরিত্রের অস্তিত্বই নেই। স্বামী রঙ্গ-মঞ্চ এসেছে ভূত-নাথাদি উটকো চরিত্রের মতোই। আর লেখক শহর-ইয়ারের পরিচয় জ্ঞাপন তথা তার চরিত্রবিশ্লেষণের অবকাশে আপন কথা বলে গেছেন। কিন্তু তাঁর মূল লক্ষ্য ছিলো সমস্যার স্বরূপ উন্মোচন। তাঁরই সহায়তায় আমরা শহর-ইয়ার চরিত্রের স্তরবিন্যাসগুলো হৃদয়ঙ্গম করতে সমর্থন হয়েছি এবং এতোটুকু ভিত্তির ওপর নায়ক চরিত্রের প্রতিষ্ঠা চলে না। তবু কেউ যদি উপন্যাসে উপস্থিত চরিত্রের মধ্য থেকে একজনকে নায়ক হিসেবে দাঁড় করাতে বদ্ধপরিকর হন, তাহলে অবশ্য লেখককেই সেই সম্মান দিতে হয়। “লেখক এই অসামান্য নায়িকার জীবনের চারটি স্তর দেখিয়েছেন। প্রথম স্তরে বাঙালী মুসলমান ঘরের মেয়ে অবরোধ ভেঙে কলেজে লেখাপড়া শিখেছে। দ্বিতীয় স্তরে সু-গৃহিণী, সেবাপরায়ণা সঙ্গিনী, রবীন্দ্র-রসিকা; স্বামী থাকলেও সঙ্গিহীনা। তৃতীয় স্তরে পীরশরণাপ্রিতা। পরিণাত চতুর্থ স্তরে—বিদেশযাত্রিণী অন্তঃসত্ত্বা নারী।”৪৩

শবনমের সঙ্গে লেখকের সাক্ষাৎ পাকেচকে, নির্জনে। আর শহর-ইয়ার মুজতবা আলীকে আবিষ্কার করেছে ট্রেনে, জনতার মধ্যে। একজনের জন্ম প্যারিসে, স্বাধীনতার হাওয়ায় প্রথম নিঃশ্বাস গ্রহণ। পারিবারিক-সামাজিক নিয়মরীতির ঐতিহাসিক বন্ধনে অপরের জীবন সীমাবদ্ধ। দু’জনেই শৈশবে মাতৃহীনা। অবাধ মুক্তির আনন্দে শবনম চঞ্চলা প্রজাপতি, ট্র্যাডিশনের পাষণ নিগড়ে শৃঙ্খলিত শহর-ইয়ার

বন্ধন-মুক্তির প্রত্যাশায় ব্যাকুলা। দেশজ সংস্কৃতি দু'জনেরই রক্তে স্পন্দিত। 'বয়েৎ' শব্দনের জীবন-ছন্দ। শহর-ইয়ারের রসনায় রুবীন্দ্রনাথ। শব্দন 'বন-মল্লিকা: পাপড়ির মত'—পাগমান পাহাড়ের 'ভাজিন 'পো' আর শহর-ইয়ার 'অপূর্ব সুন্দরী' না হলেও 'তার সৌন্দর্যের অপূর্বতা আছে', অনেকটা লেখকের 'মা-বোনদের' মতো। শব্দন কিছুটা অনির্বচনীয় কল্পলোকবাসী, তুলনায় শহর-ইয়ার মাটির কাছাকাছি। দু'জনেই শিক্ষিতা, অসাধারণ বুদ্ধিমতী এবং সংবেদনশীলা। তবে শহর-ইয়ার "গতানুগতিক অর্থে শিক্ষিতা নয়, এ মেয়ে বিদগ্ধা এবং এর কল্পনাশক্তি আছে। দিন-যামিনীর অষ্টপ্রহরের প্রত্যেকটি প্রহর নিঙড়ে নিঙড়ে তার থেকে কি করে আনন্দ-রস বের করতে হয়" সেটা তার অজানা নয়। তার প্রতিটি সংলাপ বিদ্যা-বুদ্ধি ও বৈদগ্ধ্যের স্ফুরণে আলমল। সে নিঃসংশয়, 'বুদ্ধির জিনিস বোঝানো তেমন কিছু কঠিন নয়, কিন্তু অনুভূতির জিনিস অন্যের ভিতর সঞ্চারিত করতে পারে শুধু আর্টিস্ট—সেও বহু সাধনার পর।'^{৪৪}

বাঙলা সাহিত্যের সংবাদ যেমন রাখে তেমনি সামাজিক সমস্যা বিশেষতঃ মুসলমান নারীর দ্বন্দ্ব-সংঘাত-প্রতিবন্ধকতার স্বরূপ সম্বন্ধেও সম্পূর্ণ ওয়াকিফহাল শহর-ইয়ার। আপন জীবনের অভিজ্ঞতা-উপলব্ধি থেকেই সে জেনেছে বাঙালী নারীর সীমাবদ্ধতা। সামাজিক, পারিবারিক ও ধর্মীয় কারণে যে বাঙালী মুসলমান মহিলা প্রতিবেশী হিন্দু মহিলার চেয়ে 'সুপেরিয়র নয়', কিন্তু 'ডিফরেন্ট'—এ'কথাটা সে বোঝাতে চেয়েছে এবং বাহ্যদৃষ্টিতে 'ডিফরেন্ট' ভাবটি দৃষ্টিগ্রাহ্য না হওয়ার কারণ পরাধীনতা। "পরাধীন অবস্থায় মানুষে মানুষে পার্থক্য কমতে থাকে; স্বাধীন অবস্থায় মানুষের ব্যক্তিগত বৈশিষ্ট্য ফুটে বেরোয়। অর্থনৈতিক এবং অন্যান্য নানা কারণে এ দেশের হিন্দু মুসলমান রমণী উভয়েই ছিল স্বাধীনতালুপ্ত হারেমবন্ধ। তাই আপাতদৃষ্টিতে মনে হয় দুই-ই এক।" [শহর-ইয়ার, পৃ. ২৬]। প্রাপ্ত স্বাধীনতায় তাদের চিন্মুক্তি ও পার্থক্যের দৃষ্টান্ত শহর-ইয়ার স্বয়ং। এই রমণী একই সঙ্গে সুগৃহিণী, মমতাময়ী বধু এবং সহাদয় সঙ্গিনী। লেখক এবং নায়িকার অভিন্ন রুচি পরস্পরের নৈকট্য লাভে এবং বিশেষ করে শহর-ইয়ারের চিত্তোন্মেষের সহায়ক হয়েছে। তার নিঃসঙ্গতা ও অনুক্ত বেদনার পরিপাটি রূপটি সার্থকতার সঙ্গে উন্মোচিত। তাঁর

‘আম্মার খাদ্য’ ‘জীবন-রস রবীন্দ্রসঙ্গীত’।—তার “দিল্ তার জান্, তার সবকিছুর এমারত দাঁড়িয়ে আছে...রবীন্দ্রনাথের তিন হাজার গানের তিন হাজার স্তম্ভের উপর।” [শহর-ইয়ার, পৃ. ১৪৭]। নাসিরকার ভাষ্যে—“আমার সুখ-দুঃখের অনুভূতি, আমার মান-অভিমান, বিরহ-মিলনের অশ্রুপাত আনন্দোন্মাদ আমার সর্বপ্রকারে সন্মানভূতি, স্পর্শ-কাতরতা---সব, সব নির্মাণ করেছে, প্রাণবন্ত করেছে রবীন্দ্রনাথের গান;” এবং যে ধর্মসঙ্গীতটি শহর-ইয়ারের “হৃদয়ের ভিতর দূরন্ত তুফান তোলে, সেটি—

মেরে তো গিরিধর গোপাল
দোসরা তো কোঙ্গি নহী রে—

চরম অসহায় অবস্থায় এ-ভজনটি যে আমি কত সহস্রবার কখনো চিৎকার করে এই নির্জন বাড়ীতে গেয়েছি, কখনো গাড়িতে বসে গুন-গুনিয়ে, আর সবচেয়ে বেশী জনসমাজে---বসন্ত সেখানেই আমি সবচেয়ে বেশী একা, বজিতা, অসহায় শক্তিহীনা বলে নিজেকে অনু-ভব করি---নিঃশব্দে শুধু হৃদপিণ্ডের স্পন্দন নিয়ে।” [শহর-ইয়ার, পৃ. ৭০-৭১]।

কেন এই নিঃসঙ্গতা? কিসের অপূর্ণতা? তার বক্তব্যে সমস্যার ইঙ্গিত রয়েছে, রয়েছে বন্ধনমুক্তির আকুলতা। রবীন্দ্রসঙ্গীতের স্মরণে তার উক্তি---“...এ যে ‘বন্ধ ছিলাম অন্ধকূপে’---আমাদের প্রত্যেকের জীবন কি তাই নয়? অন্ধকূপের দেয়ালে জীবনভর করে যাচ্ছি মূর্ছ্যঘাত আর আতর্নাদ”, “ওগো খোলো খোলো, আমাকে আলো-বাতাসে বেরুতে দাও।” সম্মান-সমৃদ্ধি-পরিপূর্ণতার মধ্যেও নিঃসীম গ্ন্যাতায় এ’নারী নিঃশেষিতপ্রায়। অন্তর্জান বেদনায় জীবন দুঃসহ। কিন্তু এটাই তার একমাত্র পরিচয় নয়। তার খজু চরিত্রের ক্ষণপ্রভা বিকীর্ণ দিল্লীওয়াল মনসুর মুহম্মদের সঙ্গে উদ্-বাঙলার বিতর্কে। লেখকের দৃষ্টিতে আমরা তার মাধুর্যময়ী রূপ দেখিছি আর অপরিচিতের দৃষ্টিতে এ’নারী---‘অগ্নিশিখা’, ‘জ্বলন্ত মশাল’! পরবর্তী পর্যায়ে শহর-ইয়ারের যে উত্তরণ, তাকে রূপান্তর না বলে জন্মান্তর বলাই অধিকতর সঙ্গত। পরিচিত ভুবনের গভী ছিন্ন করে পীরশরণা-গতা নোতুন রূপে আবির্ভূতা। নবরূপার রহস্যময়তায় লেখকও

সংশয়পন্ন। তার অন্তর্দহনে যেন বিপ্লবেয় জন্ম। এমনকি রবীন্দ্র-নাথের ধর্মসঙ্গীতও তার 'বুকের ভিতরে কোনো সাড়া' জাগায়নি। যদিও 'খঞ্জনি-হাতে বোম্‌টমি, একতারা-হাতে বাউল, সারেসঙ্গী-হাতে ফকীর' তার বুকে বারংবার আঘাত করে গেছে, আন্দোলিত করেছে হৃদয়মন। এর কারণ শহর-ইয়ার উল্লেখ করেছে---'এদের...সরল, অনাড়ম্বর, সর্ব অলঙ্কারবিবর্জিত ভক্তিগীতি মাঝে মাঝে আমার বুকে সাড়া জাগিয়েছে, এমনকি তুফান তুলেছে,---তার কারণ, অন্ততঃ আমার মনে হয়, এদের অভাবের অন্ত নেই, এরা গরীব-দুঃখী অনাথ-আতুর। খুদাতালা ছাড়া এদের অন্য কোনো গতি নেই। তাই এদের গীতে থাকে আন্তরিকতা, ডীপেস্ট সিনসিয়রিটি। ...সর্ববিধের কবি রবীন্দ্রনাথ তো এই হতভাগাদের একজন নন। তিনি তো অনাথ-আতুর নন। তাঁর ভক্তিগীতিতে ওদের মর্মান্তিক ঐকান্তিকতা সর্বাঙ্গীণ আত্মসমর্পণের সুর বাজবে কি করে?'^{৪৫}

পীর সাহেবের কাছেও শহর-ইয়ার এক বিস্ময়, ব্যতিক্রম। পীরের নিকট তার কোন কাম্য নেই, প্রশ্ন নেই, এমন কি শাস্ত্রালোচনায়ও অনাগ্রহী। আপন মনের অতি সাধারণ প্রশ্ন নিয়ে সে অপেক্ষা করে থাকে। কেউ না কেউ সে-সব প্রশ্ন পীর সাহেবকে জিজ্ঞেস করবেই এবং তখন সে-ও উত্তর পেয়ে যাবে। পীরের অলৌকিক ক্ষমতায়ও সে অন্ধবিশ্বাসী নয়। তারই আগ্রহে ভূতনাথের ঠাকুরমা হিমালয়ে নিরুদ্দিষ্ট ভ্রাতার সন্ধানে আসে পীরের মোকামে। কিন্তু শহর-ইয়ার তাঁকে সুস্পষ্টভাবেই বলেছিলো, "পীর সাহেব আপনার ভাইকে হিমালয় থেকে এখানে উড়িয়ে নিয়ে আসবেন না। কিন্তু আমি আশা রাখি, তিনি আপনাকে কিছুটা মনের শান্তি এনে দিতে পারবেন---আল্লাহ রূপায়।" [শহর-ইয়ার, পৃ. ২১৫]।

বিবিধ সমস্যা, নানা প্রশ্নের মুখোমুখি করে মুজতবা আলী অতি সবলে নির্মাণ করেছেন তাঁর অসাধারণ রহস্যময়ী নায়িকা শহর-ইয়ারকে। অতঃপর নায়িকার সুদীর্ঘ পত্রে তার ব্যক্তিজীবনের ট্রাজেডি, নিঃসঙ্গ বন্দীজীবনালেখ্য উল্লেখ্য। 'শহর-ইয়ার-এর এই বিশ্লেষণমূলক দীর্ঘ-পত্র তার জীবনের টেস্টামেন্ট।'^{৪৬} তাঁর আত্মদহনের মধ্য দিয়ে ঐতিহ্যের সীমানা ভেঙে ঘর-সংসারের গণ্ডী ছেড়ে অনির্দেশ্যের পথেই সে সমাধান খুঁজেছে। তার সমস্যা : 'পুরুষ মানুষ কি কখনো নারীর মন বুঝতে

পারে, চিনতে পারে, হৃদয় দিয়ে অনুভব করতে পারে?’ শহর-ইয়ার নিজেই কি বুঝতে পেরেছে? রবীন্দ্রাশ্রয়ে তাকে পুনরায় উচ্চারণ করতে হয়,—

“যদি জানতেম আমার কিসের ব্যথা
তোমায় জানাতাম।’

... ..

অসঙ্কোচে স্বীকার করছি, আমি এখনো ঠিক ঠিক জানিনে, ‘আমার কিসের ব্যথা’. আমার অভাব কোনখানে, যার ফলে বিলাস--ইবভবের মাঝখানেও যেন কোনো এক অসম্পূর্ণতার নিপীড়ন আমাকে অশান্ত করে তুলেছে।’ [শহর-ইয়ার, পৃ. ২৩৯]।

পত্রটি শহর-ইয়ারের শূন্য জীবনের হাহাঝাড়। স্বামীর সোহাগ-ভালোবাসায় মন তার পরিপূর্ণ। কিন্তু জীবন অপূর্ণ এবং স্বামীকেও পায়নি। সেখানে সপত্নীর মতো অচলান্নতন সৃষ্টি করেছে ডাক্তারের রিসার্চ। শূন্য পুরীতে, শূন্য অঙ্গে রাজপ্রাসাদের যক্ষ্মী কিংবা প্রাণহীন ঐতিহ্যের রক্ষিণীও হতে চায়নি সে। এবং একাকীত্বের এ’ অনুভূতি একদিনের আকস্মিক সৃষ্টি নয়। যদিও দাম্পত্যজীবনের দশ-দশটি বছর কাটিয়ে তাকে লিখতে হয়েছে, ‘প্রিয় সৈয়দ সাহেব, আমাকে দিয়েছে জ্যাস্ত গোর বিরাট ইঁট-সুরকির এই বাড়িতে। বধু হয়ে যে সন্ধ্যায় এ-বাড়িতে প্রথম প্রবেশ করি তখনই আমার শরীরটা কেমন যেন একটা শীতলতার পরশে সিন্ শিন্ করেছিল, ...এরা...সবাই সর্বক্ষণ চিৎকার করে করে আমাকে শোনাচ্ছে, “ট্র্যাডিশন! ট্র্যাডিশন!! ঐতিহ্য! ঐতিহ্য!!” এবং এই ‘ট্র্যাডিশনের’ রূপনির্দেশেও আবার রবীন্দ্রনাথ: ‘...সেই কথিকাটি স্মরণে আনুন; “বুড়ো কর্তার মরণকালে দেশসুদ্ধ সবাই বলে উঠল ‘তুমি গেলে আমাদের কি দশা হবে।’ দেবতা দয়া করে বললেন...“লোকটা ভূত হয়েই এদের ঘাড়ে চেপে থাক-না। মানুষের মৃত্যু আছে, ভূতের তো মৃত্যু নেই।” ...সেই ভূতই হলো ট্র্যাডিশন।’ [শহর-ইয়ার, পৃ. ২৬১]। সম্ভবতঃ এই ভূতের ‘আলিঙ্গন-মুক্ত হওয়ার জন্যেই শহর-ইয়ারের ধর্মাশ্রয় এবং ভবিষ্যৎ সাফল্যে দ্বিধাহীনতা।

পত্রের বিষয়বস্তুর আকস্মিকতায় বিমূঢ় লেখককে সচকিত করে সস্ত্রীক ডাক্তারের আগমন এবং মাত্র তিনটি বাক্যে বিপর্যয়-মুক্তির উচ্ছ্বাস :

“নাম্বার ওয়ান : আমাদের বসতবাড়ি পরশুদিন পুড়ে ছাই।

নাম্বার টু : আমরা আগামী কাল যাচ্ছি সুইডেনে।...’

নান্দার খ্রী: ...শহর-ইয়ার অন্তঃসত্ত্বা।”

[শহর-ইয়ার, পৃ. ২৬৮-৬৯]

দৈবানুগ্রহে ‘কারামুক্ত’ শহর-ইয়ার স্বামী সান্নিধ্যে বিদেশগামিনী। শেষ মুহূর্তটি অনেকটা নিরুত্তাপ, সংশয়ের প্রলেপে উত্তেজনাহীন। “আবার দেখা হবে তো?”---লেখকের জিজ্ঞাসায় চেনা নোক থেকে অচেনালোকে যাত্রার প্রাক্কালের সংশয় নিয়ে শহর-ইয়ারের অক্ষুট কণ্ঠে উচ্চারিত---“কী জানি, কী হবে।”

“জীবন অনন্ত রহস্যময়---কে জানে কী হবে?---‘টেউ ওঠে পড়ে কাঁদার/সম্মুখে ঘন আঁধার/পরে আছে কোন দেশে? /...হাল-ভাঙা পাল-হেঁড়া ব্যথা চলছে নিরুদ্দেশে।/পথের শেষ কোথায়, শেষ কোথায়, কী আছে শেষে।’ উপন্যাসের নায়িকার জীবনের রবীন্দ্রসঙ্গীতের এতো সার্থক ব্যবহার আমার জানা নেই।”৪৬ ---আমাদেরও!

ধর্মভীরু ডাক্তার জুলফিকার সজ্জন, প্রেমিক এবং রিসার্চ-অন্তপ্রাণ। শহর-ইয়ারের ভাষ্যে ‘দুটি মাত্র ধাতু দিয়ে ...তঁার জীবন-গড়া। নামাজ-বোজা আর রিসার্চ।’ এবং ডাক্তারকে কাজের নেশা থেকে বিচ্ছিন্ন করা তারও সাধ্যাতীত। লেখকের দৃষ্টিতে ডাক্তারের জীবনের নামান্তর ‘শহর-ইয়ার আর তার রিসার্চ।’ কিন্তু উপন্যাসে চরিত্রটি সম্পূর্ণ নিষ্ক্রিয়। তার চরিত্রের প্রকাশ প্রধানতঃ নায়িকার জবানবীতে তার স্বমুখে শুধু শুনেছি, মাত্র ছ’ বছর বয়সে সকলকে হারিয়ে প্রাসাদোপম দিশাল বাড়ীতে নায়েবের তত্ত্বাবধানে এবং তাঁরই বিধবা পুত্র-বধূর স্নেহ-বাৎসল্যে তার জীবন গড়ে উঠেছে। মাতৃসমা রদ্ধার অস্তিম কামনার প্রতি সম্মান জানাতে গিয়ে তারই নির্বাচিতা পাত্রী শহর-ইয়ারকে বধু হিসেবে বরণ করেছে। ডাক্তার কর্মকীট হলেও একেবারে গুরুকণ্ঠবৎ নয়। হঠাৎ আলোর বলকানির মতো একবার তার রসিকতা ও বাকচাতুর্যের বিষ্ফুরণ ঘটেছে। স্ত্রী-প্রসঙ্গে তার সন্মাজ উক্তি:

একেই তো বাপের বাড়ী থেকে নিয়ে এসেছিলেন একখানা উয়েল লুব্রিকেটেড রসনা---ডাক্তার হিসেবে নিতান্ত হিউমেন এনাটমি জানি বলে একখানা রসনাই বললুম, ইতার জন

বলবে শতাধিক----তদুপরি আপনার সঙ্গে পরিচয়ের খুশ্-
কিস্মৎ নেক্-নসীব হওয়ার পর থেকে তার উপর ভর
করেছে একটা আস্ত সাহিত্যিক জলজ্যাত্তো মামদো! আপনার
সাহিত্যিক গুণটা পেলেও না হয় সেটা সয়ে নিতুম। তা নয়।
রামকে না পেয়ে পেয়েছে তার খড়ম। এখন আমার ব্রহ্মতালুর
উপর শুকনো সুপুри রেখে অষ্টপ্রহর দমাদম পিটুনি---
সেই আপনি রামচন্দ্রজী, আপনার খড়ম যে বরায়ে মেহেরবানী
এনাম দিয়েছিলেন তাই দিয়ে।'৪৭

অতি শৈশব থেকেই ডাক্তার নির্জন পুরীতে একগকী বেড়ে উঠেছে।
তদুপরি আপন প্রকৃতি তাকে নিমগ্ন রেখেছে কর্মক্ষেত্রে। ফলে স্ত্রীর
নিঃসঙ্গতা, অপূর্ণতার প্রতি তার দৃষ্টি আকৃষ্ট হয়নি। পণ্ডিত লেওনে
কাএতানির দৃষ্টান্ত দিয়ে লেখক সেদিকে অঙ্গুলি সংকেতও করে-
ছিলেন। তারপর পীরের শরণাপ্রিতা শহর-ইয়ার সমস্ত দৈন্য, রিত্ততা
নিম্নে নোতুন করে তার জীবনে যেন নবজন্ম গ্রহণ করলো এবং
অগ্নিদেবের আশীর্বাদে ট্র্যাডিশনের বহুৎসবের মধ্য দিয়ে নবজীবনের
আহ্বানে তারা বহিমুখী। কাহিনীর পরিণতিতে ডাক্তারের ভূমিকা
প্রায় নাস্তি।

সত্যানুেষী, সদাচারী পীর আমীনুর রশীদ মজুমদার সূচিত্রিত।
মিরাক্‌ল বা ভেদিকবাজিতে তিনিও অস্বাহীন। অন্তহীন সমস্যা নিয়ে
মানুষ আসে। পরম নির্ভরে তাকায় তাঁর পানে। আর প্রত্যাশ্যাতে
কতোই না বৈচিত্র্য! সিদ্ধপুরুষ কবীর--ভক্তদের প্রসঙ্গে পীর সাহেব
রবীন্দ্রনাথ উদ্ধৃত করেন:

কেহ কহে, 'মোর রোগ দূর করি মন্ত্রপড়িয়া দেহো',
সন্তান লাগি করে কাঁদাকাটি বক্ষ্যা রমণী কেহ।
কেহ বলে 'তব দৈব ক্ষমতা চক্ষে দেখাও মোরে',
কেহ কয় 'ভবে আছেন বিধাতা বুঝাও প্রমাণ করে'।

এতো সাধারণ অসহায় এবং জিজ্ঞাসু মানুষের আকুলি-ধিকুলি কিংবা
সংশয় আপনোদনের বগমনা! আর পীরের দৈবশক্তিতে বিশ্বাসী মানুষের
'সম্ভব অসম্ভব সব অভিলাষই' গুণতে হয় তাঁকে। সমাগত লোক-
জনের প্রার্থনায় শ্রেণীবিশেষের চরিত্র-বৈশিষ্ট্য যথেষ্ট কৌতুককর:

বিশ্বাস করবেন কি, সৈয়দ সাহেব, জাল দর্শনপত্র তৈরী করে, ভেজাল মোকদ্দমা রুজু করে আমার কাছে শ্বেচ্ছায় অকপটে সেই কপটতা কবুল করে অনুরোধ জানায় আমি যদি তার জন্য সামান্য একটু দোওয়া করি তবে সে মোকদ্দমাটা জিতে যায়! ৪৮

সৈয়দ মুজতবা আলী 'শহর-ইয়ার' উপন্যাসে নানাভাবে নিজেকে প্রকাশ করেছেন। লেখক এবং নায়িকা--উভয়ের অনুভূতির মধ্যে প্রকৃতপক্ষে আলী সাহেবই উপস্থিত। দু'জনের চিন্তাচেতনার সংমিশ্রণে পরিপূর্ণ মুজতবারই অখণ্ড প্রতিফলন। মুজতবা-চেতন্যে মাতৃভাষা ও সাহিত্যপ্রীতি এবং দেশজ সংস্কৃতি-ঐতিহ্যের প্রভাব উপন্যাসটিতে চমৎকার রূপ পরিগ্রহ করেছে। রবীন্দ্রসঙ্গীত অপার শান্তি-পারাবাস্য হলেও তাঁর "অনুভূতির জগৎ নিমিত হয়েছে অন্য বস্তু দিয়ে।... বৈষ্ণব পদাবলী থেকে।" চণ্ডী দাসাদির সঙ্গে পরিচয়ের পর রাতের পর রাত 'পদাবলী রস আকর্ষণ' পান করেছেন। অতীতের স্মরণে তাঁর "গভীরতম শোক, দুনিবার হাহাকার--যার কোনো সাধনা নেই যে সমস্ত রাত ধরে কীর্তন গান গাওয়ার প্রথা প্রায় সম্পূর্ণ লোপ পেয়েছে।... এটেই ছিল বাঙলার সর্বাপেক্ষা মূল্যবান ঐতিহ্যগত সম্পদ...।" [শহর-ইয়ার, পৃ. ১১১]।

বাঙলার প্রকৃতি এবং তার অমূল্য অবদানে লেখকমানস সমৃদ্ধ। অতি শৈশবে শ্রুত ভাটিয়ালির সুরে তিনি আজীবন মোহাম্বল। স্বপ্নের মতো দূর অতীত থেকে তার ভাসমান রেশ "-- দেখা হইল না রে শ্যাম,/ আমার এই নতুনি বয়সের কালে--" এখনো তাঁকে শৈশবের কোঠায় আকর্ষণ করে। এ-থেকে মুক্তি ছিলো না আলী সাহেবের।--"আমি পানির দেশের লোক, চতুর্দিকে জল আর জল! ...ভোরে, সন্ধ্যায়, রাত্রি দ্বিপ্রহরের অনেক পরেও ভাটিয়ালি গীত। নিশ্চয়ই প্রথম শুনেছি মায়ের কোলে শুয়ে শুয়ে। সামান্যতম বোধশক্তি হওয়ার পর থেকেই শুনেছি কান পেতে এবং অতি শীঘ্রই সেটা আমার রক্তের সঙ্গে মিশে যায়, যে রকম আমার দেশের দানাপানি আমার রক্তের সঙ্গে মিশে আছে।" ৪৯

উপন্যাসটিকে আলী সাহেবের ব্যক্তিজীবনের দর্পণ হিসেবেও চিহ্নিত করা যেতে পারে। তিনি ডায়েরি রচনা করেননি, কিন্তু ব্যক্তিগত কিছু

তথ্য এতে লিপিবদ্ধ। তাঁর নিরলস অধ্যয়ন এবং গভীরতম জ্ঞানের সংবাদ আমরা জেনেছি। এ'পুস্তকে তিনি উল্লেখ করেছেন 'জাগ্রত অবস্থায় কিছু একটা না পড়ে' তিনি থাকতে পারেন না। বস্তুতঃ পড়াটাই হচ্ছে তাঁর 'নেশা'। এই নেশার সুফল থেকে তিনি আমাদেরও বঞ্চিত করেননি। অধীত বিষয়লব্ধ প্রজ্ঞা দান করেছেন অকৃপণ উদারতায়। হাল্কা হাওয়ার দোলায় নিয়ে গেছেন বিষয় থেকে বিষয়া-ন্তরে। বঙ্গ-নারীর সামাজিক মর্যাদা থেকে পদাবলীর রাস্বাদন ও সূফীতত্ত্বের গভীরতায় অবগাহন করে নারী-মনস্তত্ত্ব বিশ্লেষণে কাএতানি— প্রসঙ্গের অবতরণা করেন। উপন্যাস-কাহিনীর সঙ্গে অসম্পৃক্ত হলেও বিশ্ববিশ্রুত ইতালিয়ান পণ্ডিত লেওনে কাএতানি উপাখ্যানের সার্থক ব্যবহার মুজতবা আলীর অসাধারণ গল্পবয়ন দক্ষতায়ই পরিচায়ক। এবং প্রথম সুযোগেই তিনি তাঁর লব্ধ জ্ঞান অন্যের মধ্যে অনায়াসে সঞ্চারিত করেছেন। ভূতনাথ খানের মুখে শহর-ইয়ারের নাম শুনে লেখক 'স্তম্ভিত'। এই অবকাশে তাঁর মনে পড়ে,——“একদা নগরের একাংশ সহস্র স্তম্ভের ('খাম্বা'র) উপর নির্মিত হয়েছিল বলে অদ্যকার ক্যাম্পে বন্দরকে গুজরাতিতে 'খাম্বাৎ' বলা হয়, প্রাচীন যুগে 'স্তম্ভপুরী' বলা হতো। দিল্লীবাসীর কাছে এ-শব্দতত্ত্ব ফজুল। সেখানকার চৌ-ষট্টিটি স্তম্ভের উপর খাড়া বলে আকবর বাদশার দুধবাপ আজীজ কোকলতাসের কবরকে 'চৌসট খাম্বা' বলা হয়।” [শহর-ইয়ার, পৃ. ২০৬]।

কখনো বা স্মৃতিসমুদ্রে ডুব দিয়ে মুক্তামালা তুলে আনেন। স্মৃতি-চারণাও সুখকর। কিন্তু পাঠক কি তা' বরদাস্ত করতে প্রস্তুত? তাই কৈফিয়তের সুরেই তাঁকে বলতে হয়:

কোথা থেকে কোথা এসে পড়লুম। কিন্তু এসব প্রাচীন দিনের কাহিনী বলার লোভ সহরণ করা বড় কষ্টিন। অনেকে আবার শুনতে চায় যে।^{৫০}

আচমকা একটা প্রশ্ন জাগে মনে, লেখকের সঙ্গে শহর-ইয়ারের সম্পর্ক কি? উত্তরে মুজতবা লিখেছেন, 'আমার বোনের চেয়েও বোন, প্রিয়ান চেয়েও প্রিয়া।' [শহর-ইয়ার, পৃ. ১৪৭]। ব্যস! থাকীটুকু সন্ধানের দায়-দায়িত্ব একান্তভাবে পাঠকেরই। আমরা শুধু লক্ষ্য করেছি আলী সাহেব কী সময়ে, কতোটা সংযম ও সতর্কতা অবলম্বনে

মনস্তত্ত্ব ও কল্পনার পয়গ মিশ্রণে তাঁর একমাত্র বাঙালী মুসলমান নায়িকাকে কল্পনোক থেকে বস্তুনোকে প্রতিষ্ঠিত করেছেন। একটি দৃষ্টিপীড়ক অসঙ্গতি উল্লেখ্য। শহর-ইয়ার বুদ্ধিমতী, তার জ্ঞান বহু-গামী।—যে জানে আরবী ভাষা হিব্রুর মত সেমোটিক; উর্দু বাঙলায়ই মত আর্য-গোল্ঠির ভাষা। ‘বকসওলা সাহেব’ সম্বন্ধেও অজ্ঞ নয়—পশ্চিম জার্মানীর পত্রিকার জন্যে যে লেখা তৈরী করে—‘টাকাহড়ি বাবদে’ যত বড় ‘অনভিজ’-ই হোক না কেন ‘চোরকে উল্টো পিঠে সহ’-এর মর্মানঘাটনে এ’ ছেন চৌকশ মহিলার অপারগতা বিস্ময়কর বৈকি! অসঙ্গতির প্রণে এসে যায় আরেকটি প্রসঙ্গ। পঞ্চদশ অধ্যায়ের শেষাংশে বর্ণিত বীরের ‘জমাকৃত ঘৃত প্রসঙ্গ’ অহেতুক অকারণে পুনরাবৃত্ত ষোড়শ অধ্যায়ের প্রথমাংশে।

মুক্তবা আলীর রচনার বিশেষ আকর্ষণ ‘রসিকতায়’ ‘শহর-ইয়ার’ও দীন নয়। যেমন—

ক. প্রসঙ্গ : চোর

“এ চোরটা একেবারেই রামছাগল। দু’দুটো আলসেশিয়ান আমার বাড়িতে। এ দেশটাই মোস্ট ইনকমপিটেন্ট, চোরগুলো পর্যন্ত নিষ্কর্মা—দিনের বেলা একটু খবরাখবর নিলেই তো বুঝতে পারতো ভদ্র চোরের পক্ষেই এ বাড়ি ভাদ্রবধু।” [পৃ. ৩১]।

খ. প্রসঙ্গ : যুধিষ্ঠিরের স্বর্গারোহণ।

“যুধিষ্ঠির ফরিয়াদ করে বলছেন, ‘এ কুত্তাটা আমার সঙ্গে সঙ্গে এত দীর্ঘদিন ধরে এসেছে। একে এখানে ছেড়ে গেলে আমার পক্ষে বড় নিষ্ঠুর আচরণ হবে।’

সরল ইন্দ্র মনে মনে ভাবলেন, এতো মহা ফ্যাসাদ। এই যুধিষ্ঠিরটা তো আপন স্বার্থ কখনো বোঝেনি, এখনও কি আপন কল্যাণ বোঝে না? ...বললেন, ‘ধর্মরাজ, ...এসব বিদঘুটে বলনাক্ষা করো না। আমার এই অতি পুত্র, হেভেনলি বেহেশতের রথে ঐ নেড়ি, ঘেয়ো অতিশয় অপবিত্র কুকুর—আর হাইড্রফবিয়া থাকাও কিছুমাত্র বিচিত্র নয়—কি করে ঢুকতে পারে?’ [পৃ. ২৩৫]।

গ. প্রসঙ্গ : মুজতবা আলীর ঘুমকাতুরে অঙ্গস কুকুর।

‘সে [কুকুর] তার আচার-আচরণে অনুকরণ করে আমাকে। আমি নীরব থাকলে সেও নিশ্চুপ। আমিও তাকে অনুকরণ করার চেষ্টা করি—সর্বোপরি তার ধৈর্য আর সহিষ্ণুতা। কিন্তু এ-শীলে সে আমাকে রোজই হার মানায়।’ [পৃ. ২১৬]।

ঘ. প্রসঙ্গ : পুরুষের মুখতা।

‘আজো যদি ইউনাইটেড নেশন্স থেকে সব কটা পুরুষকে খোঁটিয়ে বের করে দিলে নারী সমাজকে প্রতিষ্ঠিত করা হয়, তবে তারা ন’মাস দশদিনের ভিতর মার্কিন-রুশ-মৈত্রী প্রসব করবে।’ [পৃ. ২৪৬-৪৭]।

০৫. মুজতবা আলীর সর্বশেষ উপন্যাস ‘তুলনানীয়া’—লেখকের মৃত্যুর পর প্রকাশিত। গ্রন্থটির সর্বান্তে পরিমার্জনার অভাব পরিস্ফুট। নায়িকা শিপ্রা রায় অতুলনানীয়া—যদিও শব্দনাম কিংবা শব্দ-ইয়ারের বিদগ্ধতা তার নেই। অবশ্য তাদের তুলনামূলক আলোচনায় পারিবারিক, পারিপাশ্বিক ও ঐতিহাসিক পটভূমির কথাও সমরণে রাখতে হবে। বিশেষ করে শব্দ-ইয়ার ও শিপ্রা উভয়েই শিক্ষিতা, স্বাধীনচেতা এবং মুক্তমনা হলেও তাদের ঐতিহ্য সম্পূর্ণ বিপরীতমুখী। মুজতবার শেষোক্ত নায়িকানায়ের জীবনে পিতৃপ্রভাব ব্যাপক। শব্দনাম ও শব্দ-ইয়ার বাল্যে মাতৃহীনা, জনকের স্নেহ ও সতর্ক দৃষ্টিতে বঞ্চিত। শিপ্রার মাতা অনুল্লিখিতা—পিতা তার দীক্ষাগুরুও বটে। প্রাচীন মূল্যবোধের বর্মে শব্দনাম-ইয়ার সুরক্ষিতা। শিপ্রাকে পিতা গড়ে তুলেছিলেন বিশেষ সোসাইটির—যে সোসাইটি আমাদের দেশে সুস্থ দৃষ্টিতে সমালোচিত—কালোপযোগী করে। প্রথম গ্রন্থটির মতো সর্বশেষ পুস্তকের নামচয়নেও আলী সাহেব গুরুমুখাপেক্ষী। যার সন্ধান গুরুদেব গিয়েছিলেন “সাতসমুদ্র পেরিয়ে” এবং অতঃপর—

‘সুনীল সাগরের শ্যামল কিনারে
দেখেছি পথে যেতে তুলনানীয়ারে।’

ভাগ্যবান মুজতবা তারই সন্ধান পেয়েছেন দোরের কাছে বাঙলাদেশে।
এবং এ’গ্রন্থেও রবীন্দ্রনাথ সর্বত্রগামী।

নায়িকা শিপ্রা যথার্থ অর্থেই 'তুলনাহীনা'। ভালোবাসার পাত্রকে আচমকা মনের কথা নিবেদনে কোন রকম জড়তা বা কুণ্ডা নেই তার। প্রতি পদেই নামের সার্থকতা প্রতিপন্ন, "শিপ্রা...সত্যি শিপ্রা— শব্দটি এসেছে ক্ষিপ্রা থেকে, অর্থাৎ যে দ্রুতগতিতে চলে।" বহুদিন প্যারিসে প্রবাসজীবন অতিবাহিত এবং সর্বশিক্ষার গুরু স্বয়ং পিতৃদেব। আত্মনির্ভরতার নিরঙ্কুশ প্রত্যয় তাঁরই নিকট থেকে লাভ করেছে। 'সোসাইটি গার্ল' হলেও নিঃসঙ্গতায় মাঝে-মাঝে সেও বিষণ্ণ। আপন শিক্ষা-দীক্ষা, রুচি-সংস্কৃতি মেনেই সে নিজেকে তৈরি করেছে। আর পিতৃবন্ধু বৃদ্ধ ফরাসী জেনারেলের উপলব্ধ সত্য তাঁরও জীবন-বেদ—'সবচেয়ে মূল্যবান ধন মানুষের মনুষ্যত্ব। ...সেটাতে মানুষ পৌঁছয় দেশাত্মবোধ, ন্যাশনালিজম, পেট্রিয়টিজমের ভিতর দিয়ে এবং তার দৃঢ়ভূমি—...স্বাধীনতা, স্বাধীনতা, স্বাধীনতা চিরদিনের।' শিপ্রার ভালোবাসার ধন কীতিনাশ চোধুরী এবং তার ভালোবাসা শব্দমেরই মতো—নিঃশর্ত, সমুদ্রের মতো অতলান্ত। সরলচিত্ত নায়ক রবীন্দ্রকব্যের নির্ভাবান পার্শ্বক এবং তার "রবীন্দ্রসঙ্গীতের কালেকশন...যা আছে সেটা রীতিমত ধিরল।"

১৯৭১-এর বাঙলাদেশের স্বাধীনতা আন্দোলনের পটভূমিতে 'তুলনা-হানা'র জন্ম। তৎকালীন পূর্ব পাকিস্তানের রাজনৈতিক অনিশ্চয়তা ও অরাজকতা সহোদর পশ্চিম বঙ্গের জনচিত্তেও তুলেছিলো প্রচণ্ড আলোড়ন। কীতি-খান-জিমি-বেয়াল্লিচের পূর্ব পাকিস্তানীদের জন্যে আন্তরিক সহানুভূতি ও সমর্থনের বিপরীতে মির্জা এবং তার বন্ধু পাকিস্তানী চর লারীর ভূমিকা সঙ্কীর্ণ। অপর বাঙলায় ধুমাম্বমান অবস্থায় খান, কীতি ও শিপ্রার আগরতলা যাত্রা। এবং ইতিমধ্যে পাকিস্তানী সেনার অত্যাচারে পূর্ব পাকিস্তান থেকে সীমান্ত অতিক্রমণের পালাও শুরু হয়েছে। এদেরই একজন হাজী সাহেবের নিকট থেকে মোটামুটি একটা ধারণা নেয়ার চেষ্টা করে শিপ্রা।

হাজী সাহেবের সঙ্গে সীমান্ত এলাকা পরিদর্শনে গিয়ে বিচিত্র অনুভূতি নিয়ে ফিরে এলো কীতি। যে-ইপশাচিক তাণ্ডবের আশঙ্কা করছিলো, পূর্ব বঙলার বুকে তার কাঁপন নগ্ন—জোর খাঙ্কা লেগেছে ইতিমধ্যেই। রাজশাহী থেকে আগত মুক্তিসেনার কাছে শুনেছে পাক-বাহিনীর বহু বর্বরোচিত রোমহর্ষক কাহিনী। যে-কোন মুহূর্তে পূজীভূত ধুম্র

থেকে প্রজ্বলিত বহির লেলিহান শিখা পূর্ব বাঙলা অতিক্রম করে আগরতলাকেও গ্রাস করতে পারে। তাই কীর্তির অনুরোধে শিপ্রা শিলঙে এসে তার জন্যে অপেক্ষা করে। স্বল্পবাক নিবিরোধী কীর্তির মধ্যে দেখা দেয় আমূল পরিবর্তন। আজ যদি অকারণে পূর্ব বাঙলার বৃকে ধ্বংসযজ্ঞের সূচনা হয়, তাহলে মমজ পশ্চিম বঙ্গ কি শুধু নির্বাক দর্শকের ভূমিকায় নিষ্ক্রিয় থেকে ভ্রাতৃহনন প্রত্যক্ষ করবে? শিলচর-করিমগঞ্জ সফর করে অশান্ত কীর্তি ও খান ফিরে এলো শিলঙে। ওদিকে পূর্ব বাঙলায় বাঙালী নিধন চলছে পুরোমাত্রায়। সশস্ত্র-নিরস্ত্র সম্মিলিত বাঙালী রুখে দাঁড়িয়েছে মানবতার শত্রুর বিপক্ষে—স্বাধীনতার লক্ষ্যে। ভীরু অবশতার নির্মোক-মুক্ত কীর্তিও প্রস্তুত। কালের আহ্বান উপেক্ষা করে কোন জন? সিলেট থেকে বাল্যসখী বিলকিসের পত্রে বাঙলাদেশের মারণযজ্ঞের চিত্র পেয়ে শিপ্রা চঞ্চলা। কীর্তিও দৃঢ়প্রতিজ্ঞ। সীমিত সামর্থ্য নিয়েই দাঁড়াতে হবে ওপারের নিপীড়িত ভাইদের পাশে। পীড়িতের আর্তনাদকাতর ব্যাকুল-তায় বিমূঢ় কীর্তিকে শিপ্রার প্রেমই যেন সঠিক পথের সন্ধান দিয়েছে, ‘অপদার্থকে’ দিয়েছে জীবনের দিশা। কীর্তির নিরীহকণ্ঠে বজ্রনির্ঘোষ, ধ্বনিত অভয় বাণী—‘ভাই আমরা আছি’। দুঃসময়ের মুখামুখি শক্তি-রূপিনী শিপ্রা স্বয়ং তার প্রেরণাদাতৃ—“তুমি যাবে পূর্ব দিকে, ছায়ার মত তোমার পিছনে ‘আমি আছি’।”

স্বাধীন বাঙলাদেশের অবশ্যস্তাবী অভ্যুদয় এবং নায়ক-নায়িকার রোমান্টিক প্রণয়ের ‘সুখদ পরিণামের ইঞ্জিতের’ মধ্য দিয়ে কাহিনীর সমাপ্তি। মানব জীবনের অপূর্ণতা-বেদনার প্রসঙ্গ এলেও উপন্যাসটি কোনক্রমেই অন্তহীন নৈরাশ্যের আলোচ্য নয়। প্রত্যাশা মানুষকে জীইয়ে রাখে এবং তারই প্রতিবিশ্ব মুজতবা আলীর উপন্যাস—একমাত্র ব্যতিক্রম ‘অবিশ্বাস’।

সম্ভাব্য যুদ্ধের পেঙ্কাপটে অশনি-সংকেতের মুখে কাহিনী গতি পেয়েছে, বিকশিত নায়ক-নায়িকার হৃদকমল। পূর্বরাগের সবিস্তর ব্যাখ্যান মুজতবা আলীর কোন উপন্যাসেই নেই। পরিপূর্ণ প্রণয়ের মধ্যে এক বাটুকায় নায়ক-নায়িকাদের পাঠকের দরবারে উপস্থিত করেন এবং দ্বন্দ্ব-দহন, প্রত্যয়-প্রত্যাশা ও রোমান্টিকতার স্তরবিন্যাসের মধ্য দিয়ে তাদের মৃতিমান করে তোলেন। আলোচ্য পুস্তকটিও ব্যতিক্রম

নয়। “তুলনাহীনা” প্রেমের উপন্যাস। রবীন্দ্র-নিষ্ফাত লেখকের কল্পনে সৃষ্ট উপন্যাস পড়তে পড়তে মনে পড়ে যায় ‘শেষের কবিতা’ উপন্যাসের কথা। কেবল রঙ্গস্থলের আকস্মিক সাদৃশ্য দেখে একথা লিখছিলেন, প্রেমালাপনেও বন্যা-মিতার (লাবণ্য-অমিত রায়) কথা মনে পড়ে যায়।... শিপ্রা কীর্তিকে সেই অধরা প্রেমের বাঁধনে বাঁধতে চেয়েছে যে বাঁধনে অমিত রায় বাঁধতে চেয়েছিলেন লাবণ্যকে। তফাৎ এইখানে, লাবণ্য অমিতের প্রেমে শেষ ভরসা রাখেনি, কীর্তি শিপ্রার প্রেমে তা রাখতে চেয়েছে।”৫১

একটি উপন্যাস অপর উপন্যাসের প্রতিভাস আনতে পারে এবং ‘শেষের কবিতা’র রোমাণ্টিকতা ‘তুলনাহীনা’-তেও অনুভূত। কিন্তু উভয় গ্রন্থের কুশীলবরা সম্পূর্ণ ভিন্ন জগতের। চিন্তাচেতনায় তাদের অবস্থান বিপরীত মেরুতে। বিশেষ করে লাবণ্য-অমিতের বৈদগ্ধ্য ও সঙ্গমবোধ সম্পূর্ণ অনুপস্থিত শিপ্রা-কীর্তির মধ্যে। লাবণ্য-অমিত অনেকটা অন্তর্মুখী, অত্যধিক আত্মসচেতন এবং কল্পনা ও সুকুমার-রতির চর্চায় তাদের স্ফূর্তি ও ব্যক্তিত্বের স্ফূরণ। পক্ষান্তরে শিপ্রা-কীর্তির প্রবণতা বহিমুখী এবং ব্যক্তিত্বের অবশিষ্টাংশ শিপ্রার মধ্যে দৃষ্ট হলেও নাগ্নিকার করুণাপ্রাপ্ত কীর্তি একেবারেই বিবর্ণ। একটি সাময়িক উত্তেজনায় তার সুপ্তচেতনা ক্ষণতরে উদ্ভাসিত মাত্র। রবীন্দ্রমানসের সূচিন্মাত সংস্কৃতির স্নিগ্ধ প্রলেপে অমিত-লাবণ্য মাধুর্য-মণ্ডিত, বোহেমিয়ান মুজতবার শিপ্রা-কীর্তি বিশেষ সমাজের ‘সুরা ও সাকী কালচারের’ প্রতিভূ। ভাষার সাদৃশ্য কিংবা নৈকট্য রোমাণ্টিকতার ফলমাত্র। সুতরাং ‘শেষের কবিতা’ ও ‘তুলনাহীনা’র তুলনা নিঃপ্রয়োজন, নিঃফল।

বঙ্গবিশ্তির বিষক্রিয়া এবং অঙ্গচ্ছেদের বেদনায় বাঙালী এখনো মোহ্যমান। এই অভিশাপের মর্মজালা আজীবন ভোগ করেছেন সৈয়দ মুজতবা আলী। কৃত্রিম বিভাজনই একদিন সূর্যের বাস্তবতা নিয়ে দেখা দিলো। ফলে বহু পরিবার, আত্মজন বিচ্ছিন্ন হয়ে পড়লো পরস্পরের নিকট থেকে। অবশতার প্রাথমিক যোর কেটে গেলে অনুভূত হলো বিভিন্ন অঙ্গ-প্রত্যঙ্গের দুঃসহ যন্ত্রণা—অনেকটা বিলম্বে। ততক্ষণে খাড়া হয়ে গেছে বিচ্ছেদের প্রাচীর। কিন্তু অনুভূতির মুক্তাবশেষে তা’ কখনো অচলায়তন সৃষ্টি করতে পারেনি। সুখে-দুঃখে মনুষ্যত্বের সেতুবন্ধনে

তার অচ্ছেদ্য। ১৯৭১-এ পূর্ব বাঙলার দুঃসময়ে স্বতঃস্ফূর্ত সক্রিয় সমর্থন-সহানুভূতির হস্ত প্রসারিত হয়েছে। পশ্চিমাঞ্চল থেকে। তারই অনুভূতি ‘তুলনাহীনা’। এবং নায়কের কণ্ঠে যেন শাস্বত বাঙালীর— চিরন্তন বাঙলার কণ্ঠ বাঙময়:

পূর্ব বাঙলার পাশে গিয়ে পশ্চিম বাঙলার দাঁড়ানোটা আমার কাছে এতই স্বতঃসিদ্ধ যে নিজের জন্য আমি কোনো যুক্তি, ঐতিহাসিক নজীর বা আন্তর্জাতিক আইনকানুনের সমর্থন খুঁজিনি।’ [তুলনাহীনা, (১ম প্রকাশ), পৃ. ২২৬]।

প্রচণ্ড ভুক্তম্পে কৃত্রিম বিভেদের পাঁচিলটা সত্যের মুখে হামড়ি খেয়ে পড়ে ক্ষণিকের জন্যে:—“শক্তিশালী হামেশাই দুর্বলকে পরাজিত করে।

কিন্তু তার পর যদি বাঙালীরা পাঞ্জাবীর দাসত্ব স্বীকার করে নেয় তবে সেখানে বাঙালের লজ্জা। তুই আমি বাঙালী—আমাদেরও লজ্জা।” [তুলনাহীনা, (১ম প্রকাশ), পৃ. ৬৯]।

সুদিন চৌধুরীর দৃষ্টিতে শিপ্রা রায় ‘আস্ত একটা ভলকানো’ এবং সৃষ্টিমুহূর্তে বিধাতা তার মধ্যে যে প্রচুর পরিমাণে ‘তেজ’ চলেছেন তাতে সন্দেহ নেই। দেশের সঙ্গে ‘কুণ্ডাহীন হাদ্যতা’ এবং বিচিত্র বর্ণাচ্য অভিজ্ঞতা’র সংমিশ্রণে গড়ে উঠেছে ‘তার জীবনদর্শন’। প্যারিসের অতি মুক্ত পরিবেশে কেটেছে কিছুদিন। পিতা দিয়েছিলেন পরিপূর্ণ স্বাধীনতা। ‘পবিত্র শাস্ত্রীয়, আচারসম্মত এ ধরনের শব্দ তার অভিধানে ছিল না, কারণ তার পিতাই স্বহস্তে সেগুলো ধুয়ে মুছে সাফ করে দিয়েছিলেন।’^{৫২} পিতা তার দীক্ষাগুরুও বটে। বিদ্যাচর্চা থেকে ‘পার্টি দেয়া’, পানীয় পরিবেশন পর্যন্ত তাবৎ জানে তাঁরই হাতে খড়ি। তার বাড়ী নটবরদের আখড়া। সে-ও মোহাবিণ্টা হয়, তার চোখেও আবেশ লাগে। কিন্তু তার সংযম, প্রখর বিচারবোধ ও চারিত্র্য শুধু তাকেই সংযত রাখে না, অন্যদেরও সীমা-স্বীকারে বাধ্য করে। ফলে তার পার্টিতে ‘বান্‌চালের’ ঘটনা ঘটে কদাচিত্। জনাকীর্ণ পরিবেশেও একাকীত্ব কখনো কখনো দুঃসহ হয়ে ওঠে। এ’ নারীর অপূর্ণতার তথ্য আমরা অবহিত নই। কৃপাপ্রার্থীদের মধ্যে কীতিনাশ চৌধুরীকে বন্ধু হিসেবে, জীবনসঙ্গী হিসেবে বেছে নেয় এবং এ’জন্যে কোন

চড়াই-উৎসাহ-ও তাদের অতিক্রম করতে হয়নি। ‘সজীব’ কীর্তির ‘অফুরন্ত প্রাণরস’-ই তাকে আকর্ষণ করেছিলো। এবং তার ‘কুপার’ কথা প্রকাশ করতে একমুহূর্ত সময়ও লাগেনি। কৃতজ্ঞ কীর্তির কাছে নিজের অসহায়তা মেলে ধরতেও তার আর দ্বিধা নেই,----‘তুমি সহজে বুঝবে না, জ্বনতার মাঝখানে একটা মানুষ কতখানি নিঃসঙ্গ, বিচ্ছিন্ন, পরিত্যক্ত হতে পারে।’ এ’ নারীর মানসগঠনে দেশী-বিদেশী অনুভূতির অপূর্ব মিশ্রণ---একদিকে বন্ধনহীনতায় দিশেহারা, অপরদিকে বিধি-লিপিতে প্রমত্তহীন প্রত্যয়।---“আমি অন্তরে অন্তরে বিশ্বাস করি দৈবে, অদ্ভুত---আমি ফেটালিস্ট, অনেকটা খৈয়ামের মত। তাঁর প্রত্যাদেশ, তারই ফাঁকে ফাঁকে সুযোগ পেলে পেয়ালার অধরে ধরো। অর্থাৎ আনন্দ করো। সেটা তো মোটামুটি মানিই, কিন্তু সবচেয়ে সেই ফরাসী রুদ্ধ জেনারেল আমাকে যে ধর্মে দীক্ষা দেন :

লিবেঁতে লিবেঁতে, তুজুর না লিবেঁতে।”৫৩

এটাই শিপ্রার জীবনভাষা, তার দর্শন। এর মধ্যেই নিহিত তার চরিত্রের রহস্যময়তা, নিঃশর্ত ভালোবাসার চাবিকাঠি। তার সংবেদন-শীল হৃদয় সর্বসত্তা দিয়ে অনুভব করেছে কীর্তির ভালোবাসা। তাই নিজেকে সমর্পণে কোন প্রতিবন্ধকতার সম্মুখীন হতে হয়নি এবং পরিপূর্ণতম বিশ্বাসে সে উচ্চারণ করতে পারে, ‘আমার প্রেম তুমি দিনে দিনে চিনে নিও, আমি আশা ধরি, তুমি কোনো দিন তার শেষ অতলে পৌঁছতে পারবে না।’---যেন শব্দনেরই কণ্ঠস্বরের অনুরণন। স্বৈচ্ছায় বাঁধা পড়েছে শিপ্রা, শুধু নিরাপত্তার নিশ্চয়তা চেয়েছে কীর্তির কাছে। তার বেশী নয়।

বাঙলাদেশের মুক্তিযুদ্ধ তাদের চিন্তা-চেতনা তথা জীবনের মোড় চিহ্নিত করে দেয়। দেশ বিভক্ত---নাড়ির যোগ অচ্ছিন্ন। ইচ্ছামতির ওপারের বুক ফাটা কান্নায় এপারও উদ্বেলিত। শিপ্রার দৃঢ়তা সঞ্চারিত কীর্তির মধ্যেও, তার অনুপ্রেরণায় আপন সীমাবদ্ধতাকে নিবিঘ্নে অতিক্রম করার দুঃসাহস জাগে বৃকে। উদ্দীপ্ত কীর্তি শিপ্রার মুখে শোনে প্রবীণ ফরাসী জেনারেলের আপ্তবাণী---

“যে ভেঙে গিয়ে মাটিতে গুয়ে পড়েছে, তাকে প্রবলতম শক্তিও দাঁড় করাতে পারে না। যে জাত ভেঙে পড়েনি, সেও যেন

অপনের সাহায্যের উপর বড় বেশী ভরসা না রাখো।”
[তুলনাহীনা, পৃ. ২৫২]।

এবং শিপ্রার দৃঢ়তম বিশ্বাস ‘পূর্ব বাঙলা যদি স্বাধীনতা লাভ করতে সক্ষম হয় তবে স্বাধীনতা আনবে সে-দেশের চাষাভূষা, মাল্লামাঝি এমন কি লেঠেল-ডাকাতও কিছুদিনের তরে পৈত্রিক ব্যবসা ক্ষান্ত দিয়ে—তার গণতন্ত্র, স্বৈরতন্ত্র, পঞ্চতন্ত্র কিছুই বোঝে না। বোঝবার দরকারও নেই।’ [তুলনাহীনা, পৃ. ২৫৭]।

ভাই-এর পাশে দাঁড়ানোর এই তো সুসময়। ভয় কি! ‘বার’-এর ‘মক্ষিকা-রাণী’র মনুষ্যত্বের স্বপক্ষে প্রেরণাদাতৃতে উত্তরণের স্তরটি সুকৌশলে নিমিত। বাইরের ঝঙ্কারিষ্ণোত্ত ‘তুলনাহীনা’র নায়ক-নায়িকার চরিত্র বিকাশের উপাদান হিসেবে আলী সাহেব ব্যবহার করেছেন। নৈপুণ্য আছে—পান্নিপাট্যের অভাব।

নায়ক চরিত্র সৃষ্টিতে আলী সাহেবকে বিশেষ বেগ পেতে হয়নি। নায়িকাদের কৃপা-করণায় নায়কজীবন সমৃদ্ধ। আচমকা নায়িকাদের দর্শন কিংবা অনুগ্রহলাভ করে এই ভাগ্যবানদের জীবন ধন্য। এদের অন্যতম কীর্তিনাশ চৌধুরী। এই নিরীহ নিবিরোধী লাজনম্ন মানুষটি অবিশ্বাস্যরূপে শিপ্রার অযাচিত প্রেম লাভ করে কৃতজ্ঞ এবং এ’ছেন অপ্রত্যাশিত সৌভাগ্যে কিংকর্তব্যবিমূঢ়ও বটে! তার আবেগ পাগলপারা। —“কোনো নোটিশ না দিয়ে কীর্তি হঠাৎ মাথা নিচু করে শিপ্রার একটা পায়ের চট্ট করে চুমো খেয়ে অন্য পায়ের চেপে দিতে লাগলো দীর্ঘতর চুম্বন।” [তুলনাহীনা, পৃ. ৭৩]। অথবা, শিপ্রার বারিসিক্ত পাদপদ্ম লক্ষ্য করে আতঙ্কিত নায়কের উৎকণ্ঠা ও দৃষ্টিটকটু কর্তব্যবোধ :

“এখুনি পা মুছে ফেলো—না আমি ভালো করে আচ্ছাসে রগড়ে রগড়ে বোন্-ড্রাই করে দেব?”...

শিপ্রা ডিভানে বসে পা-দুটি প্রসারিত করলো। বললে, “বাথ-রুমে বড় টাওয়েল আছে।”

সঙ্গে সঙ্গে দেখতে না দেখতে কীর্তি গেল আর এল।

[তুলনাহীনা, পৃ. ৯৩]।

এতো ভালো মানুষ কিংবা ‘ছেলেমানুষ’ নামক অতি শীতল পাঠকেরও ধৈর্যচ্যুতি ঘটায়। এ’ প্রেম নয়, বিকার। এবং আমাদের সৌভাগ্য, মুঞ্জিষুদ্ধের পটভূমিকায় ‘বিকার’ ক্রমেই দার্ত্যে পরিণত। শিপ্রার প্রভা এবং নামকের সুপ্ত পৌরুষ সংগ্রামের আস্থানে মশাল হয়ে ওঠে। কীতি তখন এক নোতুন মানুষ। তার সংশয় নেই, ‘প্রবলতর শত্রুর হাতে পর্ষুদস্ত হওয়াতে লজ্জার কিছু নেই, কিন্তু সে পরাজয় স্বীকার করে নেওয়াতে, তার দাসত্বে নিজেকে বিকিয়ে দেওয়াতে সর্বনাশের চেয়ে সর্বনাশ। কারণ তার ফল ভোগ করতে হবে তাদের সন্তানদের বংশানুক্রমে’ [তুলনাহীনা, পৃ. ২৫২]।

জ্ঞাতিবোধে উজ্জীবিত সংগ্রামী অনুভূতিতে কীতিনাশ পরিণত, পরিপূর্ণ মানুষ এবং বাঙালী হিসেবেই পূর্ব বাঙলার সর্বনাশরোধে দৃঢ়প্রতিজ্ঞ। মানসিক রূপান্তরের মধ্য দিয়েই আলী সাহেব তাঁর কম্পিত হস্তে কোনক্রমে নামকের ভরাডুবি রোধের চেষ্টা করেছেন।

এ্যাংলো ইন্ডিয়ান, ‘বারমেড’ সিমোরীনা বেয়াত্রিচে ও হোটেলের ‘রিসেপশনিষ্ট’ জিমি উইলসন এবং বাঙলাদেশী উদ্ভাস্ত হাজী সাহেব চরিত্রানুগ পরিণতিতে সুসমঞ্জস। ‘বসন্তসেনা শ্রেণীয়া মনোরঞ্জিণী, চিত্তহারিণী’ পরিবারের কন্যা বেয়াত্রিচে মাদসানির রচনার দ্বারা প্রভাবিত, উদ্দীপ্ত। তাবৎ স্বাধীনতাকামীদের প্রতি রয়েছে তার সর্বাঙ্গিক শুভেচ্ছা। এবং বাঙলাদেশের সংগ্রামীদের সঙ্গেও তার একান্ত আন্তর-প্রেরণায় স্বতঃস্ফূর্ত। মাটির প্রতি আসক্তি এবং দেশপ্রেমের ‘হৃদয়ের যুক্তি’তে জিমি অত্যাজ্জল। তাদের সম্প্রদায়ের অনেকেই ‘ক্যানাডা বা অস্ট্রেলিয়ান’ চলে গেলেও এবং প্রয়োজনাতিরিক্ত সুযোগ-সুবিধে সত্ত্বেও জিমির পিতা জন্মভূমি পরিত্যাগ করেননি। অভিন্ন যুক্তিতে পুত্রও দেশের মাটিতেই শেষ নিঃশ্বাস পরিত্যাগে অভিলাম্বী। জিমিকে পিতা বলেছিলেন, ‘যারা যাচ্ছে যাক্। আমি কক্খনো বলবো না, তারা অন্যান্য করেছে। কিন্তু, মাই জিমি, আমি যে দেশে জন্মেছি, যে-দেশকে আমি ছেলেবেলা থেকে ভালোবাসতে শিখেছি, সে-দেশ আমি ত্যাগ করতে পারবো না। আমি এ-দেশেই মরতে চাই, যাতে করে আমার বাপ পিতামোর হাড়ির কাছে আমার হাড়িও ঠাই পায়—আই উয়ান্ট মাই বোনস্ টু বি গেদার্ড্ আনটু মাই ফোর ফাদার্স হোমার দে আর।’^{৫৪} জিমির ক্ষেত্রেও তাই। সে-চলে গেলে পিতা-পিতৃপুরুষের

“গোরে ফুল দেবে কে?” মাতার পার্শ্বে অস্তিম শয্যা লাভের একান্ত কামনা সৈয়দ মুজতবা আলীরও ছিলো।

হাজী সাহেব বিচক্ষণ, দূরদর্শী এবং রসবোধ ও প্রাণচাঞ্চল্যে ভর-পুর। তার অন্যতম ব্যবসা ছিলো ক্যান্টনমেন্ট-এ রসদ যোগানো। মুক্তিযুদ্ধের প্রথম ধাক্কাতেই সে ছিটকে পড়ে সীমান্তের এ-পারে। সেনা-ছাউনির চাহিদা মেটানোর জন্যে ‘পোলট্রি ফার্ম’ স্থাপনের উদ্দেশ্যে পাকিস্তানী কর্নেল হাজীর মতো বিশেষজ্ঞের অভিমত চাইলে তিনি সেই সব অমূল্য তথ্য চালান করলেন “যে সব ঢাকা কলকাতা দেয় তাদের ‘ফ্লোরাল ব্রডকাস্ট’ পশুপক্ষী পালন বাবদে চামাদের। শুনেছি, ওগুলো পালন করলে প্রতি তিন মাস অন্তর মুরগীর মড়ক অনিবার্য। অবশ্য আলা যদি আমাদের প্রতি সদয় হন।” [তুলনাহীনা, পৃ. ১১৮]। প্রত্যুৎপন্নমতিত্ব ও বাক্‌চাতুর্য হাজীর রুডিরও সহায়ক। তাঁকে ব্যবসায়ের প্রয়োজনে প্রায়ই এদেশ-ওদেশ করতে হয়। সুতরাং, রাখতে হয়েছে ‘তিনখানা পাসপোর্ট’ এবং হরহামেশাই বর্ডার-দেবতাদের সওগাত দিতে হয় ‘বোতলটা বাতলটা, বউয়ের জন্য জবাকুসুমটা ছেলের জন্য ইন্সট্রুমেন্ট বক্সটা প্রভৃতি। হাজী সাহেব সহাদয়, সজ্জন। তাঁর উপলব্ধিতে উদার মনুষ্যত্বের বাণী অনুভূত।—‘প্রতি দাগায় হিন্দু মুসলমান যখন একে অন্যকে বাঁচায়— তখনই দেখি,...মানুষের মনুষ্যত্ব। স্বার্থপর পলিটিশিয়ানদের প্রপাগান্ডা উপেক্ষা করে, পথভ্রষ্ট ধর্মযাজকদের অনুশাসনে কান না দিয়ে, সশস্ত্র গুণ্ডাদের ভীতি প্রদর্শনকে তুড়ি মেরে কে মানুষকে তখন সত্যের পথে, আর্ন্তজনকে রক্ষার পথে চালায় কে?—সে তার মনুষ্যত্ব।’ [তুলনাহীনা, পৃ. ১৪৯]। পূর্ব বাঙালার বিহারীদের ঘৃণ্য আচরণে বিক্ষুব্ধ হাজী তাদের জন্যেও বেদনা বোধ করেন। এরা পাঞ্জাবীদের চেয়েও নৃশংস পদ্ধতিতে বাঙালীর বিরুদ্ধতা করবে। আপন হাতে খনিত মৃত্যুকুপই হবে তাদের অস্তিম আশ্রয়। ‘পাঞ্জাবীরা অবস্থা মারাত্মক জানামাত্রই ফিরে যাবে আপন দেশে, ওরা যাবে কোথায়? দে হ্যাড্ বার্নট দ্যার বুলক কার্টস।’ ৫৫

এ’ গ্রন্থেও পাহাড়ী কন্যার তাস গুণে ভবিষ্যৎনির্ণয়ের প্রচেষ্টা রয়েছে। আর শিপ্রা তো ভাগ্যের অমোঘতায় তার আস্থার কথা পূর্বেই প্রকাশ করেছে।

‘অত্যাধুনিক’ শিল্পকলা মুজতবা আলীর সম্ভ্রম আদৌ পায়নি এবং গদ্যকবিতা তাঁর ভাষায় ‘গবিতা’। সুযোগ পেলেই এই ‘অত্যাধুনিক-তার’ ওপর সম্মার্জনী বুলোতে তিনি ইতস্ততঃ করেননি। শিপ্রার মুখে আলী সাহেবের বক্তব্যেরই ঘরোয়া রূপ : “সব চেয়ে খাসা মানায়, যদি আমি সেখানে কোমরে আঁচল বেঁধে, টাটা স্টিলের কড়াইয়ের খাগড়াই কাঁসার খুন্তি দিয়ে তোমার জন্য পুঁই শাকের চচ্চড়ি ঘাঁটাই।” অতঃপর মুজতবার রসসংযোজন :

আহা, যেন একটি সার্থক গবিতা! এই একটি বাক্যকেই তিন অসমান হিস্যেয় ভাগ করে তিন লাইনে ছাপলেই কোথায় পাউন্ড, কোথায় বঙ্কু সমর সেন?

ডাস্টবিন্-এ পচা ঊঁদুর
রিকশায় চীনা গণিকা

এগুলো মহাকাব্য রূপে স্বীকৃত হয়েছে। এবারে জুড়ে দিলে ময়দানের মিনার-শিখরে ইশাটিলের কড়াই।” [তুলনাহীনা, পৃ. ৭৬]।

আলী সাহেবের সরস রসিকতার স্পর্শে এ উপন্যাসটিও স্থানবিশেষে সুখপাঠ্য। যথা :

ক. [লারী] ‘বললেন, “বাঙালী আর্থের পূর্বপুরুষ তো পাঞ্জাব থেকে এসেছেন। তাঁরা তো পাঞ্জাবী।”

অতিশয় মৃদুকণ্ঠে সুদিন বললে, “এবং তাদের পূর্ব পুরুষ বাঁদর— ডারউইন বলেছে।” [তুলনাহীনা, পৃ. ৮৮]।

খ. আমাদের...এক কেন্দ্রীয় মন্ত্রীকে কে যেন কথাচ্ছলে বলে, ‘অক্সিজেন আবিষ্কৃত হয়, ১৭৭৪-এ’। মন্ত্রী সবিস্ময়ে শুধোলেন, ‘তার আগে মানুষ বাঁচতো কি দিয়ে?’ [তুলনাহীনা, পৃ. ২৪৬]

সৈয়দ মুজতবা আলীর বহুবিধ রচনার সঙ্গে আমরা পরিচিত এবং বিষয় ও শৈলীর বৈচিত্র্যে বিমুগ্ধ। বীভৎস রসের অবতারণা তাঁর রচনায় নেই বললেই চলে। বস্তুতঃপক্ষে এই বস্তুটিকে তিনি সমস্ত পরিহার করতেন। কিন্তু বীভৎসতার বর্ণনাতেও তিনি যে কতোটা

সাবলীল, সুনিপুণ ও স্বকীয়তায় বিশিষ্ট তার প্রমাণ পরলোকে হিটলার। সমীপে পাঠানো বাঙলাদেশে পাকিস্তানী পাশবিকতার ফিরিস্তি :

‘...হিটলার সাহেব, কী বাতাই আপকো। সবসে খাবসুরে দেখলুম, লাল খুন তার দুধের মতো সফেদ উরুর উপর—ওয়াহ্, ওয়াহ্। সব-কুছ্ আমার পীর সাহেবের মেহেরবাণীতে। ...কিন্তু, হজুর, জওয়ান ঔরংটা বড়া বেতমীজ ছিল। কুছ্ না—আচানক দম বন্ধ—বাটসে মরে গেল। আমাদের শের দিল্ খান গয়রহ তিন বেরাদর তখনো বাকী। লেकिन ওরা পাক্কা মর্দ। জিন্দা মুর্দাতে ফরক করনে-ওয়ালা পাঠানকা বেটা ওরা নয়। জঙ্গী খান একটা চোচীর ডগা কামড়ে মুখে পুরলো। আমি ছোরা দিয়ে দুসরাটা কেটে—এয়াসা বড়া কভীভী দেখবার খুশ-কিসমৎ আমার জিন্দেগীতে হয়নি—পুরা সমূচা হাড়িতক কেটে আমার সঙ্গীনের ডগায় খোঁচা দিয়ে সঙীন উঁচা করে ধরলুম।...মেজর আসদ খান আমার পিঠ চাপড়ে বললেন, ‘বড়া বড়হীয়া খেদমৎ করেছ পুরব-পাকিস্তানের, কাফির লেড়কীকে খতম করে—পাক্ মহরম মাসে। সোনার মেডেল পাবে। আমি সুপারিশী চিঠি আজই ভেজ দেব।’৫৬

সংখ্যায় নগণ্য হলেও স্থান-কাল-পাত্র ও কাহিনীর বৈচিত্র্যে সৈয়দ মুজতবা আলীর উপন্যাস উল্লেখ্য।

তথ্যনির্দেশ

১ শ্রীভূদেব চৌধুরী : বাংলা সাহিত্যের ছোটগল্প ও গল্পকার (১ম প্রকাশ, ১৯৬২)। পৃ. ৩১

২ ঐ, পৃ. ৩৫

৩ অরুণকুমার মুখোপাধ্যায় : কালের পুত্তলিকা—বাংলা ছোট-গল্পের নব্বই বছর (১ম সংস্করণ), পৃ. ১০

৪ গজেন্দ্রকুমার মিত্র : ভূমিকা, সৈয়দ মুজতবা আলী রচনাবলী, ১ম খণ্ড, পৃ. ১৬.

৫ অবিশ্বাস্য, (১ম সংস্করণ), পৃ. ১০

৬ বঙ্গসাহিত্যে উপন্যাসের ধারা (পরিমার্জিত সংস্করণ, ১৩৭২),
পৃ. ৪৪৭

৭ শ্রীমুক্ত সাগরময় ঘোষকে লেখা মুজতবা আলীর পত্র ।

৮ গজেন্দ্রকুমার মিত্র : ভূমিকা, সৈয়দ মুজতবা আলী রচনাবলী,
১ম খণ্ড, পৃ. ১৩/-১১।

৯ শ্রীঅমলেন্দু সেনকে লেখা আলী সাহেবের পত্র ।

১০ প্রমোদ সেন : পুস্তক সমালোচনা, অবিখ্যাস্য; উষা, আষাঢ়
১৩৬১, পৃ. ১৬৭-৬৮

২০ক প্রমোদ সেন, ঐ

২০খ ঐ

১১ অবিখ্যাস্য, (১ম সংস্করণ), পৃ. ১২০-২১

১২ ঐ, পৃ. ১৪৯

১৩ ঐ, পৃ. ১৭৬

১৪ ঐ, পৃ. ৪৮-৪৯

১৫ ঐ, পৃ. ৯২

১৬ ঐ, পৃ. ৪৯

১৭ অধ্যাপিকা সালমা চৌধুরীকে লেখা মুজতবা আলীর পত্র ।

১৮ শব্দনম্, (১ম সংস্করণ), পৃ. ৩০

১৯ শ্রীসুকুমার সেন : বাঙ্গালা সাহিত্যের ইতিহাস (দ্বিতীয় খণ্ড),
পৃ. ১৭৫

২০ বঙ্গসাহিত্যে উপন্যাসের ধারা, পৃ. ৪৫১-৫৩

২১ ঐ, পৃ. ৪৭৪

২২ শব্দনম্, (১ম সংস্করণ), পৃ. ৩

২৩ শ্রীসাগরময় ঘোষকে লেখা মুজতবা আলীর পত্র ।

২৪ শ্রীঅমলেন্দু সেনকে লেখা মুজতবা আলীর পত্র ।

২৫ শ্রীদীপঙ্কর বসুকে লেখা পত্র-৩, সৈ. মু. আ. রচনাবলী,
১১শ খণ্ড, পৃ. ৩০৫

২৬ ঐ, পত্র-৬, ঐ, পৃ. ৩১২

- ২৭ প্রমথনাথ বিশী : পুস্তক পরিচয় (শব্দনাম), বেতার জগৎ,
২২ নভেম্বর, ১৯৬০, পৃ. ৮৬৪ক এবং ৮৯২ক
- ২৮ পুস্তক পরিচয়, দেশ, ২ ভাদ্র, ১৩৬৮, পৃ. ২৭২
- ২৯ শব্দনাম, পৃ. ৫
- ৩০ ঐ, পৃ. ৬৮
- ৩১ শহর-ইয়ার, (১ম সংস্করণ), পৃ. ৪৪
- ৩২ শব্দনাম, পৃ. ১৯৮
- ৩৩ ঐ, পৃ. ১৮৬
- ৩৪ ঐ, পৃ. ১৪১
- ৩৫ অরুণকুমার মুখোপাধ্যায় : ভূমিকা, সৈ. মু. আ. রচনাবলী, ৬ষ্ঠ
খণ্ড, পৃ. ১.
- ৩৬ সুশীল গঙ্গোপাধ্যায় : ভূমিকা, সৈ. মু. আ. রচনাবলী, ৩য়
খণ্ড, পৃ. ৭.
- ৩৭ রঞ্জন বন্দ্যোপাধ্যায় : আলোচনা (শহর-ইয়ার), দেশ, ৩১ শ্রাবণ,
১৩৭৬
- ৩৮ শহর-ইয়ার (১ম সংস্করণ), পৃ. ৮৫
- ৩৮ক রঞ্জন বন্দ্যোপাধ্যায় আলোচনা, ঐ
- ৩৯ সত্যকাম সেনগুপ্ত : আলোচনা (শহর-ইয়ার), দেশ, ৬ ভাদ্র
১৩৭৬, পৃ. ৩৮৪
- ৪০ মাধুরী চৌধুরী : আলোচনা, শহর-ইয়ার, দেশ, ১৩ ভাদ্র, ১৩৭৬
পৃ. ৪৯৬
- ৪১ শহর-ইয়ার, পৃ. ২৫১
- ৪২ দিলীপকুমার রায় : আলোচনা, দেশ, ৬ ভাদ্র, ১৩৭৬ পৃ. ৩৮৪-৮৫
- ৪৩ অরুণকুমার মুখোপাধ্যায় : ভূমিকা, সৈ. মু. আ. রচনাবলী,
৬ষ্ঠ খণ্ড, পৃ. ১.
- ৪৪ শহর-ইয়ার, পৃ. ৩৩
- ৪৫ ঐ, পৃ. ২২৩
- ৪৬ অরুণকুমার মুখোপাধ্যায় : ভূমিকা, সৈ. মু. আ. রচনাবলী,
৬ষ্ঠ খণ্ড, পৃ. ১১.

৪৭ শহর-ইয়ার, (১ম সংস্করণ), পৃ. ৫৬

৪৮ ঐ, পৃ. ১৯৬-৯৭

৪৯ ঐ, পৃ. ১১০

৫০ ঐ, পৃ. ২৩০

৫১ অরুণকুমার মুখোপাধ্যায় : ভূমিকা, সৈ. মৃ. আ. রচনাবলী,
৬ষ্ঠ খণ্ড, পৃ. ১১/-১১৮

৫২ তুলনাহীনা, (১ম প্রকাশ), পৃ. ২৯

৫৩ ঐ, পৃ. ৬৪

৫৪ ঐ, পৃ. ২০৫-০৬

৫৫ ঐ, পৃ. ১৪৬

৫৬ ঐ, পৃ. ২৩২